

**AD PENULTIMUM
PANDECTARUM
TITULUM, QUI
EST DE
VERBORUM ET...**

Mathias Stephani





Ex Bibliotheca
majori Coll. Rom.
Societ. Jesu

26.4.24.

~~26
C
24~~

13.9.15

AD

Penultimum Pandectarum
titulum,

QUI EST DE

VERBORUM
ET RERUM SIGNI-
FICATIONE,
Notæ,

*In quibus singula leges & paragraphi il-
lius tituli breviter sed juridicè
explicantur:*

OPERA ET STUDIO

MATTHIÆ STEPHANI JC.

& Antecessoris in Academia Gryphif-
waldensi.


*Index legum & Paragraphorum, itemq; nominum &
rerum præcipuarum in fine adjectus est.*



ROSTOCHI

Impensis & Litteris Augustini Ferberi

ANNO M. DC. XXVIII



AD

Penultimum Pandectarum
titulum,

QUI EST DE

VERBORUM
ET RERUM SIGNI-
FICATIONE,
Notæ,

*In quibus singulae leges & paragraphi il-
lius tituli breviter sed juridicè
explicantur:*

OPERA ET STUDIO

MATTHIÆ STEPHANI Jc.

& Antecessoris in Academia Gryphif-
waldensi.


*Index legum & Paragraphorum, itemq; nominum &
rerum praeipuarum in fine adjectus est.*



ROSTOCHI

Impensis & Litteris Augustini Ferberi

Anno M. DC. XXVIII



DEDICATIO.



ADMODUM REVERENDO,
ILLUSTRI, AC GENEROSO
DOMINO, DN.

VOLCMARO WOLFFGANGO,
Libero Baroni in Pudbus; Sacri Jo-
hannitarum Ordinis Equiti, & Commen-
datori in Wildenbruch/ Domino suo
percleменти;

S. D.



Admodum Reverende, Illustris,
ac generose Liber Baro, Domi-
ne perclements: Tituli *de verborum &*
rerum significatione, cognitio, non mo-
dò omnibus juris studiosis & Doctori-
bus, verùm etiam ipsis iudicibus & se-
natoribus est valdè necessaria. Quid
enim, quæso, ipsi juris interpretes, vel
in foro, vel in Scholis, sine hoc titulo
proficerent? Quid iudices, nisi hujus

A. 2

titulus

DEDICATIO.

tituli operâ instituti & edocti, de verborum variis & ambiguis significationibus, in judiciis cognoscerent & intelligerent? Et sic videmus, Pandectarum opus hoc titulo claudi; qui est generalis, in quem verborum ejusmodi significationes conjectæ sunt, quæ ad causæ vel quæstionis, in legibus sæpè occurrentis, decisionem multum ponderis adferunt. Sanè βασιλικῶν opus primo loco hunc titulum ponit; Sed utriusq; positionis eadem ratio est: quippe quod hic titulus mæet in juris universum corpus. Adeoq; rectè quis dixerit, hunc titulum esse quandam Epitomen Pandectarum, omnia ferè, quæ prolixius antè disputata, brevi conjectione enarrantem. Ut itaque fidei & inspectioni meæ commissis eorumq; studiis inservirem, brevem hanc interpretationem legum & Paragraphorum ex Interpretibus congestam, cum

DEDICATIO.

cum illis communicavi, & rogatu quorundam publici juris fieri volui. Hoc quaecunque opusculum, Tibi, admodum reverende, illustris ac generose, Liber Baro, Domine per clemens, dico, & submisso animo styloq; offero. Disseritur in illo de verborum variis & ambiguis significationibus, quarum cognitione cum egregiè Te instructum esse, & vel maximè delectari cum sciam, certam inde spem concipio, Tibi hoc munus chartaceum non fore penitus inacceptum. Quin & simul devotæ observantiæ meæ debitæ vel aliquod saltem sive testimonium, sive monumentum apud Te esse, maximè operè exopto. Vehementer itaq; Te oro atq; obtestor, ut chartaceum hoc munus, placido ac benigno animo, vultuq; sereno gratiosè suscipias, meq; & studia mea eo adfectu & clementia singulari, quâ erga omnes literatos es, tibi clemē-


DEDICATIO.

te commendata esse patiaris. Quod
superest unicum ac solum, illud à DEO
summisprecibus peto atq; contendo,
ut Te ad sanctissimi sui nominis & nu-
minis gloriam & laudem, adq; Patriæ
& Christianæ Reipublicæ singulare or-
namentum, commodum & emolu-
mentum, longævâ vitâ donet, exsati-
et ac beat. Gryphiswald. Anno M. DC.
xxvi, die xxxi, Augusti,

Vest. Generosus.

deditissimus

MATTHIAS STEPHANI JC.



AD



AD RUBRICAM

sive

Titulum Libri I. Pandectarum



DE VERBORUM ET RERUM SIGNI- FICATIONE.

DIXI, *ad rubricam seu titulum*: Quos enim hodie *titulos* & inscriptiones vocamus, antiquitas *Rubricas* appellabat: ideo quia tituli antiquitas rubro colore pingi solebant l. 2. §. pen. ff. de interdict. At *titulos* ex eo dici, quod nigrum h. e. subsequentem textum tueantur, notat Corasius *ad Rubr. de servit.*

Titulus est, *de verborum & rerum significatione*: secundum vulgarem lectionem. Et sic quoq; *titulus* 38. lib. 6. Cod. inscriptus est: *de verborum & rerum significatione*. Quin etiam *rerum verborumq;* libri citantur à Gellio lib. 13. Quamvis autem in Pandectis Florentinis (quæ græcis characteribus, latino tamen sermone scriptæ dicuntur) ea verba & *rerum* absint: attestante Cujatio h. loc. quibus consentire, addit, & βασιλικὰ in quibus est, περὶ ῥημάτων σημασίας: attamen cum verba sint rerum notæ, non adeò inconcinne ea verba interjecta esse existimandum est. *Codd. ad rubr. b. n. 28. & seq.*

A 4

Ad

AD L. I.

*Verbum hoc si quis, tam masculos, quàm
fœminas complectitur.*

ULpianus ait, *Verbum illud, si quis, utrumq; sexum
complecti*, ac si commune esset: Merito itaq; et-
jam ex sermonis proprietate fœminas comprehen-
dit Cujat. Alciat. & Godd. ad h. l. Masculinum namq;
continet fœmininum h. l. i. l. *pronunciatio* 195. in pr.
l. *qui duos mulos* 62. de legat. 3. ubi Jctus Julianus
ait: Semper sexus masculinus fœmininum conti-
net l. *illa verba* 163. §. 1. l. *pueri* 204. h. lit. ubi appel-
latione pueri etiam venit puella. Nec immerito:
Quia à potiori fit denominatio: Potior autem est
mas quàm fœmina l. i. de senator. Nec ulla hic sexus
confusio, sed sermonis compendiosi explicatio quæ-
dam traditur. gl. in l. *servis legatis*. ff. de legat. 1. Et sic
masculino genere non solum in contractibus com-
prehenditur genus fœmininum Jul. Clar. §. *emphy-
teusis quest.* 32. n. 2. ubi dicit, *equitati juriq; regulari
contrariam esse illam* Dd. opinionem, quæ filias ab emphy-
teusi excludit, quam pater pro se & suis filiis accepit.
Item in statutis Zuchard. in l. 63. C. de edict. D. Adr.
roll. sed etiam in causis & decisionibus pœnalibus h.
l. n. & l. *si quis* 7. de juridict. & ibi Jason. num. 1. &
seq. Sichard. ad l. 4. C. de serv. fugit. n. 28. Godd. ad h.
l. n. 53. & seqq.

Cur verò fœmininum vice versa non contineat
masculinum, rationem reddit Pomponius l. *si ita
scriptum* 45. pr. de legat. 2. Exemplo scilicet pessimum
esse,

esse, fœminino vocabulo etiam masculos contineri. Sed verior ratio est, quia vir sive mas primò creatus est, ex quo prius creato, fœmina tanquam ejus portio & pars sit effecta, *Godd. ad h. l. n. 32.* Quin & viro imperium in beluas, ipsamq; uxorem concessum: quam dignitatem verò datam dehonestaremus, si fœminino verbo masculinum contineri concederemus. Ne dicam ipsi DEO & naturæ injuriam inferri videri, si non ab eo quod perfectius, & pluris est, denominationem faceremus, sed in imperfecto perfectius contineri diceremus *arg. c. imago 33. quæst. 5. Godd. ad h. l. num. 64.*

In causis itaq; & decisionibus etiam pœnalibus masculinus sermo ad utrumq; sexum regulariter pertinet *per hunc text. & d. l. si quis 7.* unde & statum loquens de adultero loquendo, habet etiam locum in adultera. Sanè si loquentem aliter sensisse probatum fuerit, masculino fœmininum contineri negabimus *l. Lucius Titius 95. §. quæsitum 3. ff. de legat. 3. text. & gl. in d. c. imago quæst. 5. verb. in homine.* Sic & in materia differenti dicendum masculino fœmininum non contineri *l. 3. in pr. & §. seq. de negot. gest. l. 1. §. l. de constit. pec.* Est autem materia differens, quæ non tam ad fœminas, quàm viros aptari potest. Exemplum est ratione maternæ differentis; de procuratore, vel etiam judicandi munere; item de magistratu obeundo, à quibus omnibus arcentur fœminæ *l. alienam C. de procurat. l. fœminis l. neq; fœmine ff. eod. l. 2. C. de his qui ven. atat. l. cum prætor. 12. de judic. l. 2. de reg. jur.* Sic ad mares duntaxat pertinent

4 DE VERBOR. ET RER.

feuda, si filii feudum acquiratur, non item ad fœ-
minas *s. filia verò tit. de success. feud. in usib. feud. Curt.*
de feud. p. 3. memb. 1. n. 1. 18. & 25. unde & in mate-
ria feudali fœmininum sub masculino contineri ne-
gandum est *Alciat. h. & Godd. n. 50.* At in materia
indifferenti, qualis est, quæ ad mulieres & viros pro-
miscuè pertinet, fœmininum sub masculino genere
continetur, & præsertim in favorabilibus, regulariter
Sichard. in l. 4. C. de serv. fugit. rum 27.

AD L. II.

*Urbis appellatio muris, Romæ autem conti-
nentibus ædificiis finitur, quod
latius patet.*

PRætor se jus dicturum in urbe pollicebatur. Quæ-
ritur itaque, quid appellatione urbis significetur?
Ideoq; Paulus illud interpretans, respondit, *urbis ap-
pellationem muris, Romæ autem appellationem con-
tinentibus ædificiis finiri. h. l. n.* Atque ita innuit.
Romam latius patere quàm *urbem*. Continentia
autem hic appellantur, ædificia urbi connexa &
quasi cohærentia, sive suburbia, ad quæ etiam hor-
rea custodiæ causa extra urbem posita referri debent
l. cur quæ 84. de legat. 3. Quod autem urbs muris
finiatur; omnibus urbibus commune est. Urbs e-
nim ab urvo appellatum est: Urbare est aratro de-
finire: & Varus ait, urbem appellari curvaturam
aratri, quod in urbe condenda adhiberi solet *l. pu-
pillus 239. s. urbs, inf. eod.* urbis tamen appellationem,
non aratri circumductione, sed muris finiri, ait Pau-
lus

SIGNIFICATIONE.

§

Ius h. l. n. Scilicet designatio non semper fit aratro; & illius loco nunc sunt muri. Igitur etsi muri ultra fines antiquos extendantur, etiam post comprehensum urbis appellatione nunc veniet; quia utiq; & hoc nunc intra muros est, & veteres hoc navassent æquè *Alciat. & Godd. ad h. l. n. 25.* Idem dicendum de civitate, castro, villa, oppido *c. si civitas 17. de sentent. excomm. in 6. Alciat. ad h. l. n.*

AD §. I.

*Cujusq; diei major pars est horarum,
septem primarum diei, non su-
premarum.*

Hic textus intelligitur de die naturali, non de civili. *Dies namq; civilis est*, qui more Romano media nocte incipit, & altera media nocte iterum finitur, & horas *xxiv.* habet *l. more 8. ff. de feriis.* At *dies naturalis* est, spacium inter Solis orum & occasum, duodecim horarum; sic dictus, quod *xxi.* istis horis naturali diei luce fruimur. Idem etiam dicitur *artificialis*, eo quod partes ejus, hoc est, horæ artificio ejusmodi distingventur & computentur. *Dies civilis* itaque à media nocte incipit: at *naturalis dies* est solum tempus lucis, qui opponitur nocti *Cujat. 15. Obs. 31.* Quæ sit major diei civilis pars, frustra tractabitur; cum in effectu minori istius diei parte actum, æquè sit, ac si actum esset majori *d. l. more 8.* De naturali die interest solum scire, quæ ejus sit major pars: postquam in eodem demum interest, majori an minori diei parte quid actum sit. Si
ope-

DE VERBOR. ET RER.

operas majori diei parte præstandas stipulatus fuero, si quid agendum aut faciendum sit majori parte diei, non est satis quocunq; momento factum esse, sed refert scire, quæ major pars diei sit, quâ rectè stipulationi satisfactum dicatur. Hoc Paulus hic definit, esse horarum septem primarum diei, non supremarum. Penultima ex septem primis, prima est ex septem supremis. Negat septem supremas horas majorem diei partem, propter qualitatem ipsarum horarum: eò quod horis illis matutinis, homines recentes & integri libentius se ad labores dent, quàm supremis sive postremis post meridiem, quibus jam ferè facti sunt, vel certè non ita prompti & apti ad labores perferendos. Et quidem constat, Romanos prima diei parte, seriis rebus vacare solitos, reliquum verò palestræ, convivii & jocis tribuisse. Huc versus ille pertinet:

*Sex hora tantum rebus tribuantur agendis,
Vivere possit illas litera Ζῆς docet.*

Cujus distichi ratio est, quoniam sexta hora per Ζ significatur, sicut septima hora per η, octava hora per θ, nona hora per ι. Quæ literæ junctæ Ζῆς faciunt, quod est velle ut vivas. Verius itaq; est, septem priores cujusq; diei horas esse majores, non numero vel quantitate, discreta, cujus intuitu hinc inde septem sunt, vel continua, cum horæ supremæ non finiantur citius quàm primæ, cursusq; Solis semper sit æqualis, sed utilitate & commoditate laborandi. Edd. ad h. l. n. 31.

Ad

SIGNIFICATIONE.

AD L. III.

Itinere faciendo viginti millia passuum in dies singulos peragenda; sic sunt accipienda, ut si post hanc dinumerationem minus quam viginti millia supersint, integrum diem occupent, veluti viginti unum millia sunt passuum: biduum eis attribuetur: quæ dinumeratio ita demum facienda, si de die non convenerit.

Absenti in ius vocato, certi dies præstituuntur, quibus se sistere cogitur. Sed quæritur, quos passus in singulos dies debeant dinumerari? Et respondetur, *in dies singulos numeranda esse viginti millia passuum, sive viginti lapides.* Veteres enim latini, lapidibus itinera distinguere solebant, cum ad singula passuum millia, lapidem positum haberent *Myns. in §. qui autem Inst. de excusat. tut.* Adeoq; mille passus, milliare, milliarium idem significant, illud nempe terræ spacium, quod mille passus habet. *Passus* est quinq; pedum: *Milliarius* est mille passuum. A tutelâ excusat centesimus lapis *l. non solum §. qui testamento l. propter litem §. 1. de excusat. tut.* qui centesimus lapis, centum milliaria, adeoq; viginti milliaria germanica designat. Cæterum etsi Geometriæ nostri plerunq; quatuor millia passuum pro uno milliario germanico numerent; id tamen passim non observatur: unde *Mynsingerus* quinque Italica vulgaria, sive quod idem est, quinque millia passuum numerat pro uno milliario germanico *Myns. consil. 54. num. 8.* unde & in Camera tempus est arbitrium, quantum nimirum cuique pro vicinitate

vel

vel propinquitate loci ad veniendum concedi debeat, teste Andrea Gail 1. Obs. 53. n. 20. maximè ubi incertis & inæqualibus spatiis itinera sunt definita. Unde dicendum est, *hanc legem* procedere potissimum in Italia aliisq; locis, ubi itinera certis & æqualibus spatiis sunt dimensurata: Cæterum si non sint xx. milliaria integra, aut aliquantulum ultra xx. superfit, nihilominus totum diem computandum tradit Ulpianus *h. l. n.* ubi tamen addit: de dinumeratione aliter faciendâ licere inter contrahentes convenire. tunc enim pro se introducto renunciare licet *c. 1. Ext. de judic.* At hoc jus ex commoditate iter facturi ita constitutum: tum etiam simul in commodum ejus, cujus alium adesse interest, ne fortè negotium itinerum diurnorum nimia brevitate protrahatur indebitè & cum ipsius tædio: rectè itaq; hi favori & juri suo renunciabunt *h. l. n. in fin. ibi*, si de die non convenerit *l. si quis in conscribendo c. de Episc. & cler. Godd. ad h. l. nost. num. 24. & seqq.*

AD §. I.

Ejus qui apud hostes decessit, dici hereditas non potest; qui servus decessit.

Varitur, an hæreditatis nomen etiam rectè dicatur de relictis à captivo & apud hostes defuncto? Negat hoc JC. *hoc §. 1.* Hereditas enim est suecessio in universum jus, quod defunctus habuit *l. nihil est aliud. h. tit.* Atqui servus est juris expertus; imò jure pro nullo habetur, adeoque pro mortuo *l. quod attinet l. servitutem. de reg. jur.* Ideoq; nec ejus

est hereditas *l. 2. c. comm. de success.* cui consequens est, captivorum bona, aut capientibus, ut dominis §. *item vobis* 3 *Inst. per quas pers. cuiq; acquir.* aut fisco, ut vacantia addicenda *l. 1. C. de bonis vacantib. lib. 10.* sed huic regulæ lex Cornelia remedium adhibuit, quo hereditas ipsius qui apud hostes decessit, fictione legis Corneliæ sustineatur; ita sc. ut ad eam hereditatem legitimi heredes propter utilitatem publicam admittantur, ac si in civitate mortem obiisset *l. lege Cornelia ff. Qui testam. fac. poss l. lex Cornelia 28. ff. de vulg. & pup. substit. Coras. 7. Miscell. 17.*

AD L. IV.

Pecuniæ appellatione rem significari

Proculus ait.

VERIOR & probabilior lectio est *pecuniæ* quàm *nominis*: tum ne aut malè cohærent cum vocabulo, *significari*: aut illud quoq; mutari oporteat: tum quod propè impossibile sit, compilatores hujus tituli, adeò sui immemores fuisse, ut quæ in proximis tribus versiculis proposuissent, illa in *l. 6. h. tit.* repetierint. Dicit autem Jctus, *pecuniæ appellatione rem significari.* h. e. pecuniæ appellatione veniunt res sive corporales, sive incorporales, sint sive mobiles, sive immobiles, neq; solum species & corpora, sed etiam jura & universitas *h. l. n. l. pecuniæ 178. l. pecuniæ 222. l. sæpe 52. h. tit.* sed hæ res veniunt appellatione pecuniæ, non ut sunt per se, sed ratione ejus, quod inest, generis sc. quod inest speciebus. Et idcirco dicendum est, *pecuniæ verbum, & hæreditatem*
d. l.

d. l. sepè. & res in hereditate existentes l. cum stipulamur 97. h. tit. & jura tam obligationum & actionum, quam servitutum, interdictorum, ac similium comprehendi. d. l. pecuniæ 222. h. tit. Adeò generalis pecuniæ significatio in h. l. n. indigitatur & adducitur. Godd. ad h. l. n. 7. & seq.

AD L. V.

REI appellatio latior est quàm PECUNIÆ, quæ etiam ea quæ extra computationem patrimonij nostri sunt, continet; cum pecuniæ significatio ad ea referatur, quæ in patrimonio sunt.

Licet appellatio pecuniæ tam latè se extendat, ut dictum est ad l. 4. Rei tamen appellatio latior est, quia etiam ea, quæ extra computationem patrimonij sunt, continet. *h. l. n.* puta, res sacras, sanctas, religiosas, liberum hominem. ut ita ex his pateat: Inter rem & pecuniam tantum interesse, quantum inter genus & speciem. Nam pecuniæ non continet illas res, quæ in patrimonio nostro esse non possunt, cujusmodi est liber homo *l. receptitia 2. c. de constit. pec. l. tantum 88. h. tit.* quas vocabulum rei comprehendit *l. inter stipulantem 83. §. sacram. de verb. oblig.* si non agatur de libertate ejus.

AD §. I.

Opere locato conducto: his verbis Labeo significari ait id opus, quod greci *δοτέλεσμα* vocant; non *εργον*; id est, ex opere facto corpus aliquod perfectum.

Opus

Opus varia significat: Aliquando factum quodvis; aliquando operationem ipsam; aliquando corpus ex operatione relictum. Idq; vel imperfectū, ut in edicto, de novi operis nunciatione, vel perfectum, ut in opere locato conducto. Et in hac significatione, corpus sive opus fecisse non intelligitur, qui ei propriam formam, quæ ex consummatione h. e. perfectione contingit, non dederit. *l. si is qui 80. §. quadam legata ff. ad L. Falcid.* Igitur opere locato conducto, contractui non ante satisfactum erit, quàm opere ad finem producto. Quod hic Paulus explicat nominibus græcis & circumscriptione latina. *Εργον* exprimit ipsum operandi actum, quem operis locator nequaquam spectat, postquam ex eo nihil lucri percepturus est *arg. l. actionum 25. §. de oblig. & act.* Spectat *ἀποτέλεσμα* rem per operationem perfectā, ad finem perductam, ut usui esse possit *l. edificia 139. in fin. h. tit.*

AD L. VI.

Nominis & rei appellatio ad omnem
contractum & obligationem
pertinet.

PER nomen intelligitur id quod debitum est, & aliqua actione, petitione vel persecutione exigipoteſt: Adeoq; nomen generaliter accipitur pro omni obligatione, tam pœnali, quàm alia qualibet, sive ex delicto sit, sive ex contractu sit, sive alia qualibet causa *h. l. nost.* Sic nomina facere & contrahere, de omni dicitur contractus *l. 1. de annuis leg. l. 3. §. multa ff. de*

B

ff. de

ff. de jure fisci. Unde est, ut cui nomina legata fuerint, debeantur & cedi oporteat omnes omnino actiones & obligationes, adeoq; & in summo, quidquid in actionibus petitionibus hereditariis est *l. qui chirographum ff. de legat. 3. Godd. ad h. l. n. 15. & 16.* Reus licet interdum pro debitore accipiatur, cui creditor opponitur, & quidem strictius interdum pro eo tantum debitore, qui ex contractu vel delicto a quo privato debet; hoc loco tamen largius ad quamlibet obligationem realem, personalem, civilem, naturalem, poenalem, criminalem, publicam refertur *h. l. & l. properandum c. de judic. c. foras Ext. h. tit.* Concludendum itaque est: latam esse Nominis & Rei significationem, siue ad civilem siue criminalem referamus causam: si subjecta materia aliud non suadet. *Godd. ad h. l. nost. n. 22.*

AD §. I.

Verbum EX LEGIBUS sic accipiendum est,
tam ex legum sententia, quam
ex verbis.

Sententia hujus § est; *Ex legibus esse:* Non tantum significare ipsa legum verba, sed etiam mentem, sententiam, & rationem. Quod adeo verum est, ut Celsus responderit; Scire leges, non hoc esse, verba earum tenere, sed vim ac potestatem *l. scire ff. de legib.* Quin & verba inventa sunt, ut mentem exprimant, menti q; & sententiæ loquentis inserviant *l. scire oportet §. si aliud ff. de excusat. tut.* Ileoq; bona occasio est, si quid saluberrima lege sancitum est, ut
 id ad

id ad similes casus extendatur, vel prætoria jurisdictione suppleatur *l. & ideo l. seq. l. nam ut ait ff. de legib.* Quis enim ignorat impossibile esse, ut ita leges conscribantur, quibus singuli casus singulaq; negotia disertis verbis sint decisa *l. neq; leges l. non possunt ff. de legib.* Adeoq; non solum illud lege contineri censendum est, quod verbis legis exprimitur, verum etiam illud, quod ex sententia & mente seu ratione legis per certam ratiocinationem indicatur & eruitur *per hunc text.* Et hinc actiones æquæ directæ sunt, quæ ex legis sententia, etiam verbis deficientibus, dantur, atque illæ quæ dantur ex verbis *Myns. ad §. cæterum Inst. de leg. Aquil.* Quod verò nec ex verbis, nec sententia legis est, propriè non dicitur ex legibus, sed ad exemplum utiliter receptum *arg. pr. Instit. de legit. parent. tutela, Godd. ad h. §. n. 16. & seqq.*

AD L. VII.

Sponsio appellatur, non solum quæ per sponsus interrogationem fit, sed omnis stipulatioq; promissioq;.

SPONSIO fit propriè per solam stipulationem, quæ solenni constat interrogatione & responsione, per verba, spondes? spondeo. Ejusmodi sponsio etiam inter stipulationes judicarias erat, quâ provocabatur adversarius in exordio litis calumniæ plectendæ causa §. ecce enim *1. vers. hæc autem Inst. de pœna tem. litig. Cujat. lib. 2. Pauli ad edict. ad h. l. n.* Quod si verò sponsio aliis verbis fieret, per aliam stipulationem aut promissionem, quæ situm est, an aliæ sti-

pulationes & promissiones rectè sponſio dicantur ? Et Paulus *h. l.* adnotavit, sponſionem vocari omnem ſtipulationem ; Itemq; quamvis aliam promiſſionem, quæ ſine ſtipulatione fit, interrogatione & reſponſione non ſolenni *l. iur. gentium 7 §. quod ferè 12. de pact.* Sponſio itaq; generale nomen eſt, & tam ad ſtipulationem quàm pactum, pollicitationem, alioſq; contractus, qui conſenſu de re aliqua, vel cum re fiunt, refertur *h. l. n. ubi Godd. n. 15. & ſeqq.* Sponſio enim ab eo dicitur, quod ſpontè fit vel dicitur ; uti etiam ſpondere, quaſi ſpontè dicere, ac promittere *Alciat. 1. parerg. 2.* Quæ notatio non ſolum, competit ſolenni ſtipulationi, verùm etiam omni conventioni & pacto *l. pen. de aleat. l. ſi gratuitam 17. §. ſin. de præſcript. verb.* Et promiſſionem Jctus adjecit, ut tolleret dubitationem, utrum de ſola illa ſtipulatione ſolenni, quæ fit per interrogationem & reſponſionem, ſponſio accipiatur, an verò de omni promiſſione, ſive ſolenniter illa fiat ſive pacto *accuſ. & Donell. in l. unic. num. 7. C. de ſuffrag.* Nec in privatis tantum locum habet, verùm in publicis quoque. Itaq; & in *l. 7. de legib.* lex definitur communis Reipublicæ ſponſio : eò quod cum tacitè tum expreſſè civitas legem conſenſu ſuo approbat. *Godd. ad h. l. n. num. 17.*

AD L. VI II.

Verbum, OPORTEBIT, tam præſens, quàm futurum tempus ſignificat.

QVamvis quod in futurum differtur, præſens eſſe non poteſt : undè qui vult agere, præſens debi-

tum

tum in iudicium deducere debet §. *plus autem* 33. *Instit. de legat.* & certum §. *curare* 32. *Instit. de actionib.* quod autem futurum est, incertum, propter incertum rei eventum *l. qui in utero* 7. *de stat. hom.* Nihilominus tamen Paulus *hic* respondet; Verbum, *oportebit*, tam præsens quàm futurum tempus significare. Tempora namque quandam inter se connexionem habent, qua de causâ unum aliud continet, si non actu, saltem potentiâ, si actus conditio id suadeat *Godd. ad h. l. nost.*

AD §. I.

*Actionis verbo non continetur
exceptio.*

QUamvis agere is etiam videatur, qui exceptione utitur *l. i. de except.* Paulus tamen *hic* scribit: *Actionis verbo non contineri exceptionem.* Quia actionis & exceptionis contrarij sunt fines. Actio enim est jus persequendi in iudicio quod sibi debetur *in pr. Instit. de act.* At exceptio non est jus persequendi in iudicio quod sibi debet, sed potius ejusmodi persecutionis exclusio *l. exceptio 2. de except.* Planè cum excipiens intentionem suam probare debeat, & hoc casu actoris loco habeatur & agere dicatur *l. 15. ff. rem rat. hab.* Exindè Reum in exceptione sua actorem esse, & per consequens verbo actionis, denotari exceptionem, responsum est *in d. l. i. de except.* Aliàs exceptio regulariter reo non est probanda *l. qui accusare 4. C. de edendo.*

AD L. IX.

Marcellus apud Julianum notat, verbo rapuisse, & scissum, & fractum contineri.

IN lectione variant Dd. Quidam enim legunt *rapuisse*, quidam verò *periisse* legunt: de quo videatur Goddæus *h. n. 4.* sed antiqua & magis recepta lectio, quæ habet *rapuisse*, tanquam verior, retinenda est. Rapere seu eripere, est de manibus auferre per raptum *l. sed eximendi 4. in princ.* Ne quis eum qui in jus voc. sive rem per vim furari in pr. *Instit. vi bon. rapt.* Scissum hîc intelligitur de vestimentis & rebus similibus *l. 14. eod.* Fractum de rebus non complicabilibus: Ruptum de re quacunq; corrupta *s. capite tertio 13. Instit. ad L. Aquil.* nam & scissum & fractum, ruptum rectè dicitur *l. si servus 27 s. & non negat 16. ad L. Aquil.* Si itaq; raptor tentaverit eripere, domino resistente autem non peregerit, sed tamen rem laceraverit, aut fregerit, aut ruperit. etsi non possit dici de manibus propriè abstulisse, quod dominus in manibus retinuit: tamen æquè scissum, fractum aut ruptum domino abest, ac si omninò esset ablatum: cum forma sit mutata, & earum rerum pretium non in substantia seu materia sed in arte, quâ ad certum usum perficiuntur, sit positum *l. Labeo & Sabinus 14. inf. h. tit. Godd. ad h. l. num. 12. & seqq.*

AD L. X.

Creditores accipiendos esse constat eos, quibus debetur ex quacunq; actione, vel per se utione; vel jure ci-

bili, sine ulla exceptionis perpetua remotione, vel honorario, vel extraordinario: sive purè, sive in diem, vel sub conditione.

Quod si naturâ debeat, non sunt loco creditorum.

Sed si non sit mutua pecunia, sed contractus, creditores accipiuntur.

HOc loco creditoris significatio investigatur.

Quæsitum enim est, quanam creditores, ut in possessionem mittantur, postulare possint? Videbatur, eos tantum creditores esse, qui pecuniam credidissent: pecunia enim propriè in creditum imus, mox recepturi id, quod damus *l. 1. de reb. cred.* sed cum fides & fidei credulitas non minus versetur circa quamlibet aliam conventionem, & obligationis causam, quàm creditam pecuniam; diversum hic placuit Ulpiano, qui sic respondet: Creditores accipiendos esse constat in hoc de postulando edicto eos, quibus debetur ex quacunq; actione, quæ est ius persequendi in iudicio *§. 1. Instit. de act.* tam reali quàm personali Donell. 11. comment. 1. vel persecutione, quæ sine actionis jure, mero iudicis officio expeditur *l. cum filiusfam. viaticum. ff. de reb. cred.* vel jure civili, sine ulla exceptionis perpetuæ remotione *q. d. modo ex jure civili firma sit ea actio, vel persecutio, nullâ perpetuò duraturâ exceptione possit elidi: dilatoria siquidem creditoris nomen non abolet §. si quis agens Inst. de except. vel honorario, pratorio scilicet & aditio §. pratorum Instit. de jure nat. gent. & civ. vel extraordinario, quo extraordinem juris alicui ex bono & a quo succurritur, veluti minoribus lapsis, f. C. rus, Advocatus l. 1. & tot. tit. ff. de variis & extraord. cognit. sive purè, sive in diem, sive sub*

conditione illis scilicet quid debeat. Quod si naturâ, scilicet sola, sine juris civilis aut honorarij, sive extraordinarij auxilij adminiculo, cujusmodi est *αὐτὸ δῶρον* l. item veniunt 25. §. consuluit ff. de petit. hered. unde pacto promissum sine causa l. 7. ff. de pact. debeat, non sunt loco creditorum, hoc est, id neq; creditum est, neq; debitum: neque, cui debetur tale, creditor jure vocari potest: & per consequens in possessionem mitti non debet. *Godd. h. l. n. 7.* Sed si non sit mutua pecunia, sed contractus, hoc est, etsi non sit mutua pecunia, sit tamen aliquis contractus vel obligatio. Creditores accipiuntur, id est, dicuntur. Summa igitur totius responsi hæc est: Quicumque ab altero invito aliquid extorquere potest, sive id possit civili aut gentium jure per ordinariam aliquam vel extraordinariam actionem, vel quolibet alio remedio civili aut prætorio, is creditor dici debet, ut in possessionem mitti possit; modo nulla perpetua exceptione actor ille repelli possit: Neq; verò solus ille dicetur creditor, qui mutua dedit pecuniam, sed qui alium quemcunq; contractum habet. *Godd. h. n. 8.*

AD L. XI.

Creditorum appellatione non hi tantum accipiuntur, qui pecuniam crediderunt, sed omnes, quibus ex qualibet causa debeat.

Hæc lex rectè præcedenti adnectitur, tum quia paucis comprehendit, & quasi per brevem causæ conjectionem colligit, quod in præcedenti per exemplorum enumerationem prolixè proponebatur:

tur: tum quia verſum, *Sed ſi non ſit mutua præcedentis reſponſi, ſatis obſcurum explanat, & quod vocabulum ſi pro etſi ab Ulpiano poſitum ſit, oſtendit. Creditorum appellatione, inquit, non tantum accipiuntur in Prætoris edicto, qui pecuniam crediderunt, hoc eſt, mutuo vel commodato aut depoſito dederunt, & re in creditum iverunt l. 1. de reb. cred. ſed omnes quibus ex aliqua cauſa debetur, ſive re, ſive verbis, ſive literis, ſive conſenſu, ſive qualibet alia cauſa obligatio ſit contracta l. heres §. ſin. l. ſeq. de judic. Godd. h. l. n. 2. & 3.*

AD L. XII.

Ut ſi cui ex erupto, vel ex locato, vel ex alio ullo debetur: ſed etſi ex delicto debeatur, mihi videtur creditoris loco accipi: Quod ſi ex populari cauſa, ante litis conteſtationem recte dicitur creditoris loco non eſſe; poſtea eſſe.

HOc reſponſum pars & ſequela eſt l. 10. præcedentis. Nam Cajus in d. l. 10. dicebat, creditorum appellatione omnes accipi, quibus ex aliqua cauſa debetur, id eſt, ex omni cauſa obligationem præcedente. Id quod tam ad delicta quàm contractus pertinere in hac l. 12. indicatur exemplis, addita declaratione in verſ. quod ſi ex populari cauſa, ut in actionibus ex delicto promanantibus hoc ita ſit & procedat, ſi in bonis eſſe inceperint. In hac ergo l. 12. & 2. præcedentib. una regula, & duæ exceptiones proponuntur; nempe eos omnes creditores eſſe, quibus quid debetur, modò id neq; perpetua exceptione elidi poſſit, neq; actione vindictæ, lite nondum conteſtata, perſequamur. Godd. ad h. l. n. 1. & ſeq.

AD §. I.

Minus solvit, qui tardius solvit; nam & tempore minus solvitur.

HÆc est sententia Jcti; qui justo tempore non solvit, quoolvere debuit, similis est illi, qui minorem, quàm debet, offert ac solvit summam: at qui minorem offert summam, perinde est, ac si nihil solvisset, modò pignoris distractionem interesse, pœnam, damnumvé spectemus l. & post tres ff. si quis cautionib. judic. sisti l. quandiu C. de distract. pign. cum similib. Confirmat hoc alia ratione Ulpianus: nam & tempore (inquit) minus solvitur: Quasi dicat, non solum re, verùm tempore etiã plus petitur §. si quis agens cum § §. seqq. Instit. de act. §. hodie autem Instit. de except. Nam qui tardius solvit, emolumentum medii temporis adimit creditori l. circa legem 66. pr. ad L. Fulcid. ob signatione 9. G. de solut. l. acceptum 19. c. de usur. & ideò minusolvere videtur l. si constante 24. §. quotiens 2. ff. solut. matrim. l. ult. de re judic. l. 1. §. 1. de usur. Godd. ad h. l. n. 3. Sicut itaq; plus peti potest tempore, respectu debitoris, qui interea ex pecuniâ debitâ quid potest lucrari §. plus autem Instit. de act. Ita & tempore minus solvi potest, respectu creditoris: Adeoque qui legitimo & constituto die non solvit, propter moram tenetur, b. l. n. nost.

AD L. XIII.

Mulieris appellatione etiã virgo viripotens continetur.

Voca-


Vocabulum *mulier* triplicem habet significatio-
nem. Aliquando largissimè *mulier* dicitur, quæ-
cunq; *sexus* fœminini est, sive *viripotēs* sit, sive non
*l. argumento 25. §. muliebri 9. de auro & arg. leg. l. sir-
vi legati 81. §. mulieribus 1. de legat. 3.* Aliquando
pro *viripotente* & annos *xii.* habente accipitur,
quia ea talis ut corrumpi & *virum* pati possit: unde
& nomen deductum censetur, ut *virgo* dicatur. quasi
viridior, ita ut *virum* pati possit. Quoties igitur *se-
xum* ipsum saltem respicimus, *mulieris* appellatione
virgo continetur *h. l. n.* Aliquando deniq; in larga
significatione, sive strictè, *mulier* appellatur quæ
nupta est; quo modo, quia non ipsum *sexum*, sed
aliam qualitatem aut relationem ejus, puta, ætatem
vel incorruptam pudicitiam consideramus, ac in-
specie, non in genere *virginis* vocabulum accipi-
mus, tunc *mulier* à *virgine* differt, ita ut *virgo* oppo-
natur *mulieri*, & *virgo* innupta *puella* denotetur *Cu-
jat. consult. 47.*

AD §. II

*Res abesse videntur, ut Sabinus ait, & Pedius
probat, etiam hæ, quarum corpus manet, forma mutata
est: & ideo si corrupta reddita sint, vel transfigurata, videri
abesse: quoniam plerumq; plus est in manu pretio,
quàm in re.*

Ulpianus dicit: *Res abesse videntur, h. est è bonis
nostris ablata & remota, ut patrimonium pos-
sessionem nostram deminuisse videantur: etiam hæ
q. d. non solum quæ corpore absunt, vel periære, ve-
rùm etiam quarum corpus manet, h. est, materia rudis,
vel dispositio corporis, forma, quâ id erat quod erat,*

muta-



mutata est h. e. extincta vel deleta, aut rasa, sive deformata: *Et ideo si corrupta*, ut exemplis in l. seq. declaratur, *vel transfigurata* h. e. in aliam speciem commutata, & aliâ formæ figurâ induta, puta, ex aureo scypho, fibulâ, aut candelabra aurea facta; *reddita sint*, *videri abesse*, ut hoc nomine adhuc duret iudicium l. 1. §. si res ff. depos. l. 3. §. si reddit ff. commod. ut quanti interest, exemplum hunc reum non esse, actione in factum experiri liceat. Rationem addit Ulpianus desumptam à formæ præstantia & bonitate: *Quoniam*, inquit, *plerumq; plus est in manus pretio*: h. e. in æstimatione, utilitate, commodo, elegantia, præstantia & artificio artificij ac formæ, quæ forma per manum seu artificium inducta est. Sic enim manus hic *μετὰ τὴν οὐρανὸν* accipitur; pro eo quod manu factum erat, autore Varrone: ut manus pretium nihil aliud sit, quàm æstimatio, utilitas & pretium illius artificij, manibus artificis effecti, hoc est, formæ artificis manu materiæ impressæ. *quam in re*. h. e. ipsa materia, etiamsi aurum sit, vel argentum, vel unio, aut lapillus, vel tignum, aut pannus. l. seq. vers. *quoniam*. Res enim illud hic est, ex quo aliquid fit. Primo itaq; ratione formæ mutata vel corrupta, res abesse dicitur autore Ulpiano h. l. n. Godd. *ibid.*

AD §. II.

Desinere autem abesse res tunc videtur, cum sic redit in potestatem, ne amittere ejus possessionem possimus; ob hoc, quod furto pridem subtrahita est.

Secundo res abest ob surreptionem, sive amotam possessionem, quia vi furtive nobis est ablata. Id-
que

que Ulpianus *hic in vers. desinere autem*, per contrarium describit. Desinere abesse itaq; dicit hic Ulpianus, quid in nostram potestatem ita rediit, ut ejus possessionem, (ob eandem scilicet causam, qua recepit eam,) amittere non possimus *l. 4. §. tunc in potestatem ff. de usucap.*

AD §. III.

Abest & ea res, quæ in rebus humanis non est.

Tertio rem abesse docet eam, quæ nec amplius in rebus humanis est, hoc est, quæ periit; quæ si animata fuit, mortua est: si inanimata, ita casu obiit, ut nusquam extet, quia incendio aut naufragio consumpta est *l. incendium C. si cert. pet. l. 4. c. depos. l. 5. de reb. cred.*

AD L. XIV.

Labeo & Sabinus existimant, si vestimentum scissum reddatur, vel res corrupta reddita sit, veluti Scyphi collisi, aut tabula rasâ picturâ, videri rem abesse: quoniam earum rerum pretium non in substantia, sed in arte sit positum. Item si dominus rem, quæ furto sibi abierat, ignorans emerit, recte dicitur res abesse, etiamsi postea id ita esse sciverit: quia videtur res ei abesse, cui pretium abest. Rem amisisse videtur, qui adversus nullam ejus persequenda actionem habet.

Paulus hoc loco idem dicere voluit, quod Ulpianus in præcedenti responso: quin etiam tot hujus responsi sunt partis, quot præcedentis, nempe tres: *Primo* per exempla docet Paulus, rem abesse per formæ mutationem: *Deinde* per ipsam possessionem, *adde*

adeo etiam, ut si ejus nobis adhuc absit æstimatio, licet recuperata sit possessio, ipsa tamen rei possessio abesse videatur: cum nihil quicquam reditu suo possessionem nostram auctiorem reddiderit. Tertio per deperitionem rei. Quomodo res absit per formæ mutationem tradit Paulus his verbis: *Si vestimentum vel scissum, vel Scyphi colli si, aut tabula rasâ picturâ reddita sit, videri rem abesse.* Quoniam earum pretium non in substantia *h. e. materia & rudi corpore*, sed in arte, seu manus pretio, forma scilicet & cælatura operis positum est. Alterum hujus responsi membrum continetur his verbis: *Item si dominus rem, quæ furto sibi aberat, ignorans emerit, recte dicitur res abesse, etiamsi postea, (cum emisset) id ita esse sciverit: quæ videtur res ei abesse, cui pretium abest.* Nempe illud ipsum abest, ex quo res in patrimonio nostro esse dicitur, æstimatio seu pretium rei *l. tantum 88. inf. h. tit.* Hoc itaque vult dicere: Etsi corpus receperit, pretium tamen ei abest, cum id emtionis jure venditori numeraverit, & ita è bonis suis transtulerit. Quare non suum, sed alienum potius consecutus videbitur. Tertium membrum his verbis absolvitur: *Rem amisisse videtur, qui adversus nullum ejus persequendæ actionem habet:* Simpliciter quidem dicitur abesse, si qua actio ejus nomine nobis supersit, *l. quod te mihi §. de reb. cred.* Ubi verò adversus nullum ejus persequendæ actionem habemus, ut in *l. contractus 23. in fin. de reg. jur.* etiam rem amisisse videmur *b. §. nost. & ibi Godd.*

AD L. XV.

Bona civitatis abusivè publica dicta sunt :

Sola enim ea publica sunt, quæ populi

Romani sunt.

UTi sola Roma dicebatur urbs *l. Roma ff. ad municip.* ita & populus accipitur pro solo populo Romano; adeoq; publicum propria est, quod est populi Romani proprium, & non aliarum civitatum. Hinc illi qui vectigal populi Romani conductum habebant, vel etiam vectigal exactum fisco pendebant, Jctis publicani dicuntur *l. 1. §. 1. l. 12. §. 3. ff. de public.* Inde dicti, quod publico fruantur *d. §. 1. aliàs Felonæ sive vectigaliarij dicuntur Cujat. 7. obs. 4.* Propriè, inquam, h. e. Jureconsultorum peculiari more. Abusivè tamen etiam aliarum civitatum bona negotiaq; vocantur publica *h. l. n. ubi Godd.*

AD L. XVI.

Eum qui vectigal populi Romani conductum, habet, publicanum appellamus. Nam publica appellatio in compluribus causis ad populum Romanum respicit :

Civitates enim privatorum loco habentur.

Dictum est in *l. precedenti* is, qui sint vectigaliarij. Est autem vectigal publicum fisco debitum ex mercibus, quæ advehuntur vel evehuntur ex prædiis fiscalibus aliisvè rebus publicis. Et rectè dicitur, pertinere hoc Caji responsum ad confirmationem præcedentis. Nam propriè Jctorum more, publica dici ea bona, quæ populi sunt Romani; reliquorum vero populorum ac civitatum bona abusivè publica

blica vocari, ostendit Cajus hoc loco dupliciter: tum exemplo *publicani*, tum oppositione privati & publici. Quid *Publicanus*, itemq; quid *vectigal* sit, ex præcedentibus constat. Alterum continetur in *vers.* nam *publica*, ubi hoc vult: Non quemadmodum in compluribus, h. e. ferè omnibus causis, *publica* appellatio ad *populum Romanum* respicit, ita etiam ad *ceteras civitates & populos Romanorum & Jcto-*rum more, referri solet. Quia nimirum Romani populi Rei que publicæ Romanæ respectu, *cetera omnes in orbe Romano existentes civitates & populi, privatorum loco sunt*, in iis potissimum, quæ jus majestatis & regaliorum spectant. Atq; hinc est, quod civitates cum privatis comparentur *l. 15. ff. ad SC. Maced.* Et quod ob pecuniam civitati subtraham, subtrahens non crimine peculatus, sed actione furti teneatur *l. 81. ff. de furt.* Quia nimirum crimen peculatus ob pecuniam tantum publicam interceptam datur *l. 1. 8. 1. de crimine pecul.* At uti superius dictum est, abusivè etiam reliquæ civitates earumq; bona, habentur publica *d. l. 15. h. tit. l. 26. §. 9. Ex quib. caus. maj.* Atq; inde etiam est, quod hodie, si de re civitatis aliquid surripiatur, peculatus crimen committi, constitutionibus Principum cautum sit: eoq; jure utimur *l. 4. in fin. ff. ad L. Jul. pecul. sublata d. l. 81.* Hinc etiam est, quod Jctus hic inter publica, civitatum bona referat.

AD L. XVII.

Inter publica habemus non sacra, nec religiosa, nec quæ publicis usibus destinata sunt: sed si quæ sunt civitatum velus bona: sed & peculia servorum civitatum pro-
cul

cul dubio publica habentur. Publica vestigalia intelligere debemus, ex quibus vestigal fiscus capit : quale est vestigal portus, vel venalium rerum, item Salinarum, & metallorum, & picariarum.

HOc responsum est pars & sequela *d. l. 15. h. tit.* Ulpianus ergo hic docet, quamvis propriè ea publica vocetur, quæ populi sunt Romani; quod ipsum Cæjus in *d. l. 16. vestigalium & publicanorum exemplo confirmavit*; posse tamen eam appellationem ad reliquarum civitatum bona etiam accommodari per similitudinem *l. Celsus ff. de contrab. emt.* Etiam si in usu publico non sint, inter publica tamen bona habeantur: modò neq; ad religionem, neque oportunitatem spectent; hæc enim in nullius, ne quidem publicis, esse queunt: quia extra patrimonium, patrimonijq; computationem sunt *l. 1. & seqq. ff. de rer. divis. §. 1. & seqq. Inst. de rer. divis. & acq. rer. dom.* Inter publica itaq; bona habemus, inquit Ulpianus, non sacra, nec religiosa, nec quæ publicis usibus destinata sunt (*h. e. bona publica, ea quæ in patrimonio alicujus populi sunt vel habentur, censerì debent, non quæ religioni vel opportunitati aut defensionì inserviunt*) sed si quæ sunt civitatum, velut bona, (*hoc est, quæ patrimonij sui proprietatisq; loco habent, sive pascuæ sunt, sive prata, sive redditus, sive frumentum, sive pecuniæ publica, sive ejus generis sunt alia*) sed & peculia servorum civitatum procul dubio publica bona habentur. Sicut enim servile peculium ipsius est & manet domini; sic & respublica dominij jure habet ac retinet suorum servorum, si quos habet, peculia. Hæc pergit Ulpianus explicare interpretatione ve-

C

ctiga-

Vectigalium : Quæ vectigalia propriè dicuntur publica. Deinde quidnam vectigalium appellatione contineatur ; nempe omne compendium & emolumentum, quod Respublica ejusq; ærarium ex quacunque re ad publicum usum consequitur ; veluti vectigal portus, vectigal vanalium rerum, itemq; salinarum, metallorum & picariatum, quæ latè explicat Goddæus ad h. l. nost.

AD L. XVIII.

Munus tribus modis dicitur : Uno donum : & inde munera dici, dari, mittivè. Altero onus : quod cum remittitur, vacationem militiæ munerisq; præstat : inde immunitatem appellari. Tertiò officium : unde munera militaria, & quosdam milites munificos vocari. Igitur municipes dici, quod munera civilia capiant.

Muneris significationes hîc proponuntur tres : Primo modo dicitur donum ; altero onus : tertio officium. Quæ tria plurimum inter se differunt. Nam munus Martianus id propriè esse dixit, quod necessariò obimus, lege, more, imperiove ejus, qui jubendi habet potestatem l. munus 214. h. tit. l. 92. eod. Dona autem sunt, quæ nulla necessitate juris vel officij, sed spontè præstantur d. l. munus. Munus ergò est necessarium ; donum verò spontaneum. Cæterum in latiori significatione munus dicimus pro dono sive liberalitate ; pro onere, puta, tutelæ vel turæ, &c. Et in summa in hoc ventum est, ut non quodcunque munus est, id & donum accipiatur : at quod donum fuerit, id munus rectè dicatur d. l. munus. Adeoq; non absurdè forsan dicetur, munus generice

nericè sumtum, non tantum donum sub se complecti, sed & onera, officia *h. l. n. & d. l. munus*. Verum si munus pro dono cum causa accipitur, ut puta, pro natalitio, quod est donum patrono, qui filium sustulerit, exhibitum; vel pro nuptalitio, quod est donum patrono, qui nuptias contraxit, datum; hoc casu, munus speciem esse, donationem genus esse patet *l. inter donum 194. h. tit. ubi Cujat*. Donatio enim sive donum est munus quodcunque, sive cum causa, sive sine causa: illud propriè munus, hoc donum dicitur *d. l. inter donum*.

Deinde munus significat onus, quod cum remittatur, vacationem militiæ munerisq; præstat: unde est immunitas, quasi sine munere. Imponitur ejusmodi munus sive onus, tum personis, tum rebus: unde aliud est *personale*, quod personæ solo ministerio & industria, sine sumtu administratur, ut tutela, &c. vel *patrimoniale*, quod cum sumtu & rei familiaris periculo subitur, veluti tributorum exsolutio: vel *mixtum*, quod tam matrimonio quam personæ indicitur vel imponitur, ut operæ rusticorum. *l. 1. ff. de munerib. & honorib.* Onus illud plerumq; civile munus vocatur; officium verò publicum munus. Quæ verò habent adnexam dignitatem, honores vocantur *l. honor. 14. §. 1. d. tit.*

Deniq; munus significat officium; unde munera militaria, & quosdam milites munificos vocamus, qui nimirum propter munera militiam facere coguntur; vel qui ad munera quæcunque obligati sunt. Atque hinc consequens est: Municipēs dici, quod capiunt munera civilia, *h. e. munera commu-*

nia ejus civitatis : dicunturq; municipales , quasi munerum participes , sed nunc abusivè municipales dicuntur cujusq; civitatis cives, sive in eadem civitate nati, sive à Municipe ordinario adoptati, sive muneris cum populo Rom. participes , sive non sint *l. 1. ff. Municip.*

AD L. XIX.

Labeo libro primo Prætoris urbani definit ; quod quedam agantur, quedam gerantur, quedam contrahantur. Et actum quidem generale verbum esse, sive verbis, sive re quid agatur, ut in stipulatione, vel numeratione : Contractum autem ultro citroq; obligationem, quod græci συναλλαγμα vocant, velut emtionem-venditionem, locationem, conductionem, societatem : Gestum rem significare sine verbis factam.

QUæ sit differentia inter Actum, Contractum & Gestum, Ulpianus ex Labeone *lib. 1. Prætoris urbani.* sive ad edictum prætoris urbani. definit sive tradit : Et actum quidem generale verbum esse, sive verbis, sive re quid agatur. Sic etiam Ulpianus in *l. 1. §. 3. de pact.* conventionis nomen generale esse adfirmat. Quod enim ibi conventionem Ulpianus dixit; illud idem Ulpianus *h. loc.* ex Labeone appellat actum *d. l. 1. verb. agunt.* Conventionis igitur sive actus nomen generale est, sive re, sive verbis, sive literis, sive consensu quid agatur. Nam ad solam stipulationem & numerationem, Actus nomen accommodare velle, vox illa, generale, non patitur. Omnis verò conventio sive actus, prout in hoc loco accipitur, vel contractus est *d. l. 1. verb. contrahendi.* vel pactum, *d. l. 1. verb. transigendi.* Cui consequens est, stipulationem, mutuum, contractus propriè dici : cum & inter contractus

tractus proprios ab Imperatore & Jcto Cajo recensentur; & contractibus propriis stipulatio in *d. l. 1. de pact.* adnumeretur. Ab hac generalitate primum excerpit specialissimum, eidemq; nomen speciale contractus assignat. Definit itaq; *contractum* esse ultro citroq; obligationem. *Ultrō citroq;* idem est, ac si diceretur, negotium sive causam habens, qua nimirum quid fit & agitur *l. 7. de pact. l. si in area 33. ff. de condict. indeb. §. igitur Instit. de oblig. ex quasi contract.* Quo ipso contractus differt à nudo pacto, seu ea conventionione, quæ nullum negotium habet *d. l. 7. in pr. & §. 1. de pact.* unde pactum definivit Ulpianus in *d. l. 1. de pact.* quod sit duorum pluriumve idem placitum consensus, vel conventio, h. e. nihil aliud est, quàm consensus vel conventio, quæ placiti sine tantum stetit, neque traditione aut stipulatione effectum aliquem sumsit, ut interpretatur D. Cujatius in *parat. ff. de pact.* Si verò quid fiat vel agatur obligandi causa: Quod ita fit & agitur, ultro citroq; fieri dicitur, & negotium vocatur. Additur præterea, quod *græci συναλλαγμα* vocant. Quod scilicet actu gestiq; genus, vocant *græci συναλλαγμα*, quod nihil aliud significat, quàm commutationem & contractum: derivatur enim à *σω*, quod est cum vel simul, & verbo *ἀλλάττω*, h. e. muto, seu *ἀλλάττομαι* commercia exerceo.

Gestum deniq; Labeo ait esse rem sine verbis actam, ut pecuniæ numerationem, vel rem ex quasi contractu, ut negotiorum gestorum, tutela gesta, *l. 1. l. 5. §. gessisse ff. administ. tut. Cujat. ad h. l. n.* Gestum itaq; propriè generalius est contractu propriè sum-

to. Et quia gestum sit sine verbis ; stipulatione non dicetur propriè quid gestum, sed tantum actum l.2. §. *fin. de reb. cred.* Differunt itaq; hæc tria sicut genus & species. Actum latius patet, quàm gestum esse ; & hæc utraq; latius patent, quàm contractum esse . Quid inter factum & gestum intersit, dicetur *inf. ad L. licet 58. h. tit.*

AD L. XX.

*Verba contraxerunt, gesserunt, non
pertinent ad testandi jus.*

Aliud quidem est contractus, longè aliud est testamentum. Et tamen quia legatarij cum testatore contrahere videntur, & in testamentis geri aliquid extra omnem est controversiam ; dubitari poterat, an verba hæc, *contraxerunt, gesserunt*, ad testandi jus referri possint ? Verum cum constet, propriè loquendo, nullum negotium legatarios cum testatore gerere §.4. *Instit. de obligat. quæ ex q. contract.* Et verò etiam testamentum unius & solius testatoris sententia, placitum & voluntas sit ; rectè Ulpianus *hic* verba hæc, *contraxerunt, gesserunt*, ad jus testandi pertinere negat. His itaq; vocabulis, *actum, contractum, gestum*, tantum actus viventium, non etiam morientium significari voluit. Testator namq; in suo ultimo elogio nemini sese obligat, à quo ipse conveniri possit : cum ambulatoria sit ejus voluntas usq; ad mortem l. *cum hic status 32. §. pœnitentiam 3. ff. de donat. int. vir. & uxor. l.4. de adim. legat.* Unius insuper testamentum voluntate fit ; contractus autem est duorum . Atq; hinc discendum est ; licet argu-
men-

mentum à contractibus ad ultimas voluntates frequens, & in jure necessario plerumq; concludens fit *tot. tit. Instit. de L. Tuscia Canin.* tamen hoc non procedere, si rationis diversitas aliud suadeat. Hinc minor res suas per contractus non alienat; at testamentum jure condit §. *praterea Instit. Quibus non est perm. fac. testam. §. fin. Instit. Quib. manumitt. non licet.* ad eò ut solus faciat, neq; debeat, neq; possit curatoris consensum auctoritatemque, sicut in contractibus, adhibere *l. à qua etate ff. Qui testam. fac. poss.* cum id minimè ex alterius auctoritate & voluntate pendere possit *l. qui in potestate 6. ff. d. tit. l. illa ff. de hered. instit.*

AD L. XXXI.

Princeps bona concedendo, videtur etiam obligationes concedere.

QVemadmodum deportationis nomen ipsum per se, omnium rerum spoliatio est: ita indulgentiæ restitutio bonorum ac dignitatis uno nomine amissorum omnium sit recuperatio, inquit Constantinus Imperator *in l. 3. §. fin. C. de sent. pass.* Ex quo rescripto facilè intelligitur, quid Paulus hoc loco sibi velit; Principem nimirum restituendo deportatum, bona omnia ei concedere, &, per consequens, obligationes & actiones. Ratio ejus juris est: quod Actiones in bonis sint *l. rem in bonis ff. de acquir. rer. dom.* habentq; causam dependentiæ, nempe dominium vel obligationem. Adeoq; si Princeps bona concedendo referat se ad illa, quæ fuerunt ante capitis diminutionem, non ad singula, sed ad universa; consequens est, ut tam passivas, quàm activas obligationes concessisse videatur *l. 3. de sentent. pass. l. 4. C. cod.*

AD L. XXII.

Plus est in restitutione, quàm in exhibitione.
 Nam exhibere est præsentiam corporis præbere: restitu-
 ere est etiam possessionem facere, fructus reddere: pleragq;
 præterea restitutionis verbo continentur.

Plus est in restitutione, quàm in exhibitione: hoc est:
 major est restitutionis effectus, ratione ipsius rei,
 causæ, modi, accessionum & similium, quàm exhibi-
 tionis: & plenior est restitutio in integrum, quàm
 ad exhibendum actio *l. fin. inf. h. tit.* Ratio subjungi-
 tur. Nam exhibere est præsentiam corporis præbere (h. e.
 inspicendi tangendiq; copiam facere,) restituere est
 etiam possessionem facere, (non solum videndi tangen-
 dique, verùm etiam abducendi, habendi & possi-
 dendi facultatem præstare *l. restituere 35. l. restituere*
75. inf. cod.) fructusq; (h. e. omne emolumentum &
 commodum, quod ex re restituenda superest *l. sed*
& partus 12. l. item si 14. §. quadruplatur ff. Quod met.
caus.) reddere. Pleragq; (alia nimirum) præterea resti-
 tutionis verbo. (puta, ut caveatur rem. deteriore fac-
 tam non esse; dolum malum abesse, &c. continen-
 tur. Ita hæc verba interpretanda arbitratur God-
 dæus *h. loc.* Licet itaq; promiscuè usurpetur exhibe-
 re & restituere *l. Julianus 9. §. quantum §. cum §. seq.*
ad exhib. Decisivè tamen restituere significat rem &
 causam cum fructibus & omni accessione in acto-
 rem transferre *l. restituere 35. & l. 75. inf. h. tit.* Ex-
 hibere autem est præstare ejus, de quo agitur, præ-
 sentiam, & videndæ, tangendæ rei copiam facere
2. ad exhib. Itaq; plus est restituere, quàm exhibere.

AD L. XXIII.

*Rei appellatione & causa & jura
continentur.*

REi nomen esse transcendens, nemo ignorat. Hoc autem loco *res* significat causam: quæ causa consistit in modis acquirendi dominij, & obligationibus §. *fin.* *Inst. di usu & habitat. de quibus agitur lib. 2. & lib. 3. itemq; lib. 4. usq; ad tit. 6.* Causa etiam est ejus rei quæ petitur qualitas & utilitas, quæ circa eam est: Et vel in rebus ipsis est, ut puta, bonitas, salubritas, immunitas, libertas: vel manat à rebus ipsis, ut partus ex ancilla: vel deniq; manat à rerum accessionibus, ut fœtus secundus ex fœtu primo *l. equus §. de usur.* Jura hic sunt, dominium, obligatio, & eorum species. Res itaq; quæ scilicet recipitur, & restituenda est, de qua in *l. 1. §. ait Prætor ff. nautæ caup. stabul.* non solum est ipsum nudum, quod traditur, corpus; sed etiam causa (qua quid in ea re meum est) & jus, puta, jus pignoris & hypothecæ, legati, & jus obligationis & actionis, & si quæ sunt alia *l. pen. ff. si serv. vindic. Godd. ad h. l. n. 1.*

AD L. XXIV.

*Nihil est aliud hereditas, quàm successio in
universum jus quod defunctus
habuit.*

Hereditas nihil est aliud, ait Cajus, quàm successio, h. e. titulus & causa seu modus acquirendi: in universum jus, h. e. patrimonium *l. hereditas ff. de acquir. rer. dom.* quod habuit defunctus, cum sc. moveretur *l. heredem ff. de reg. jur.* Hereditas itaq; non res ipsas

denotat, sed jus succedendi universale *l. bonorum 208. h. tit.* adeoq; est nomen juris; sine ullo corpore, juris intellectum habens *l. hereditatis 119. l. pecunie 178. §. hereditas 1. inf. eod.* Et quidem hereditas surrogatur in locum defuncti, ejusq; personam fictè repræsentat *l. legatum 116. §. serv. 3. de legat. 1.* Quia enim domino mortuo etiam dominium stricta ratione evanuit, & res ejus in nullius bonis sunt; idcirco utilitatis gratia placuit, ipsum dominium etiam post mortem domini durare, &, ne accidens sine subiecto esse videretur, ipsam quoque defuncti domini personam repræsentare: quale dominium deinde hereditas dici cæpit *l. hereditas 34. de acquir. rer. dom. Hotom. 3. observ. 19.*

AD L. XXV.

Rectè dicimus, eum fundum totum nostrum esse, etiam cum ususfructus alienus est: quia ususfructus non domini pars, sed servitutis sit: ut via, & iter. Nec falsò dici totum meum esse, cujus non potest ulla pars dici alterius esse. Hoc & Julianus, & est verius.

CAjus in fundo suo usumfructum constituit Mævius: at quia ususfructus constituti jure, omne emolumentum fundi Mævius percipit *l. usufructu 7. ff. de usufr.* exinde quærebatur, an fundus adhuc totus possit Caji dici? Paulus verò in *h. l. n.* regulam ponit; Adhuc rectè dici, eum fundum totum nostrum esse, etiam cum ususfructus alienus est. Argumentum ducitur primò à natura rei seu fundi ipsius: Nam falso dictum est, totum meum esse, cujus non potest ulla pars dici alterius esse. Atqui nulla pars est usufructuarij: quippe

quippe quod percipiendo fructus suos tantum faciat, qui non sunt pars fundi *l. in edibus 9. §. 1. de donat. cum & sine fructibus fundus constet*; totum autem sine partibus nequaquam *arg. l. 1. de orig. jur. l. si cui 58. de legat. 2.* Alterum argumentum est à jure rei. Jus quo res aut fundus noster dicitur, est dominium. *Uususfructus autem non est pars domini h. l. nost.* Dominium refertur ad fundum ipsum, de quo hic agitur: jus fruendi, ad fructus, qui non sunt pars fundi sive species domini proprietatis *Cujat. & Godd. ad h. l. n.* Tertium argumentum & ultimum sumptum est ab autoritate Jurisconsulti Juliani; cujus autoritas magna ob singularem juris peritiam, & confectum ab ipso opus edicti perpetui *Forster. lib. 2. hist. jur. Rom. cap. 73.*

AD §. I.

Quintus Mutius ait, partis appellatione rem pro indiviso significari, nam quod pro diviso nostrum sit, id non partem, sed totum esse. Servius non inleganter partis appellatione utrumq; significari.

PAULUS JCTUS in precedenti lege 25. egit de vindicando fundo, in quo alteri ususfructus fuit constitutus. Quæsitum fuit, an ejusmodi fundus, veluti totus, rectè vindicetur? & respondet Paulus, rectè totum fundum dici, adeoq; ut totum rectè vindicari. At potuisset quis ex sententia Q. Mutij Scevolæ obijcere; Imò, quia ususfructus, divisus à proprietate, adeoq; pro diviso quasi possidetur, hunc ut aliquod totum per se considerandum. Ad quam objectionem removendam utitur Paulus autoritate Servij
Sul-

Sulpitij: Is non ineleganter, partis appellatione, utrumq;,
(sive pro indiviso, sive pro diviso ususfructus qua-
si possideatur) significari dixit. Neq; obstat, quod res
individa non videtur recipere partes *l. ult. de serv.
leg. l. si is so. §. quedam legata i. ad L. Falcid.* Quia in
servitutibus, excepto usufructu, speciale hoc est, ut
etiam pro indiviso possessæ nullas partes recipiant
*l. stipulationes non dividuntur 72. in pr. de verb. oblig. l.
pro parte ii. l. servitutes 14. l. via 17. de servit.* Ratio
specialitatis est; quia ea servitutum natura & condi-
tio est, ut partes ex illis factæ nullam planè adfe-
rant utilitatem; cum utilitas illarum in solo & nudo
usu consistat. Cui bono esset, servitutem eundi per
prædium, intellectu in partes indivisas secerni, cum
non nisi in solidum ire, ambulare possit is, cui debe-
atur *l. ea qua in partes 192. de reg. jur.*

AD L. XXVI.

*Partum non esse partem rei furtivæ, Scævola
libro undecimo questionum scribit.*

Fœtus pecorum est: partus etiam hominum *§. in
pecudum 37. Inst. de rer. divis.* Hinc quæritur: An
partus rei furtivæ, hoc est, matris furto surreptæ
pars esset? Scævola respondet, pro negativa; par-
tum scilicet non esse partem rei furtivæ. Partus itaq;
ancillæ, licet in fructu non sit, nec tamen ipse est pars
ancillæ, quia ancilla ex partu non constat. Partus
totum per se est, & proprio suo jure censendus. Sed
dicat aliquis; Imò antequam partus edatur, matris
portio est vel viscerum *l. i. §. ex hoc rescripto ff. de ven-
re inspici.* At cum fœtus suam ipse habeat animam,

NON

non potest verè portio matris dici, ne duæ formæ unius corporis statuatur *Scalig. 6. Exercit. sect. 13.* Aliàs quidem pars matris dicitur antequam edatur, quatenus inest matri, & in visceribus ejus latet, sicut dicimus cerevisiam in cantharo esse partem canthari. Et hoc pertinet ad quæstionem: an partus ancillæ furtivæ usucapi possit? de qua in l. si aliena 10. de usucap. l. 4. §. heres 15. & seqq. eod. l. qui vas 48. §. ancilla §. de furt.

AD L. XXVII.

Ager est locus, qui sine villa est.

Quæsitum hic est de fundis vectigalibus. Cum autem vectigal non cujusq; prædij & loci, sed fructuum, & inde nascentium onus sit; rectè Ulpianus hic respondet: *Agrum esse locum, qui sine villa est.* Quo ipso separat agrum à villâ. Ager enim, teste Varro, ab arando, sive vertendo & agendo nomen accepit; quia semper aliquid in eo fructus capiendi causa sit & agitur. Villa verò est domus rustica, in quam fructus invehuntur ac reponuntur, sic dicta à vehendo, quasi vehilla l. fundi 27. h. tit. Ex ipsa villa ergò fructus non colliguntur, ut præstationem vectigalis recipere, atq; ager vectigalis vocari possit. Quinimò si villa sit in fundo, prædium erit d. l. funde l. quæstio 115. h. tit. & villa non pars agri, sed accessio ejus erit *Paul. libr. 3. sentent. tit. de legat. §. villæ.* Aliàs agri appellatione continetur fundus, & quicquid extra civitatem est, nihilq; prohibet, eum cum villa esse. Erantq; in agris senatores, vixerunt etiam multi nobilissimi Philosophi in agris, nimirum non sine

sine villa & habitatione *Valla lib. 6. elegant. 41. l. jus dandi 3. de tutorib. & curatorib. datis ab his l. pupillus 239. §. incola 2. h. tit.*

AD §. I.

Stipendium à stipe appellatum est, quod per stipes, id est modica æra colligatur. Idem hoc etiam tributum appellari Pomponius ait: Et sanè appellatur ab intri-butione tributum, vel ex eo, quod militibus tribuatur.

INter stipendium & tributum, proprietate verbi, nullam esse differentiam *hic* docetur, autoritate Pomponij, & utriusq; verbi notatione. Etsi enim *stipendium* à re quæ contribuitur, nomen sumpserit, à *stipe* scilicet: *tributum* vel à facto contribuendi, aut à fine, dum militibus tribuendum contribuitur: tamen & *tributum* per *stipes*, id est, modica æra à singulis civibus colligebatur: & *stipendium* contribuebatur militibus solvendum *Tacitus libr. 1.* Quin & ex Cicerone, Livio & Gellio, itemq; Plinio notissimum redditur, & *stipendium* & *tributum* olim indifferenter id appellatum fuisse, quicquid in publicum colligebatur, ut ex eo miles Reipublicæ sustentaretur. Postremò subjicitur *hæc*, tributum dici ab intri-butione collationum, vel quod militibus tribuatur. Igitur licet sit subtilis quædam differentia inter *stipendium* & *tributum*, tamen Ulpianus docet eam non utiq; semper observari *Cujat. ad h. l.*

AD L. XXVIII.

Alienationis verbum etiam usucapionem continet. Vix est enim, ut non videatur alienare, qui patitur usu-

usucapi. Eum quoque alienare dicitur, qui non utendo amisit servitutes. Qui occasione acquirendi non utitur, non intelligitur alienare: Veluti, qui hereditatem omittit, aut optionem intra certum tempus datam non amplectitur.

A Lienare nihil aliud est, quàm rem vel jus quoddam ejusdem possessionem è suo patrimonio sive bonis dimittere. Hoc ipsum Ictus hoc loco exemplis ostendit: Sic enim ait: *Alienationis verbum etiam* (quasi dicat, non solum alienationis verbum, significat rem possessionemvè animo transferendi, & à se abdicandi tradere §. *per traditionem Inst. de rer. div. verùm etiam*) *usucapionem continet.* Subjicit ergo: *Vix enim est, ait, ut non videatur alienare, (h. e. nullo modo videri potest non alienare) qui patitur usucapi. Eum quoque alienare dicimus (h. e. alienat) qui non utendo amisit servitutem.* Aliquid enim rerum suarum, vel ejus quod in bonis erat, amisit *l. rem in bonis ff. de acq. rer. dom. sequitur: Qui autem* (explicat enim per dissentanea) *occasione acquirendi non utitur, h. e. non acquirit quod acquirere potuisset, non intelligitur alienare, quia nihil de suo dimittit; veluti qui hereditatem sibi delatam, omittit repudiando l. 15. qui 13. ff. de acquir. hered. vel non adeundo tit. C. de repud. hered. sequitur: aut optionem legatam vel donatam, intra certum tempus à Prætore decretum non amplectitur h. e. qui intra præstitutum tempus optione non utitur l. 6. l. 8. de opt. legata.* Non, inquam, intelligitur alienare: quia scil. non ipsius fuit quicquam quod possit videri transulisse. Etenim si non nuda sit occasio acquirendi, sed simul ipso jure domini-

minium transferat, ejus repudiatio rectè dicetur alienatio *l. magis puto* §. *S. fundum* §. *ff. de reb. eorum. alciat. & Godd. ad h. l. nost.*

AD §. I.

Oratio quæ neq; conjunctionem, neq; disjunctionem habet ex mente pronunciantis, vel disjuncta, vel conjuncta accipitur.

Quæstio est, quomodo oratio dissoluta, quæ neq; disjunctionem neq; conjunctionem habet, sit interpretanda? Et respondet Paulus Jctus, vel ut disjunctam, vel ut conjunctam, esse accipiendam, ex mente pronunciantis. Jctus autem *hoc loco* non de eo respōdet, quod certam suam habet determinationem, puta, si de voluntate disponentis constet, quippe quod tunc simul etiam constet, sit ne oratio conjuncta vel disjuncta; sed respondet de eo quod indubio, adeoq; ex ratione juris decidendum est. Quo casu statuendum id est ex mente, ut Jctus loquitur, pronunciantis, qui tacitè alterutrum posuit, quod in dubio, à juris interprete ex re ipsa & circumstantiis dijudicandum est. V. G. Si testator legasset annua centum Scio, si studiorum gratiâ Paduam, Lugdunum, Witebergam adierit: hanc orationem pro disjuncta accipiemus, ex probabili mente testatoris; quia vel Paduæ, vel Lugduni, vel Witebergæ voluit Sejum optimarum literarum studiis incumbere: cum sit impossibile in longè abs se invicem dissitis locis, quem simul & semel esse posse. Sin autem dixit; Publius, Marcus, Cajus heredes sunt; hanc orationem pro conjuncta accipimus; quia breviter vide-

tur

tur testator tres heredes instituisse l. cum in testamento
37. de hered. instit. Quod si de proferentis mente non
apparet, oratio soluta pro conjuncta in dubio acci-
pitur Albert. Gentil. ad l. sepe ita §. b. tit.

AD L. XXIX.

*Conjunctionem enim nonnunquam pro disjunc-
tione accipi, Labeo ait; ut in illa stipulatione,
mibi herediq; meo, te heredemq;*

zum.

Hoc loco JCtus addit rationem eorum, quæ in
precedenti lege §. fin. dixerat: argumentum du-
cens ab expresso ad tacitum. Expressa conjunctio
quandoque pro disjunctione accipitur. Ergo & ta-
cita. Expressa conjunctio pro disjunctiva accipi-
tur, primò, ratione ordinis, ut in exemplo à JCo
proposito. Nemo enim heredem nisi decesserit. Igi-
tur, qui sibi herediq; stipulatur, necessario ordinem
præsupponit, ut vel sibi detur, vel si hoc non potest
esse, heredi. Deinde expressa conjunctio pro dis-
junctiva accipitur, relatione habita ad aliud, de quo
apud Wesenb. vol. 4. consil. 127. n. 21. 22. & 23.

AD L. XXX.

**Sylva cædua est, ut quidam putant, quæ in
hoc habetur, ut caderetur. Servius, eam esse, quæ succisa,
rursus ex stirpibus & radicibus renascitur. §. 1. Stipula illa
est spica in messe dejecta, nec-dum lecta, quas rustici cum va-
caberint, colligunt. §. 2. Novalis est terra præscissa, quæ anno
cessabit, quam Greci νέανιστον vocant. §. 3. Integra autem est,
in quam nondum dominus pascendi gratia pecus immisit.**

§. 4. Glans caduca est, quæ ex arbore cecidit;

**§. 5. Pascua Sylva est, quæ pascui pecu-
dum destinata est.**

D

Rec-

Pertinet hæc lex ad usufructuarium, qualiter usufructu utatur, rectè & fructus suos faciat: quæ quæstio per quinque exempla hic resolvitur. 1. Sylvam nimirum cæduam. 2. Stipulam illectam. 3. Novallem. 4. Terram integram. 5. Glandem caducam. 6. Pascuam sylvam. Singula paucis repetemus.

Sylva, inquit Cajus, *cædua est*, ut quidam putant, quæ in hoc haberetur ut caderetur. Servius hoc non negat, sed quasi insufficienrem descriptionem supplet. Non enim satis est, sylvam in hoc haberi, ut cædatur, nisi etiam ex stirpibus & radicibus repullulet; cum non nisi semel cædi posset. Talis itaque erit definitio: *Sylva cædua est*, quæ in hoc habetur, ut cædatur, & succisa ex stirpibus radicibusq; repullulet, ac renascatur Godd. ad h. l. n. 3.

Stipula illecta ponitur secundo loco. *Stipula* frumenti calamus est seu culmus, quo spica grana continens, sustinetur. Stipulam dejectam agricola acervatim imprimis colligit, nec singulas temporis redimendi persequitur. Otio autem nactus, quicquid in agro remanserat, minutim legit, non propter stipulas, sed propter grana, quæ in spicis sunt. Inde stipulam illectam dicit esse, spicæ in messe dejectæ, nondum lectæ. Godd. h. l. n. 7. Nec moveat quem, quod singularem numerum spicæ excipiat pluralis. Hoc enim non est infrequens apud Latinos Virgil. 8. Æneid. Terent. in Eun. act. 1. Scena 2.

Novalis est terra pascissa. h. e. nunc ante, superiore nempe anno, aratro cæsa & scissa; quæ anno cessat, h. e. alternis annis cessare solet. Et sic Novalis dicitur à novando, illa terra, quæ anno superiori cessavit

vit

vit & nunc proscissa est, ut sc. seratur *Valla 6. eleganr. 42. vel, ut Festus loquitur, novatio ex eo dicitur, quod ager intermissus renovetur, alternis sc. annis. Qui igitur novalis terræ usumfructum habet, non potest singulis annis, sed saltem alternis eam colere ac proscindere* *Godd. h. l. n. 10. in fine.*

Integram terram, sive integrum pascuum, definit terram, in quam pecus nondum est depascendi gratia immissum. Integrum itaque illud est, quod naturam suam primævam obtinet, aut ad eum redactū est l. si unus 27. §. pactus ne peteret 2. de pact. Quocirca cum dominus quotidie animum mutare potuerit, & in alium usum eam habere, rectè dicitur integra. *Godd. h. l.*

Glans caduca est, non quæ cadere potest, qualiter glandes omnes caducæ dici possunt: sed quæ cecidit; ut non ad potentiam referatur, sed ad actum. Cæterum glandis appellatione omnis fructus continetur l. qui venenum 236. §. 1. h. tit.

*Pascua Sylva est quæ pastui pecoris destinata est, sive, quæ pascuis pecudum, puta, suum, ovium & aliorum destinata est. Et quidem cum glandibus pasci homines desierint, nec in sylvis, ut primitus fecêre & *Valla 4. eleg. cap. 53. amplius degant; Jctus generale vocabulum restringit ad pastum pecoris. Coler. 2. decis. 286. num. 44.**

AD L. XXXI.

Pratum est, in quo ad fructum percipiendum falce duntaxat opus est: ex eo dictum, quod paratum sit ad fructum recipiendum.

Pratum dici notat Jctus, ab eo, quod paratum sit ad fructum percipiendum. Etsi enim sint alij agri, qui bonitate sua superent prata, quales sunt vineæ, oliveta, & cæteri agri: tamen isti magnam hominis industriam requirunt, & ad fructum ex iis percipiendum magno labore opus est; quod non est in pratis, in quibus ad fœnum percipiendum unicum illud falcis instrumentum sufficit, adeoq; fertilitatem sine curâ, vel certè illa exigua adfert, estq; annis singulis pratum ad hoc paratum, ad fœnum ex eo falce duntaxat percipiendum. *Cujas. 9. obs. 17. Godd. ad b. l.*

AD L. XXXII.

Minus solutum intelligitur, etiamsi nihil esset solutum.

SI ita à te stipulatus fuero: Quantò minus à Titio consecutus fuero, tantum dare spondes? non solet dubitari, quin si nihil à Titio fuero consecutus, totum debeas, quod Titius debuerat *l. si à te 150. h. tit.* Ratio est in hac lege quod minus solutum intelligatur, & si nihil esset solutum. Particula minus licet vim comparandi habeat; hic tamen comparatio non in verbis, sed in re est: non comparatur cum parvo, sed cum tòto quod minuit: minuit autem, maximè si ei nihil relinquat *l. illud 7. §. 2. de tribut. act. l. amissi 52. de fide instrum. l. fin. de reb. cred. Godd. h. n. 6.*

AD L. XXXIII.

Palam est coram pluribus.

Coram aliquo facere, est in præsentia alicujus facere. *l. coram 200. h. tit.* etiam unius vel alterius *Cujas.*

Cujat. ad b. l. Palam facere, est coram pluribus facere b. l. n. Palam est, si fiat eo animo, ut in noticiam aliorum res veniat l. sed si pupillus 11. §. proscribere 3. de exerc. act. Generaliter palam factum videri potest, quod coram duobus vel tribus factum est: nam numerus pluralis est duobus contentus l. ubi numerus ff. de testib. nisi negotij natura plures requirat l. heres 21. Qui testam. fac. poss. l. 1. §. 9. de vi & vi arm. Godd. h.

AD L. XXXIV.

Actiōis verbo etiam persecutio continetur.

Persecutio est extraordinaria, & ab actione differt, ut olim in fideicommissorum petitione *Ulp. in fragmentis tit. 25. de fideicommissis.* At generaliter acceptā voce actionis, persecutio continetur *b. l. n. & l. pecunie 178. §. actionis 2. h. tit. Latē Godd. h. l.* Propriè autem persecutio ad extraordinarias persecutiones, puta, fideicommissorum pertinent *d. l. pecunie §. 2. h. tit.*

AD L. XXXV.

Restituere autem is intelligitur, qui simul & causam auctori reddit, quam is habiturus esset, si statim judicij accepti tempore ei reddita fuisset, id est, & usucapionis causam & fructuum.

Restituere, inquit Paulus, is intelligitur (ut judicati actionem effugiat) qui simul & causam (unā cum ipsa re *l. plus est 22. sup. cod.*) auctori (& petitori *l. actionis l. actionum ff. de oblig. & act.*) reddit, (retro dat, seu retro statuit) quam is (petitor sive actor) habiturus esset, si statim judicij accepti tempore (hoc est, cum

D ;

lis

lis contestaretur *l. vinum. de reb. cred.*) reddita fuisset, id est, & usucapionis causam & fructuum, hoc est, usucapiendi, utendi fruendiq; jus ac potestatem, unâ cum perceptis fructibus, & interdum iis etiam, qui percipi potuissent *l. qui restituere ff. de rei vindicat. Godd. h. l.*

AD L. XXXVI.

Litis nomen omnem actionem significat, sive in rem, sive in personam.

Lis & actio quidem differunt. Actio namque est jus persequendi. Lis est res in iudicium deducta *l. i. C. de litis contestat. l. i. de in litem iurand.* nec est ante litis contestationem *l. i. §. i. de litig.* At hoc in loco lis generaliter accipitur, pro quavis actione, sive in rem, sive in personam. Specialius usurpatur pro materia actionis de re, quæ in lite versatur; item pro instantia *l. properandum 13. C. de iudic.*

AD L. XXXVII.

Verbum oportet, non ad facilitatem iudicis pertinet, qui potest vel pluri vel minori condemnare; sed ad veritatem refertur.

IN actionibus personalibus actor intendit adversarium sibi dare facere oportere: In realibus, possessorem restituere oportere rem quam detinet *§. i. Instit. de act.* Sed quomodo verbum oportere accipimus, utrū ita ut adversarius det vel tradat quod iudici videbitur; an verò quod in rei veritate dandum & tradendum est? Et quidem Ictus hoc loco definit oportere ad veritatem referendum esse. Procedunt hæc, si ipsam

ipsam verbi oportere proprietatem consideres. Nam aliàs judicem vel pluris, vel minoris condemnare plùs quàm manifestum est *h.l.n. Godd. & Cujat. ibid.*

AD L. XXXVIII.

Ostentum Labeo definit, *omne contra naturam cujusq; rei genitum factumq;.* Duo genera autem sunt ostentorum: unum, quoties quid contra naturam nascitur; tribus manibus fortè aut pedibus; aut qua alia parte corporis, quæ natura contraria est; alterum, cum quid prodigiosum videtur; quæ Græci *Φάσματα* vocant.

Ostentum Labeo definit, omne (scilicet animal) contra naturam cujusq; rei (seu generis) genitum (& procreatum) factumq;. Pergit: Duo genera autem (h. e. subalternæ species) sunt ostentorum: unum, quoties quid contra naturam (h. e. contra naturæ consuetudinem) nascitur, veluti si quis tribus manibus fortè aut pedibus aut qua aliâ parte corporis geminata aut interpolata, quæ naturæ contraria est: alterum, sum quid prodigiosum, h. e. monstròsum videtur, h. e. cujus forma est in aliam speciem mutata, & quasi prodigium naturæ, quæ sui ipsius oblita videtur: quæ (prodigiorum genera) Græci *Φάσματα* vocant, eò quod videnti apparent, dicendo indicantur; Sicut apud latinos monstra & ostenta à monstrando & ostendendo dicta: & *Φάσμα* hoc ipsum est quod ipsum videmus, seu visus objectum, ab apparendo vel indicando dictum *Godd. ad h. l. n. 4. & 3. seqq.* Generale igitur vocabulum est ostentum, quod & seipsum in specie, & monstrum seu prodigium, tanquam alteram speci-

59 DE VERBOR. ET RER.
em, comprehendit h.l. & l. quæret aliquis 135. h. tit. De
quibus latè tractat Goddæus ad h.l. n. 8. & seqq.

AD L. XXXIX.

*Subsignatum dicitur, quod ab aliquo subscri-
ptum est: nam veteres subsignationis verbo
pro adscriptione usi solebant.*

Licet aliud sit subsignare, aliud adscribere se, ita
quidem, ut duo illa tanquam diversa ponantur.
Et testamenta quæ non tantum adscriptionem, sed &
subsignationem testium requirunt, si alterutro desti-
tuantur, omninò nulla sint l. ad testium §. 4. ff. Qui
testam. fac. poss. Tamen veteres subsignatum pro ad-
scriptione quandoq; dixerunt; quia ic. possunt uni-
us vocabuli plures esse significationes; & ex iis aliæ
etiam impropriæ & abusivæ, ut hic & arg. l. licet inf.
h. tit. Quin & Jctus in l. Sempronius §. conductores ff.
de jure immun. res subsignatas pro obligatis dixit.
Hoc benè notandum: quod in chirographo, sub-
signatio h. e. subscriptio & adscriptio in præscripti
fidem, sit de chirographi substantia, per hunc text.
Quin & sigillum publicum sine subscriptione fidem
non facit, nec per se quidquam loquitur, sine sub-
scriptione, sed habetur præ teste muto ac incerto
West., b. consil. 12. n. 50. & seq. Godd. ad h. l. nost.

AD §. I.

*Bona intelliguntur cujusq;, que deducto
are alieno supersunt.*

Non una est significatio bonorum. Interdum po-
nuntur præ jure succedendi, veluti hereditas ut
l. nihil

l. nihil est alud 24. h. tit. Deinde interdum strictius accipiuntur pro eo, quod in substantia patrimonij sive bonorum cujusq; est *l. bonorum 208. eod.* & unam etiam rem, quæ in bonis est, denotat *l. 2. §. vel cujus bona ff. de vi bon. rapt.* Hac significatione bona cujusq; intelliguntur, quæ deducto ære alieno supersunt, ut *hic respondetur*, vel quantum pecuniæ ex bonis refici possit, ut *respondetur in l. tantum quinq; inf. h. tit.* Naturaliter enim bona ex eo dicuntur, quod beent, h. e. beatos faciant. Beare autem est prodesse *l. 49. inf. h. tit.*

AD §. II.

Detestari est absenti denunciare.

Detestatio est denunciatio, facta cum testatione *l. 40. in pr. eod. h. e.* Detestatio est denunciatio, quâ quis per scripturam testatò, h. e. convocatis testibus, sententiam suam declarat, ut rectè hoc loco Paulus scripserit; *Detestari est absenti denunciare.* Forma itaq; detestationis consistit in eo, quod non præsentis, sed absenti fiat: quia non præsentis, sed absenti detestamur. Quinimò hæc detestatio in hoc absenti fit, ut constet palam, ejus latitationem displicere & abominari *Godd. ad h. l.*

AD §. III.

Incertus possessor est, quem ignoramus.

Incertus possessor dicitur non respectu sui ipsius, quo intuitu nemo omnino incertus est possessor, sed respectu nostri, quia nobis incertum esse potest, quis possessor sit; live per rerum naturam.

D 5

at in

ut in l. 1. §. fin. ff. si pars hered. siue per nostram ignorantiam l. 4. §. totiens 6. de damn. infect. quæ tolerabilis, utpote facti alieni l. fin. ff. pro suo.

AD L. XL.

*Detestatio est denunciatio facta cum
testatione.*

Alciaus detestationem interpretatus est protestationem h. l. quod est animi sui sententiam dicere l. Nescennius ff. de negot. gest. item reclamare & intercedere, quo minus quid fiat Canoniste ad c. cum qui Ext. de dolo & contumac. Sed interpretationem hanc rejicit Goddæus ad h. l. num. 4. maximè cum pronuntiatio non sit denunciationis species, ut apud Alcium videre est. Sed & principium legis modò explicatum est in l. precedenti §. 2.

AD §. I.

*Servi appellatio etiam ad ancillam
refertur.*

Servi appellatione non solum masculum servum, sed etiam fœminam ancillam comprehendi Ulpianus hoc loco exponit; Ut si ancilla vi quid rapuerit, in ipsam ea de re noxalis detur actio, non secus ac si servus masculus vi rapuisset. Masculino siquidem genere fœmininus sexus continetur l. 1. sup. h. tit.

AD §. II.

*Familia appellatione, liberi quoque
continentur.*

Familia hoc loco ministerium seu servitium tam urbanum, quàm rusticum potius significat, quàm
verum

verum dominium l. 2. §. hac actio vers. familiae ff. vi bon. rapt. Familiae itaq; appellatio ad eos tantum restringit, ut, qui in servitio sunt, qui noxae dari possunt, & de quibus noxaliter agere licet; non etiam ita late, ut illa appellatione familiae, liberi nostri, h. e. filij filiaeve in nostra potestate existentes contineantur, & in nostra familia esse dicantur l. adiles 25. §. 1. de edil. edict. Dicit itaque Ulpianus: *Familiae appellatione liberi quoq;* (subaudi homines bona fide servientes d. l. 2. §. hac actio) continentur. plenius tractat Goddē. h. l.

AD §. III.

Unicus servus familiae appellatione non continetur: ne duo quidem familiam faciunt.

Familiae nomen collectivum est, plurium hominum collectionem significans l. adiles 25. §. 1. ff. de edilit. edict. l. pronuntiatio §. 1. h. tit. ideoq; paucioribus quam tribus constitui non potest l. Neratius inf. h. tit. At cum Prætor in edicto l. 2. ff. vi bon. rapt. & l. 1. de incend. ruin. naufr. ita dicat: *in servum & in familiam judicium dabo*: quæritur; an is qui familiam dicit, servum dixisse videatur; itemque qui servum appellat, familiam intellexisse credatur? Respondet Ulpianus; Prætozem separatim & de servo, & de familia edicere voluisse, ne quis putaret se de unius servi rapina vel recepto actionem noxalem, non daturum: Siquidem *unicus servus familia non dicatur*, ut propter ejus delictum, tanquam de familia, conveniri possit. Ratio hic additur: quia familiam ne quidem duo servi constituunt; multò ergò minus

nus unus. Sic itaq; hic locus exponendus est: *Unicus servus actioni de familia non facit locum, quia familia uno servo non constituitur*: Ratio est: quia *ne duo quidem* (servi) familiam faciunt, licet duorum nomine, tanquam de familia, agi possit l. 7. l. 9. de jurid. Godd b.

AD L. XLI.

Armorum appellatio, non utiq; scuta, gladios & galeas significat: sed & fustes & lapides.

Arma primario sunt præparata ad pugnam, quorum usus principalis vel ad ledendum est, ut gladij, hastæ, scilicet petæ; vel ad defendendum, ut galeæ, clypei. Sed Cajus hoc loco ostendit, etsi pugnae causa paratum non sit, veluti sunt fustes & lapides; si tamen in hoc arripiatur, ut eo noceatur, ipso usu arma fieri, & armorum appellatione comprehendi. Arma enim ea omnia dicuntur, quibus defendere nos & nocere possumus l. armatos 9. ad L. Jul. de vi publ. l. 3 §. quod est 3. §. armis 2. de vi & vi arm.

AD L. XLII.

Probrum & opprobrium: id est: probra quædam natura turpia sunt: quædam civiliter & quasi more civitatis; ut puta furtum, adulterium, natura turpe est: Enim. Però tutela damnari, hoc non naturæ probum est, sed more civitatis. nec enim naturæ probum est, quod potest etiam in hominem idoneum incidere.

Distinguit Ulpianus inter probra, quæ natura h. e. omnium gentium jure, cum aut ratione aut rationatione ipsa infamiam adferant; & ea quæ civiliter h. e.

h.e. civili instituto tantum, & quasi more h.e. peculiari consuetudine civitatis turpia sunt: & distinctionem eam exemplis declarat. Ex quibus perspicuum fit, quod Prætor in Edicto de his qui notantur infamia, eas personas quæ in l. 1. ff. d. tit. enumerantur, infamia notari ait, non simpliciter, sed cum distinctione hoc loco tradita accipiendum esse. Nam naturæ probum committit fur, adulter, stuprator, leno, mulier quæstum suo corpore faciens l. 41. ff. de rit. nupt. At civiliter & more civitatis h. e. opinione hominum & bonorum virorum probum commisisse censeatur, qui tutelæ, vel simili iudicio damnatus est. Etsi enim omni dolo carere possit, tamen vel ob solam suam negligentiam si condemnetur, apud bonos viros existimatio quodammodo læditur. Hinc igitur consequens est: Probrum esse duplex, aliud naturæ, aliud civili observatione. Ubi hoc notandum: Probrum non esse ipsum delictum: sed facti cujusquam turpitudinem atque infamiam per hunc text. & l. probum 41. de ritu nupt. Godd. h. l.

AD L. XLIII.

Verbo victus continentur, quæ esui potuiq; cultuiq; corporis, quæq; ad vivendum homini necessaria sunt. Vestem quoq; victus habere vicem, Labeo ait.

Dicat aliquis fortè; victum à vivendo venire: at vivere sine vestitu cultuq; corporis licere, ut in Æthiopia; sine esu potuq; non licet. Laur. Valla lib. 6. eleg. cap. 56. Sed Ulpianus hoc loco respondet: Quia victus à vivendo descendit, & multo plura quam

quàm quæ ad solum corporis nutrimentum spectât, homini ad vivendum necessaria sunt. verbo *victus*, & vestitum, quo se adversus frigus, & aëris injurias homo se defendat, in consequentiam, quia sine iis victus non est, contineri *h. l. n.* & pro personarum ratione constituendam esse *l. servi urbanis 99. de legat. 3. l. pen. de alim. legat. l. 1. l. mulier 19. de ventre in poss. mittendo c. non cogantur 3. dist. 41.* ut porrò hæc clariora essent, subjicitur Caji testimonium: Sic ergo Cajus:

AD L. XLIV.

Et cetera, quibus tuendi curandive corporis nostri gratia utimur, ea appellatione significantur.

Pendet hæc oratio à præcedenti responso. Cum enim Ulpianus dixisset, verbo *victus* contineri non solum quæ ad nutrimentum cultumq; corporis spectant, verùm etiam quæcunq; homini ad vivendum necessaria; & ex eo consequenter collegisset. *Vestem* quoq; hac appellatione contineri: Subjicitur jam ex Cajo; Imò non solum *vestem*, verùm *cetera etiam omnia, quæ ad tuendum curandumq; corpus sunt necessaria.* Itaque non solum cibus potusq; victus dicitur, verùm etiam medicina, vestimentum, stramentum, tegumentum, habitatio, ministerium famulorum ac servorum, & si quæ sunt ejus generis alia *per hunc text. & l. præced. l. in lege 203. l. quos nos hostes 234. §. verbum vivere. inf. h. tit. Godd. h. l. n.*

AD L. XLV.

Instratum omne vestimentum contineri, quod injiciatur, Labeo ait: Neq; enim dubium est, quin stragula vestis;

vestis, sit omne pallium περιεσσωα. In victum ergo vestem accipiemus, non stragula: Instratum, omnem stragulam vestem.

ROgatus aut jussus quis, quendam educare; ad victum necessaria ei præstare cogendus est. Quæri potest, quid verbo *victus* & *instrati* contineatur? Ex Ulpiano respondetur, verbo *victus* contineri, quæcunq; ad vivendum homini necessaria sunt *d. loc. victus* 43. Quin & Cajus *in l. & cætera* 44. hanc significationem extendit etiam ad cætera, quibus vivendi curandive corporis nostri gratia utimur, veluti est habitatio, & medicamenta; sine his enim nemo vivere potest *l. quos nos hostes* 234. §. *fin.* nemo scilicet Romanorum, quorum hæc leges sunt *Alciat. ad h. l. n. 4.* Non quodcunq; tamen *instratum victus* appellatione continetur, quia nec quodcunque ad vivendum homini necessarium est. *Instratum dictum* est ab *infernendo*: estque vel animantium reliquorum, vel hominis gratia; & hoc vel adornatum, aut ad hominem vestiendum, tegendum, aut *infernendum* *Godd. ad h. l. n. 2.* Et hæc vocatur stragula vestis, seu pallium, non simpliciter, sed pallium περιεσσωα, id est, quod *infernitur* vel *injicitur*. Pallium enim simpliciter nomen generale est eorum omnium, quæ habentur induendi causa vel injiciendi. *Cujat. ad h. l.* In victum ergo vestem accipiemus, scilicet, stragulam, quæ vestis est; non stragula alia sc. quàm vestes stragulas. *Godd. ad h. l. n. 4.* ubi talem responsi interpretationem subjicit. *Instratum* (non solum id quod equis, mensis, humo, parietibus *infernitur*, verum) *omne vestimentum contineri, quod in-*
ijcitur

jicitur, Labeo ait: (at cur hæc Labeo? Neq³ enim dubium, inquit, est, quin stragula vestis, (quæ straguli sicut etiam instrati species est) sit omne pallium περιεσώματα (h.e. pallium, quod ita habetur, ut etiam si opus sit, insterni, substerni & circumsterni possit: at quid hinc, Ulpiane, concludimus? hoc nempe) In victum ergo vestem (sc. stragulam) accipiemus non stragula (sc. quolibet alia, quæ nimirum nobis pallij vice nequeunt esse, cujusmodi sunt cortinæ, velamina, strata eorum, phaleræ) instratum (non solum Babylo-nica velamina, περιεσώματα quolibet, verum) omnem (etiam) stragulam vestem; cujusmodi est toga, pallium, purpura & auro intextum, & si quæ sunt alia. Godd. d. loc.

AD L. XLVI.

Pronunciatum & statutum idem potest. Promiscuè enim pronunciasse & statuisse solemus dicere eos, qui juri habent cognoscendi.

Licet inter pronunciatum & statutum differentia sit aliqua: Nam *pronunciare* propriè dicimus, quod vivâ voce & memoriter proferimus, vel quando iudex inter duos sententiam dicit, & aliquem servum aut ingenuum pronunciat. *Statuere* autem, si solus populus in universum leges sancit; unde leges municipales statutorum nomen capiunt; Quippe quod statuere solus est, qui fasces & merum imperium habet. Promiscuè tamen sive de communi usu loquendi, de cognitione & sententia judicis, pronunciatum & statutum dicimus Godd. h. loc.

AD

AD §. 1.

Matrem familias accipere debemus eam, quæ non inhonestè vixit: Matrem enim familias à cæteris fœminis mores discernunt atq; separant: proinde nihil intererit, nupta sit, an vidua, ingenua sit, an libertina. Nam neq; nuptiæ, neq; natales faciunt matrem familias, sed boni mores.

MATRIS familias nomen non respicit jus patriæ potestatis, ut opponatur filiæ familias, & mater familias sit fœmina sui jûris *l. nam civium 4. de his quæ sunt sui vel al.* Sed refertur ad ipsam mulieris qualitatem & conditionem, quâ bonis moribus discernitur à cæteris fœminis *h. l. n.* Nec hic spectamus nuptias, quia & non nuptæ sæpius honestatis decus tuentur viduæ honestæ *l. multum 242. §. viduam 3. inf. h. tit.* Nec spectamus natales, cum nec libertina conditio ansam honestè vivendi præcludat. Virtutem spectamus, quæ & ipsa dignitatem præbet *l. item legato 49. §. parvi 4. de legat. 3.* Dignitatis autem signum est vestitus, non meretricius, sed matronalis *l. item apud 15. §. si quis virgines 15. ff. de injur.*

AD L. XLVII.

Liberationis verbum eandem vim habet, quam solutionis.

HOC loco docet Paulus, Liberationis verbum eandem habere vim, quam solutionis. Sed hanc suam definitionem alibi ita plenius explicat, ut eam verâ esse ad ipsam substantiam obligationis, non verò nummorum solutionem, ratione habita ostendat *l. 54. de solut.* Nam qui debitori suo acceptum tulit,

E

debi-

debitorem quidem omninò liberavit; quò fit ut acceptilatio definiatur liberatio *l. 1. de acceptilat.* nec tamen debitorem creditori solvisse dici potest. Est enim solutio ejus rei quæ debetur à se in eum cui solvatur rectè ab alienatio profecta. Sed quia obligationis substantia per acceptilationem concidit, atq; adeò debitor liberatus est, creditori debitorem solvisse, sed improprie & imaginariè dicimus. Est enim acceptilatio imaginaria solutio *§. 1. Instit. Quib. mod. toll. oblig.* Atq; ita licet aliud sit solutio, aliud liberatio, vi tamen & effectù non differunt.

AD L. XLVIII.

Solutum non intelligimus eum, qui licet vinculis levatus sit, manibus tamen tenetur: ac ne eum quidem intelligimus solutum, qui in publico sine vinculis servatur.

IN jus vocari nequit, qui est in vinculis aut custodia *l. sed & si quis 4. §. illud 1. vers. planè ff. si quis caut. in judic.* quod aliter se habet, si tum, cum vocatur, non amplius sit ligatus, sed solutus. Inde quæstio; quis dicatur solutus? Ad quam respondet JC. *hoc loco,* non sufficere quem vinculis levatum, sed & manibus non tenendum, nec in publico servandum *l. vincularum 224. inf. eod.* ut quis dicatur solutus. Solutus namq; cum effectù accipitur, cui recedendi libera facultas est *l. 2. de libero hom. exhib.* At qui manibus tenetur, qui in publica custodia est, licet vinculis non teneatur; tamen liberam abeundi facultatem non habet, & ideo cum effectù solutus vinculis dici non potest, cum suo arbitrio abire non possit, sed cum

cum custode aliquo. Igitur nec promissio ejus sic facta valebit *l. qui in carcerem 22. ff. de eo quod metus caus.* Adeoq; etsi carcere clusus non videatur vinctus, neque in vinculis *l. verum est 216. h. tit.* est tamen in custodia arg. *l. 1. de custodia reor.* nec ei libera est recedendi facultas, quod non multum differt à servitute *Cujat ad d. l. 216. eod.*

AD L. XLIX.

Bonorum appellatio aut naturalis aut civilis est, Naturaliter bona ex eo dicuntur, quod beant, h.e. beatos reddant : beare est prodesse. In bonis autem nostris computari sciendum est, non solum quæ dominij nostri sunt, sed & si bona fide à nobis possideantur, vel superficiaria sint. Equè bonis adnumerabitur, etiam si quid est in actionibus, petitionibus, persecutionibus. Nam hæc omnia in bonis esse videntur.

BONORUM appellatio hoc in loco generaliter accipitur, ut non solum illa comprehendat, quæ in nostro sunt dominio, verum etiam illa, quæ cognitionem quandam cum illo habent, quæve bono sive usui nobis esse possunt. Distinguuntur enim in naturaliter & civiliter bona *h. l. n.* Naturaliter bona sunt, quæ beant, id est, profunt, ex quibus multum commodi, nihil aut parum incommodi percipimus *h. l. n.* cujusmodi sunt illa, quæ dominij nostri sunt, & quæ deducto ære alieno supersunt. *l. subsignatum 39. §. bona 1. l. propriè 83. h. tit.* Civiliter bona dicuntur, quæ habent etiam adnexa onera; huc referuntur illa, quæ bona fide à nobis possidentur, hereditas, bonorum possessio *l. bonorum 208. h. tit. l. 2. de bon. poss.* Superficiaria, item actiones & persecutiones *l. prin.*

ceps 24. h. tit. d. l. bonorum 208 h. tit. l. à divo Pio 15. §. sic quoq; 8. ff. de re jud.

AD L. L.

Nurus appellatio etiam ad pronurum & ultra porrigenda est.

Nurus est filij uxor l. 14. § 4. in pr. de rit. nupt. l. 4. §. 6. de gradib. Sed latiori significatione, pronurum h. e. nepotis uxorem, vel abnurum, h. e. abnepotis uxorem, cæterasq; denotat h. l. n. Quin & filij sponsa Nurus dicitur: & filix sponsus gener appellatur; quemadmodum contra sponsæ pater, socer dicitur l. 4. ff. ad L. Jul. de parricid. Porrigitur autem appellatio nurus, quotiens una eademq; ratio subest, ut quando agimus de reverentia. Cum enim omnes hæ personæ ita conjunctæ sint & necessariæ, ut parentum liberorumq; loco invicem habeantur d. l. non facile 4. §. hos itaq; 7. de gradib. ideò, quæ reverentia nurum debetur, eam & pronurui exhibebimus. l. generaliter 13. de injus voc. l. cui eorum 3. §. item 2. de postul. Notandum autem est, quod JC. inquit: Nurus appellationem ad pronurum esse porrigendam. Unde colligitur, sua natura pronurum & cæteras personas, non contineri appellatione nurus.

AD L. L I.

Appellatione parentis non tantum pater, sed etiam avus, & proavus, & deinceps omnes superiores continentur: sed & mater & avia, & proavia.

Parentes speciali nomine usq; ad tritavum superioris ordinis dicimus l. fin. §. parentes 7. de grad. imò

imò & eos, qui supra tritavum sunt *d. l. fin. §. septimo gradu*, idq; ut plurimum, quando de nominibus, quibus superiores ordines inter se distinguuntur, agimus. Nam usq; ad sextum gradum specialia nomina apud Romanos sunt prodita, (1) pater, mater (2) avus, avia (3) proavus, proavia (4) abavus, abavia (5) atavus, atavia (6) tritavus, tritavia. *l. i. §. primo gradu 3. cum §. seqq. de gradib.* Ceteri qui sunt in ulteriori gradu, speciali appellatione carent, ideoq; majores dicuntur *d. §. septimo gradu Paul. libr. 4. sent. ii. §. fin.* qui septimum addit, nempe sobrino sobrinave natum *fac. §. fin. Instit. de success. agnat. l. i. §. hoc autem 3. unde cognati.* Idcò autem successionis septem tantum gradus constituti sunt; quia ulterius per rerum naturam, nec nomina inveniri, nec vita succedentibus prorogari solet *l. non facile 4. in pr. ff. de gradib.* Denique additur: *Sed & mater, avia, proavia.* Retinent enim fœminæ successivum ordinem familiæ, propter individua vitæ consuetudinem, qua jura maritorum ipsis competunt. quia semper verum est, proaviam genuisse avum, hanc filium, & sic deinceps.

AD L. LII.

*Patroni appellatione & patrona
continetur.*

MAculinum continet fœmininum *l. i. l. pronuntiatio 195. h. tit. l. qui duos mulos 62. de legat. 3. ubi Ictus Julianus ait: semper sexus masculinus fœmininum continet.* Inde pueri appellatione, puella *l. illa verba 163. §. i. l. pueri 204. patroni, patrona, h. l. n.*

liberti, liberta l. liberti 172. l. scavola 243. h. tit. servi, ancilla l. detestatio 40. §. servi i. l. inter stuprum 101. §. servis legatis h. tit. A potiori enim fit denominatio: Potior autem est mas quàm fœmina l. i. ff. de senat.

AD L. LIII.

Sapè ita comparatum est, ut conjuncta pro disjunctis accipiantur, & disjuncta pro conjunctis; interdum soluta pro separatis. Nam cum dicitur apud veteres, adgnatorum gentiliumve; pro separatione accipitur: At cum dicitur, super pecuniæ tutelæve lux, tutor separatim sine pecunia dari non potest. Et cum dicimus, quod dedi aut donavi, utraq; continemus. Cum verò dicimus, quod cum dare facere oportet, quodvis eorum sufficit probare. Cum verò Prator dicit; Si donum, munus, operas redemerit, si omnia imposita sunt, certum est, omnia redimenda esse. Ex re ergo pro conjunctis habentur: Si quædam imposita sunt, cætera non desidentur: Idem dubitatum, illa verba, ope consilio quemadmodum accipienda sunt: Sententiæ conjungentium aut separantium: Sed verius est, quod & Labeo ait; Separatim accipienda. quia aliud factum est ejus, qui ope, aliud ejus, qui consilio furtum facit: Sic enim alij condici potest, alij non potest: Et sanè post veterum auctoritatem eò perventum est, ut nemo ope videatur fecisse, nisi & consilium malignum habuerit, nec consilium habuisse noceat, nisi & factum secretum fuerit.

QUAMAM sit conjuncta, quæ disjuncta, quæ denique soluta oratio, abundè ostendit Goddæus ad l. alienationis 28. §. i. sup. eod. & l. conjunctionem 29. eod. ubi vim etiam & usum ejus clarè proposuit. Ictus autem hoc loco tribus exemplis declarat, quod non solum in hominis, verum etiam legis dispositione sæpè conjuncta pro disjunctis, & vice versa, dis-

disjuncta pro conjunctis accipiuntur. Deinde tribus exemplis ostendit; quomodo soluta oratio, quæ neque conjunctionem, neq; disjunctionem habet *d. alienationis* 28. §. *oratio* 1. pro re subjecta & intentione proferentis modò pro conjunctâ, modò pro disjunctâ & separata haberi debet: quod ipsum eleganter tradit Goddæus *ad h. l. n. 4. & seqq.*

AD L. LIV.

Conditionales creditores dicuntur & hi, quibus nondum competit actio, est autem competitura, vel qui spem habent, ut competat.

QUOD in conditione est, non est in obligatione *l. si quis in testamento ff. si quis omiſſ. caus.* neq; debetur *l. cedere diem. h. tit.* Sed tamen nihilominus Ulpianus hic respondet; Eos quoq; creditores *latissime scilicet*, accipiendos esse, quibus sub conditione non solum quæ jam extitit, sed etiam quæ adhuc pendet, debetur *l. 10. & seqq. sup. eod. Godd. ad h. l.*

AD L. LV.

*Creditor autem is est, qui exceptione perpetua summo-
vereri non potest: qui autem temporalem exceptionem timet, similis est condicionali creditori.*

GENERALITER Paulus hoc loco creditorem defini- vit, qui nulla perpetua exceptione à petitione submo- veri possit, sive esset purus, sive non purus creditor, h. e. cui deberetur sub conditione, vel in di- em, aut ex die §. *omnis cum seqq. Instit. de inutilib. sti- pulat.* Etsi enim his exceptio plus tempore petentis

objici potest §. si quis agens Inst de act. perpetuò tamen non repelluntur, quia existente conditione, vel adveniente die, rursus experiri possunt, & quidem cum effectu d. §. si quis agens 12. § seqq. Godd. ad h. l. n.

AD L. LVI.

Cognoscere instrumenta, est relegere & rec-
cognoscere : dispungere est conferre accepta
& a. n. d.

AD debitum probandum & petendum, opus quādoq; est instrumentorum inspectione & cognitione l. fin. §. i. de reb. auct. jud. possid. Cognoscere verò nihil aliud est, quàm recognoscere, relegere & revidere: instrumenta, inscriptionem, subscriptionem, & sigilla eorum inquirere. Sed quia contingit sapè, ut post instrumentorum recognitiones, etsi de debito constet, tamen adversarius vel solvise se partem debiti, vel etiam creditorem sibi vicissim obstructum habere contendat; ita ut rationum collatione opus sit, quod J Cti dispungere vocant; docet Ulpianus dispungere, esse conferre data & accepta; Vel quod idem est, expungere, id est, punctis notare. *Brisson. de verb. significat. verb. dispungere die Rechnung bestechen/ germani dicunt, Godd. ad h. l.*

AD §. 1.

Liberorum appellatione continentur non tantum, qui sunt in potestate: sed omnes qui sui juris sunt, sive viriles, sive feminini sexus sunt, exve feminini sexus descendentes.

Ulpianus hoc loco explicat, quinam liberorum appellatione intelligendi? Nempe non solum liberos

liberos esse, & vocari, quos in potestate nostra habemus; verum etiam omnes ex nobis natos descendentes, & quidem in infinitum *l. liberorum 220. h. tit.* tam emancipatos, quam in potestate nostra natos, tam primi quam secundi vel tertij gradus, sive per masculos nobis conjungantur, sive ex feminis descendant, vel per fæmineum sexum in descendente linea nobis originis ratione conjungantur. Nam & fæminæ filiæ, & ex ipsis nati, natæq; , liberorum appellatione veniunt, per rationem *ad l. 1. sup. ead.*

AD L. L VII.

Cui præcipua cura rerum incumbit, & qui magis quàm cæteri diligentiam & sollicitudinem rebus, quibus præfunt, debent, Magistri appellantur: quin etiam ipsi Magistratus per derivationem à Magistris cognominantur. Unde etiam, cujuslibet disciplina præceptores, Magistros appellari à monendo vel monstrando.

IN omnibus artibus & negotijs humanis rectius & prudentius peragendis constitui solent primarij quidam administratores, qui prudentia & industria cæteris præcellere videntur, ut ij rerum quibus præfunt, administrationem majori diligentia & sollicitudine quàm cæteri, si qui simul præfunt, suscipiant, & qui ita constituuntur, *Magistri* appellari consueverunt. Inde dicimus *navis Magistrum*, cui totius navis cura mandata est *l. 1. §. 1. de exercit. act.* Sic dicimus *societatis Magistrum*, qui magis cæteris socijs in rebus communibus potest; quò fit, ut hujus pactum reliquis profit & obsit *l. 14. de pact.* Sic dicimus *Magistros ludi literarij*, textus est in *l. 1. §. 6. ff. de var. & extraord. cognit.* Sic *Magister Augurum* dictus, qui reliquos

liquos ætate & peritia antecessit *Rosin. 3. antiqu. Rom. §.*
 Hinc *Magistrari*, vel, ut alij legunt, *magistrare* est moderari, regere & temporare, *Wesemb. & D. Cothm. in parat. C. de offic. magist. milit.* Deniq; & ipsi magistratus cum alijs præsent, & in Republica magis quam reliqui possint, per derivationem à magistris cognominantur *b. l. n.* Addit *JCtus: Unde etiam cujuslibet discipline præceptores, Magistros appellari à monendo vel monstrando: unde patet, JCtum hoc loco notationē magistri non Grammaticam adducere, sed finem officij respicere. Cui enim præcipua cura rerum incumbit, is in consequentiam monendo & exhortando nihil reliqui facere debet, ut qui sub manu ipsius sunt, strenuè officium suum faciant arg. l. 2. de juridict.*

AD §. I.

Persequi videtur, & qui satis accepit.

Satis acceptio instar solutionis est *l. 4. §. ait prætor 3. de re judicat.* Igitur satis accipiendo videtur liti actor renunciare, ut amplius eam prosequi non possit. At cum satisfactio vera solutio non est *d. §. ait prætor in fin.* Idcirco nec persecutioni per eam renunciatur. Et quod de satis acceptione dictum, quod instar solutionis sit, illud procedit saltem ratione securitatis, ut securi possimus esse de debito non amittendo; non autem procedit, quoad extinguendam actionem, quæ nobis competit *l. 1. ff. Qui satisd. cog.* Quapropter satis accipiendo nemo videbitur suum consecutus, sed magis in persecutione cœpta perstis-
isse l. prætor 2. Quib. ex causis, in possess. eat. Alciat & Godd. h.

Ad L.

AD L. LVIII.

Licet inter gesta & facta videtur quædam esse subtilis differentia: attamen κατά τὴν φύσιν nihil inter factum & gestum interest.

Inter gesta & facta videtur quædam esse differentia: Nam *facta* dicuntur, sive cum alijs, sive nobiscum duntaxat quid egimus. *Gestum* id complectitur, quod cum alio agimus *tot. tit. de negot. gest.* At quia rebus non verbis leges imponuntur *l. 2. in fin. C. Comm. de legat.* Igitur quando constat, quo animo quid gestum vel factum sit, verborum ratio non est habenda *l. scire leges 17. l. in ambigua 19. de legib. id quod ex subjecta materia potissimum elucet l. in lege 29. ff. locati c. in his 15. de verb. sign.*

AD §. I.

Paternos libertos rectè videmur dicere nostros

Libertos: Liberorum libertos non rectè nostros libertos dicimus.

In quovis actu, qui ex necessitate juris aliquid requirit, consideramus originem. Quia igitur pater non manumisit, sed filius, ideò nec libertus patris dici potest. Liber enim homo alteri non acquirit obligationem § *alteri quoq. 18. Instit. de inutilib. stipulat.* Unde nec socius socij mei, socius meus est *l. nam socii 20. ff. pro socio.* Quod autem paterni liberti, sunt etiam filiorum liberti, ratio specialitatis est: quia omnes descendentes natura referunt ac repræsentant stirpis suæ auctorem §. 2. §. 3. *Instit. de hered. quæ ab intest. defer. Godd. ad h. l. n. sub. n. 1.*

Ad L.

Portus appellatus est conclusus locus, quo importantur merces, & inde exportantur; eaq; nihilominus statio est conclusa, atq; munita: inde angiporium dictum est.

Vocabuli *portus* duplicem significationem Jctus hoc loco recitat. Alteram, quâ *portus* locum sive domum significat, mercium importandarum vel exportandarum causa paratum; qualia ædificia nostri vocant *Wachheuser/oder Speicher*. Alteram, qua *portus* stationem navium h. e. locum, cui naves, ut intro sint, includuntur, denotat. *Statio* dicitur à stando seu statuendo. Is igitur locus demonstratur, ubi tuto naves stare possunt. l. i. §. *stationem* ff. de flumin. Stationis verbo congruit nostrum germanicum *Lastradt*; quasi illa statio, in quam naves recipiuntur.

AD L. LX.

Locus est non fundus, sed portio aliqua fundi. Fundus autem integrum aliquid est & plerumq; sine villa locū accipimus. Ceterū adeò opinio nostra & constitutio locum à fundo separat, ut & modicus possit fundus dici, si fundi animo eum habuimus. Non enim magnitudo locum à fundo separat, sed nostra affectio & quelibet portio fundi poterit fundus dici, si jam hoc constituerimus. Nec non & fundus locus constitui potest. Nam si eum alij adjunxerimus fundo, locus fundi efficitur. Loci appellationem non solum ad rustica, verum ad urbana quoq; prædia pertinere Labeo scribit. Sed fundus quidem suos habet fines: locus vero latere potest, quatenus determinetur & definiatur.

IN hac lege ostenditur, differentiam esse inter fundum & locum. *Fundus* est cum villa, nec est sine ædificio; *villa* est pars fundi, *locus* potest esse sine villa: fun-

la : *fundus* est totum quiddam, *locus* est pars fundi. Igitur *fundus* habet suos fines, qui constituuntur possessorum arbitrio; *locus* non habet certos, & animo concipitur potius, quàm finibus certis. Tantum *fundus* ad prædia rustica pertinet, domus enim non est fundus; *locus* potest pertinere etiam ad prædia urbana. Nam & loci sunt in ædibus, seu membra, ut latini loquuntur Cujat. Alciat. & Gædd. h. l.

AD L. LXI.

Satisfactionis appellatione interdum etiam re promissio continebitur, quâ contentus fuit is, cui satisfactio debebatur.

Qui satisfacere necesse habet, facere hoc debet datis fidejussoribus l. 1. Qui satisf. cog. l. 7. de prætor. stipulat. adeò ut nec pignora dedisse sufficiat, multò minus nuda repromissio: Unde & satisfactio opponitur nudæ repromissioni l. 1. §. stipulationem §. de prætor. stipul. Sed hoc ita est, si repugnaverit is cui satisfaciendum est. Quod si verò stipulatione aut repromissione simplici contentus sit, propria voluntate eandem satisfactioni substituit, ut exinde satisfactio sit, quæ per se talis non est l. si rem §. §. omnis de pign. act. licet nimirum juri pro se introducto renunciare arg. l. ex pratorio 27. ubi Dd. de reg. jur.

AD L. LXII.

Tigni appellatione in lege XII. tabularum omne genus materiae, ex quâ ædificia constant, significatur.

IN lege XII. tabb. ita scriptum erat: Tignum junctum ædibus ne solvito, sed duplum, qui junxit, dato. Quasi

Quæsitum fuit, quid tigni appellatione veniat? & anne trabes duntaxat appellatione tigni continerentur, reliquas autem materias domino liceret eximere ædibus & sibi vendicare? Sed cum eadem ratio in reliquis etiam quibusvis materijs, quæ in trahibus, subsit, ne ædificia sub hoc prætextu diruantur, *l. 1. pr. de tigno juncto*. Jcti tigni vocabulum generaliter acceperunt pro omni materia, ex qua ædificiū constat, ut sunt non tantum trabes, sed ligna quoque, lapides, calx, arena. Et inde fabros etiam tignarios dicimus, non eos duntaxat, qui tigna dolarent, sed omnes qui ædificarent *l. ferri 235. §. 1. cod. tit.*

AD L. LXIII.

Penes te, *amplius est quàm* apud te. Nam apud te est, quod qualiter qualiter à te teneatur: Penes te est, quod quodammodo possidetur.

PENES est à penitus; & penes te est, quasi penitus apud te, qui penes se rem habet, ut in re illa dominium vel jus sibi adferat *l. alio 9. pr. de aliment. leg. l. si sub. 16. Quib. mod. usufr. amitt.* & ut hic Ulpianus loquitur, quodammodo possidet. Apud te significat tantum rei apud te existentiam etiam sine aliqua tui affectione in eandem *h. l. n. veluti depositarius, commodatarius l. ei aquid quem 5. l. si hominē 7. ff. depos. l. qui negotia 34. mand. l. 1. & 2. de castr. pecul.*

AD L. LXIV.

Intestatus est, non tantum qui testamentam non fecit, sed etiam cujus ex testamento hereditas adita non est.

Inte-

ET si in ea legis XII. tabb. parte, qua agitur de legitima tutela, *intestatus* is etiam sit, qui testamentum quidem jure perfectum fecit, ex quo hereditas adita sit; at tutores non dedit, vel certè inutiliter dedit *l. 6. de legitt. tutorib.* § *quod autem lex Instit. de legitt. agnat. tus.* Propriè tamen *intestatus* est, qui aut omninò testamentum non fecit, aut tale fecit, ex quo vel non potuit adiri, vel adita non est hereditas *b. l. n. & l. 1. de suis & legitt. §. 1. Inst. de hered. qua ab intest.* *Godd. ad b. l. num. 3.*

AD L. LXV.

Heredis appellatio non solum ad proximum heredem, sed & ad ulteriores refertur. Nam & heredis heredes, & deinceps heredis appellatione continetur.

Ulpianus *hic* definit: heredis heredem primi defuncti heredem esse. Si enim heres repræsentat personam defuncti, etiam adita hereditate, utiq; ea repræsentatio, ne quidem in secundo, tertio & ulteriori successione extinguetur. Imò si successio est in universum jus defuncti ejus, cui proximè succedimus; uti verè est *l. nihil est aliud 24. h. tit.* consequens erit, heredis heredem primo quoque testatori succedere, cum illius etiam jus in hoc resideret, eiq; inhereret. *Godd. ad b. l. n. 1.* Et hinc rectè Ulpianus dicit: *Heredis appellationem non solum ad proximum heredem, sed & ad ulteriores referri b. l. n. & per multas successiones etiam longissimas accipi l. sciendum 70. l. heredis 170. inf. b. tit. l. qui per successionem 194. de reg. jur.* Tres exceptiones ab hac regula tradit *Goddæus ad b. l. nost. n. 4. & 2. seqq.*

Ad L.

*Mercis appellatio ad res mobiles tan-
tūm pertinet.*

NON omne quicquid in emtionem venditionem deduci potest, mercis appellatione continetur : sed ab eo quod mercatores, ut mercatores, facere solent, merx æstimanda est. At mercatura circa solas res mobiles, ut est sericon, coccum, gemmæ, frumentum, &c. versatur, quatenus commercium earum non prohibetur *l. i. & tot. tit. C. Quæ res vendi non poss.* Sanè vocabulum mercis generaliter accipitur, pro omni re, quæ emi & vendi potest *l. i. de rer. permutat. & l. i. de contrah. emt.* Omnis mercator emit vendit ; sed non statim qui aliquid emit vel vendit, puta domum, agrum, &c. is etiam mercator est, Generalior igitur est emtio venditio, quàm mercatura. Et mercator is saltem dicitur, qui res mobiles lucri faciendi negotiandiq; causa eo animo comparat, importat, exportatq; venum *l. un. C. de nundinis Alciat. ad b. l. & Godd. Germanicè Kauffschlagen.*

AD L. LXVII.

*Alienatum non propriè dicitur, quod adhuc in
dominio venditoris manet : venditum tamen
rectè dicitur.*

ALIUD est alienatio ipsa, aliud obligatio, seu titulus obligationis, cuiusmodi est emtio venditio &c. Nam etsi alicui aliquid emtionis venditionisve causa, vel ex quolibet alio contractu debetur, id tamen ante traditionem, non censetur in emtorem alienatum, quia nondum cæpit debitori abesse, & cre-
dito-

ditori adesse *l. quod vendidi 19. de contrah. empt.* Traditionibus scilicet & usucapionibus dominia rerum, non nudis pactis transferuntur *l. traditionibus C. de pact.* Si dominus est qui tradit; si precium emtor solvit, dominium transfertur; si non est dominus, usu capiendi conditio saltem *Donell. in d. l. traditionibus.* Excipiuntur Ecclesiæ & loca ad alimoniam pauperum comparata; hic enim absq; traditione dominium statim transfertur *l. ult. in fin. C. de SS. Eccl.*

AD §. I.

Donationis verbo simpliciter loquendo omnem donationem comprehendisse videtur; sive mortis causa, sive non mortis causa fuerit.

Donationem genus facit; cujus species proximæ sint, *mortis causa, & non mortis causa donationes.* Quas donationum species ponit & Imperator in *pr. Instit. de donat.* Genus itaq; continet sub se omnes species, sive modos, quibus donatio fit, nisi subjecta materia, lex aut voluntas obstat §. *adoptio 1. Inst. de adopt. l. 2. de reb. cred.* Adeoq; utraq; donatio rectè dicitur donatio *h. l. n. l. inter dominum 94. h. tit.*

AD L. LXVIII.

Illæ verba (arbitratu Lucij Titij fieri) jus significat, & in servum non cadunt.

Servus quidem facti capax est *l. stipulatio ista 38. §. hi qui sunt 6. ff. de verb. obligat.* Exinde, dixerit quis, etiam arbitrij: quia *arbitratu* factum, non jus continere videtur; sicut contrahere facti dicitur *l. consilio 7. §. fin. de curat. funis.* Sed Jctus hoc loco scribit, *servum non esse capacem arbitrij, sive in servum non*

cadere arbitrium. Et rectè. Qui enim arbitrium recipit, non nudum factum, ut est, ire, agere, sed jus potestatemq; statuendi, decernendiq; recipit, id est, se arbitraturum, arbitrio boni viri *l. servum 33. §. ait Prator 3. de procurat.* Arbitrati quidem facti est; sicut ire, agere, item contrahere; Arbitrium autem juris est, & boni viri civisq; qualitatem denotat *Gadd. ad h. l. n.*

AD L. LXIX.

Hæc verba (cui rei dolus malus aberit, abfuerit) *generaliter comprehendunt omnem dolum, quicumq; in hanc rem admissus est, de quâ stipulatio interposita.*

Circa hanc legem sciendum est; Non tantum in stricti juris conventionibus *l. 38. §. 13. ff. de verb. oblig.* sed & in bonæ fidei judiciis, clausulam doli mali adjici solere *l. si cum fundum ff. de contrah. emt.* Et quidem si simpliciter dictum sit, *dolum malum abesse absfuturumq;* esse his verbis; omnem dolum, h. e. non tantum promissoris, sed & hujus heredis dolum intelligimus *l. novissima. in pr. ff. judicat solvi.* At si vel pœna adjecta sit, puta, *si hujus rei dolus malus non abfuerit, quanti ea res erit, dare spondes?* *d. l. novissima §. 1.* vel si quis curaturum se sponderit, ne in ea re quid dolo malo fiat *l. 83. in pr. de verb. oblig.* Istis verbis, & ista stipulatione, omnem dolum significamus, non tantum promissoris, & hujus heredis, sed cujuslibet extranei *d. l. novissima §. 1. d. l. 83.* Hodie in contractibus frequens est illa formula *Alles getreulich und ohn gefehre* / quæ huic doli clausulæ correspondet *Gadd. de cont. & commit. stip. cap. 8. n. 26.*

AD

AD L. LXX.

Sciendum est, heredem etiam per multas successiones accipi. Nam paucis speciebus heredis appellatio proximum continet: Veluti in substitutione impuberis, quisquis mihi heres erit, idem filio heres esto: ubi heredis heres non continetur, quia incertus est. Item in lege Ælia sentia filius heres proximus, potest libertum paternum, ut ingratum accusare, non etiam si heredis heres extiterit. Idem dicitur in operarum exactione, ut filius heres exigere possit, non ex successione effectus.

DOcet Paulus hoc loco: heredem etiam accipi per multas successionet, h.e. heredem heredis & ulteriores l. heredis 65. sup. h. tit. paucis casibus exceptis: quorum tres recenset: primus est in substitutione vulgari & pupillari vers. veluti h. l. nost. & l. qui liberis §. hæc verba ff. de vulg. & pupill. substit. Nam cum vulgaris per aditionem expiret §. i. §. fin. inst. de vulg. substit. Cujat. 12. obs. 10. hæc testatoris verba, *Quisquis mihi heres erit, idem filio heres esto*: pro subjectâ materiâ de primo tantum herede interpretantur. Secundus casus est in accusatione liberti propter libertatis favorem h. l. vers. Item in lege l. 2. l. fin. C. de bon. libert. Nam cum lege Ælia sentia heredi permittatur paternum libertum ingratum accusare l. pen. C. de libert. cor. lib. propterea non extenditur ultra primum heredem: quia ingrati actio per se satis odiosa est l. 1. l. 7. l. ult. C. de revoc. donat. Tertius est in operarum promissarum exactione propter causæ odium hic vers. idem dicitur & l. cum patronus §. cum libertus ff. de oper. libert. Has patroni heres non exigit, nisi proximus sit, & ex liberorum seu suorum numero. h. l. n. Gædd. ibid. & ad l. heredis 65. sup. h. tit. n. 4. & seqq.

AD §. I.

Verba hæc, Is, ad quem ea res pertinet, sic intelliguntur, ut qui in universum dominium vel jure civili, vel jure prætorio succedit, continetur.

IN hoc §. traditur de significatione verbi *pertinere*, ut etiam in *l. verbum 181. h. tit.* Plenissime quidem *pertinere* dicitur res ad dominum pleno jure: ad eum autem qui jus tantum in re habet, eo modo quo illud jus est dominium *l. si postulaverit 27. §. 1. & seqq. ad L. Jul. de adult.* sin jus in re nullum habeat, sed actionem ad rem, etiam ad hunc res illa dicitur *pertinere l. bonorum 49. h. tit.* Ad eum res *pertinere* non dicitur, qui, licet ejus intersit, agendi tamen causa destituitur *l. in hac actione 3. §. si mecum 11. ff. ad exhib.* Quid de successore? Paulus in *h. l. n.* differentiam constituere videtur inter universalem & singularem. His verbis, *ad quem ea res pertinet*, etiam qui in universum dominium vel jure civili, vel jure prætorio succedit, continetur *h. l. n.*

AD L. LXXI.

Aliud est capere, aliud accipere. Capere cum effectu accipitur: accipere, & si quis non accepit ut habeat. Ideoq; non videtur quis capere, quod erat restitutus, sicut pervenisse proprie illud dicitur, quod est remansurum.

Quemadmodum aliud est pervenisse, aliud venisse. Sic aliud est capere, aliud accipere. *Pervenisse* dicimus id, quod est remansurum. Ita *capere* cum effectu accipimus. Est enim *capere* in dominium suum capere *h. l. n.* vel sic acquirere, ut nobis rem illam

illam habeamus, nec restituere alii cogamur: *Accipere* verò est, etiam non sic accipere ut quis habeat *h. l. n.* non est in suum dominium capere: nam accipimus dicimur & eam rem, cujus dominium nondum acquisivimus *l. naturalis s. §. 1. de præscript. verb.* adeoq; accipit ille quoq; , qui aliis restituit. *Alciat. Cujat. & Gædd. h. l.*

AD §. I.

Hæc verba, his rebus rectè præstari, hoc significant, ne quod periculum vel damnum ex ea re stipulator sentiret.

EMtor vitiosæ rei, si eam reddere velit venditori, precio recepto, cavet creditori his verbis: *Hæc rebus rectè præstari.* Quibus hoc efficitur, ut si fortè in re quæ redhibetur, damnum dederit, ut id refarciat, & venditorem ab omni periculo & damno tutum faciat *h. s. n. l. 21. s. 2. de edil. edict.* Significat autem periculum generaliter quodlibet damnum *l. 4. de peric. & comm. rei vend.* quo sensu dicitur: periculo nostro res esse propter dolum culpamve *l. 4. Naut. caup. stabul.* Damnum verò est incommodum, quod alicujus facto vel injuriâ *tot. tit. ff. ad L. Aquil.* aut injuria nostra sentimus *l. quod si possessor ff. de petit. hered.* Romani hac formula uti solebant, & ita etiam exprimere, *illosq; boves sanos esse, noxumq; præstari spondes Varro lib. 2. de reb. rust.*

AD L. LXXII.

Appellatione rei pars continetur.

Qui rem suam à Titio vendicat, non ideo exceptione repellitur, quod rei suæ tantum pars pene Titium sit. Quia appellatione rei etiam pars

continetur *h. l. n.* Et quæ de totius rei vindicatione dicuntur, eadem quoq; in partis vindicatione intelligenda sunt. *l. 76. in pr. de rei vindicat.* Hinc argumentum à toto ad partem in jure frequens & firmum est: de quo Eberhardus *in Top.* & Petrus Faber *in l. in toto 113. de reg. jur.*

AD L. LXXIII.

Hæc verba, eam rem rectè restitui, fructus continet. Rectè enim verbum pro viri boni arbitrio est.

Particulari rectè variam accipit interpretationem ex subjectæ materiæ ratione. In stipulatione si ita scriptum sit: *Eam rem rectè restitui.* Ibi verbum *rectè* pro boni viri arbitrio est, ita ut non res tantum, sed & fructus restituendi sint. Quod tamen verum, quoq; est particulâ illâ *rectè* omisâ *l. 126. §. 2. de verb. oblig.* Nam & ipsius verbi *restituere* natura & significatio hæc, ut qui restituere jussus est, non rem tantum, sed & fructus reddat. *l. 22. sup. h. tit.* In tutelæ administratione, pupillum & hujus bona rectè defendere, est id facere, quod quis paterfamilias faceret *l. 10. de administ. tut.* In judicio si quis alium defendere conetur, rectè defendere dicimus, judicium accipere cum satisfactione *l. rectè defendi ff. de judic.* atq; hæc defensio dicitur plena *l. 21. in fin.* Ex quib. caus. major.

AD L. LXXIV.

Signatorius annulus, ornamenti appellatione non continetur.

Dominus vendidit mancipium cum ornamentis; quaesitum, an ornamentorum appellatione ejusmodi.

modi annulus contineretur? Quod negatur *h. l.* Quia, namq; annulus signatorius non ornatus causa paratus est, facile est, cur ornamenti appellatione non contineatur *l. 25. §. ornamenta 10. de auro & arg. leg.* Ex fine autem res æstimantur *l. nam quod 4. de penu legat. Godd. h. l.*

AD L. LXXV.

Restituere is videtur, qui id restituit, quod habiturus esset actor, si controversia ei facta non esset.

IS qui restituere iussus est, rem unà cum fructibus & causa ab eo tempore, quo cum ipso lis contestata est, reddere debet *l. 35. sup. h. tit. h. e. ut Jctus* hoc loco ait; Restituere is dicitur, qui id restituit, quod habiturus esset actor, si controversia ei facta non esset, *h. e.* qui actorem in pristinum suum jus, quod ante motam controversiam erat, reponit: & omne quod vel adest damni, vel emolumenti abest, restituit. Exemplum ponitur in hereditatis petitione *ex l. 4. ff. de hered. petit.*

AD L. LXXVI.

Dedisse intelligendus est etiam is, qui permutavit vel compensavit.

DARE est dominium transferre *l. non videtur, de reg. jur.* In permutatione autem dominium transfertur. Undè rectè infertur, *dedisse* etiam intelligendum eum qui permutavit *h. l. n.* Hinc si quis stipulatus sit, *Decem tibi dotis nomine dabo, & rem XXX. valentem pro XX. permutarit,* ita ut reliqua decem dati sint, *dedisse intelligendus l. 25. de jure dot.* Sed &

qui compensavit, dedisse creditur. Nam cum compensatio sit per æris sui computationem ab ære alieno liberatio, is qui per compensationem ab obligatione liberatus est, id quod ex obligatione debebat, dedisse intelligitur *h. l. n.* Similiter qui per acceptilationem liberatus est, dedisse dicitur *l. 10. de condict. caus. data.* Utrunq; rectè, Quia & compensatio & acceptilatio instar solutionis sunt *§. 1. Inst. Quib. mod. toll. oblig.*

AD L. LXXVII.

Frugem pro redditu appellari, non solum quod ex frumentis aut leguminibus, verum etiam quod ex vino, sylvis caduis, cretifodinis, lapicidinis capitur. Julianus scribit, fruges omnes esse quibus homo vescatur, falsum esse: non enim carnem aut aves ferasve, aut poma fruges dici; frumentum autem id esse, quod aristâ se teneat, rectè Gallum definivisse: lupinum verò & fabam, fruges potius dici: quia non aristâ, sed siliquâ continentur: quæ Servius apud
Alphenum in frumento contineri putat.

IN hoc responso triplex refertur frugum species; *frumentum, legumen & fruges*, quæ generis nomen retinet. Frugum namq; nomen generale est, continens frugem in specie sic dictam, legumina, & frumentum *Paul. lib. 3. sent. tit. de legat. 6. ubi Cujat. & in h. l. n.* Quod ut intelligatur, sciendum est, quod sub proventibus & redditibus omnia prædicta contineantur. Reditus autem aut proventus est, aut fruges. Proventus est quicquid sine peculiari cultura, & plerunq; eadem stirpe redit, cujusmodi sunt poma, pira, nuces, glandes, fænum: *Fruges* sunt, quæ culturam & industriam humanam requirunt, & rede-

redeunt, vel sine semine, vel ex semine. Illæ quæ sine semine redeunt, generis nomen retinent, ut vina, olea, fruges seu fructus lapicidinarum, cretifodinarum, argenti auriq; fodinarum, sylvarum cæduarū. Hæ segetes à semine specialius vocantur: & dividuntur in frumentum & legumen. *Frumentum* (à frumine dictum, quod ex eo panis confici, & per frumen, quod summa pars gulæ est, per quam cibus in ventrem demittitur) est fruges, quæ emissis aristis crescendo perficitur & seritur, ut est triticum, hordeum, spelta, avena. *Legumen* est fruges sine aristis, quæ siliquâ continetur, ut sunt fabæ, lens, cicer, linum. Errant itaque, qui fruges illa omnia, quæ esui potuivè esse possunt, appellabant. Sed hoc Julianus ea ratione, quod carnes, aves, feræ, vel poma, itemq; agni, hædi, volucres, ac butyrum, ova, & si quæ ejus generis alia, fruges dici nequeant, repræhendit, licet his homines vescantur. Quæ enim ex animantibus nascuntur, quæque ex aliis arboribus quàm vite & oliva coguntur, neq; fruges sunt, neq; fruges vocari debent, cum non tam frugalitati hominis, quàm plerumq; voluptati inserviant. In eo verò differunt fructus & fruges; Quòd *fructus* verbum (à fruendo dictum) omne emolumentum, commodum, utilitatem & compendium quolibet modo sese usufructui offerens, designat. *Fruges* verò (sive frux ut veteres dicebant) quod propriè necessitatis, utilitatisve, non luxuriæ causa capitur. Ecceam Juliani sententiam Paulus comprobabat *b. l. n.* Potest verò *hujus legis* usus esse, cum in aliis, tum verò præcipuè in legatis. Nam legatis frugibus, tam

legumina, quàm frumenta deberi Paulus respondit
lib. 3. *sentent. tit. 6. vers. 78.*

AD L. LXXVIII.

Interdum proprietatem quoq; verbum possessionis significat, sicut in eo, qui possessiones suas legabit, responsum est.

Aliud est possessio, longè aliud proprietas : quod usq; adeò verum est, ut Ulpianus responderit, nihil commune habere proprietatem cum possessione *l. naturaliter 12. §. 1. de acquir. poss.* Quibus verbis Ictus nihil aliud significare vult, quàm eum qui rem vendicare capit, si fortè succumbat ; & postea jure suo melius cognito, intelligat, se possessorem esse, Interdictum uti possidetis intentare posse, ad possessionem obtinendam; non obstante eo, quod in proprietatis causa succubuerit; quia scilicet aliud sit possessio, aliud proprietas. Planè cum dominium ex naturali possessione cæperit *l. 1. de acq. poss.* fit nonnunquam, ut causa pro effectu ponatur; puta, possessio pro proprietate: uti hoc in loco, in eo qui possessiones suas legasset, responsum est, nempe hunc proprietatem legasse censerì. Econtra fit, ut proprietas possessionem denotet *l. 15. C. de rei vindicat.*

AD L. LXXIX.

Impensa necessaria sunt, quæ si facta non sint, res aut peritura, aut deterior futura sit.

Impensarum tres sunt species : Aut enim necessariae dicuntur, aut utiles, aut voluptuariae. Impensas necessarias inde dici ostendit Ictus, quod necessitatem impendendi in se habeant *l. 1. §. 1. de impens. in rem*

rem dot. fact. Quæ nisi factæ essent, res aut peritura, aut deterior futura sit, veluti si quis ruinosas ædes re-
fecerit *Ulp. in fragm. tit. 6.* Tota natura namq; ad suâ
conservationem tendit. Igitur quicquid in illam in-
sumitur, ut scilicet res naturalis in suo statu conserve-
tur, id meritò inter necessarias impensas refertur *h. l. n.*

AD §. I.

*Utiles impensas esse Fulcianus ait, quæ meliorem
dotem faciant, non deteriore esse non sinant; ex quibus
reditus mulieri acquiratur; sicuti arbusi pastinatione, ultra
quam necesse fuerat: item doctrinam puerorum: quorum no-
mine onerari mulierem ignorantem vel invitam non oportet; ne
cogatur fundo aut mancipiis carere. In his impensis &
pistrinum, & horreum insulæ dotali adje-
ctum plerumq; dicemus.*

UTiles impensæ dictæ sunt, quæ impenduntur, ut
res melior & fructuosior, quàm nunc est, red-
datur *l. quod dicitur §. ff. de impens. in rem dot. fact.*
Sicut itaq; necessariæ impensæ à fine describuntur, ita
etiam utiles. *Necessariæ* sunt, quæ rem salvam & in
suo statu conservant. *Utiles* verò, quæ non solum
rem conservant, verùm etiam meliorem reddunt, &
augment, veluti si oliveta & vineta fiant *Ulp. d. tit. Il-*
lud notandum, pleraq; exemplorum hîc relatorum
tam utilibus quàm necessariis impensis adnumerari.
Nam arbusi pastinationem, pistrinum, horreū, Pau-
lus utilibus impensis adscribit *h. l. n.* cum tamen ea
inter necessarias impensas referantur *l. 7. §. 3. sup. d. tit.*
Sed hæc ita intelligi debent, ut si necessariò impensæ
prædictæ fiant, necessariis impensis adnumerentur *d.*
§ 3. ver. necessariò. At si ultra quam necesse fuerit, uti *lex*
nostra

nostra ait, h. e. si non necessariò factæ sunt, utilium loco habebuntur *ut hic*.

AD §. II.

*Voluptuariæ impensæ sunt, quæ speciem duntaxat exornant, non etiam fructum augent: ut sunt viridia, & aquæ salientes, incrustationes, loricatio-
nes, picture.*

Voluptuariæ impensæ sunt, quæ ad voluptatem fiunt, quæ speciem tantum exornant, fructum non augent *l. 7. de impens. in rem dot. fact.* puta, viridaria, aquæ salientes *h. l. n.* Quamvis enim nemo sit, qui non elegantia, ornatui atq; voluptati aliquid largiatur; impensas tamen in rem alienam factas æstimamus ex domini persona, an ipsi sint usui, non etiam an speciem saltem exornent *l. in fundo 38. de rei vendicat. l. sed an ultro 10. §. 1. de negot. gest. l. utilium 8. de impens. in res dot.* Boni enim patrisfamilias est, frugalem & ad rem attentum esse, & id operam dare, ut fructus augeat & ditescat.

AD L. LXXX.

*In generali repetitione legatorum etiam data libertates continentur, ex mente legis XII.
tabularum.*

Usa est antiquitas Romana rerum nominibus in maximè generali & indistinctâ significatione: cuius res ostendendæ causa, sufficiat nunc ipsum legati verbum. Nam ut Pomponius ait; verbis Legis XII. tabb. his: *Uti quisq; legasset suæ rei, ita jus esto*: latissima potestas tributa est, & heredes instituendi, & legata libertatesq; dandi, tutelas quoq; constituendi

l. ver-

l. verbis legis 120. inf. h. tit. Quò pertinet *hac lex nostra*, quæ in generali repetitione legatorum, datas libertates ex Legis XII tabb. mente *h. e.* sententia, quâ per legatum libertates significantur, contineri ait, *E. G.* Primum heredem scripsi, ab eo legata reliqui, libertates servis dedi, filiis tutores constitui &c. Postea in hunc modum adjeci: Si primus heres non erit, secundus heres esto, qui legata à primo relicta dabit. In hac generali repetitione legatorum, libertates quoq; continentur, *ut hic & l. 77. de legat. 3.* Verum posteritas experientia ipsa melius edocta, specialiora nomina rebus imponere capit. Et rectè. Commodius enim est singulas causas singulis appellationibus distinguere *§. alio autem Instit. Quib. mod. testam. infirm.* Id quod eodem legati verbo comprobare licet. Nam ut *JCtus in d. l. legis verbis.* Sed id, *inquit*, interpretatione coangustatum est, vel legum, vel autoritate jura constituentium. Et ita quidem coangustatum est, ut legatum propriè nihil aliud sit, quàm donatio à defuncto relicta *§. 1. Instit. de legat. 1.*

AD L. LXXXI.

Cum Prætor dicat, ut opus factum restituatur, etiam damnum datum actor consequi debet: nam

Verbo restitutionis omnis utilitas actoris continetur.

Quod superius de latâ verbî *restituere* significatio-
ne, *ad l. 22. 35. & 75. dicta*, ea hoc loco Paulus exemplo quodam illustravit. Si enim Prætor dicat *h. e.* interdicit, ut opus factum restituatur, omne damnum datum actor consequitur. *E. G.* Si is cui nunciatio novi operis facta erat, ante remissionem
vel

vel satisfactionem nunciationi non paruerit, sed nihilominus cementa posuerit vel deposuerit, à Prætoris opus factum restituere jubeatur, non tantum quidquid post nunciationem ante remissionem vel satisfactionem fecerit, restituet, sed & ob damnum, si quod eo facto dedit, tenebitur; Et Actori omnem utilitatem, si quæ abest, præstabit. Aliud exemplum potest poni ex interdicto. Quod vi aut clam *l. 1. & tot tit. ff. Quod vi aut clam.*

AD L. LXXXII.

Verbum amplius, ad eum quoq; pertinet, cui nihil debetur; Sicut ex contrario minus solutum videtur, quando nihil esset ex-actum.

Verbum *amplius* in propria & genuina significatione comparativi gradus est: Hinc qui *amplius* agi, vel *amplius* non peti promisit, de eo quod semel petitum est, *amplius* se non acturum cavet *l. 23. ff. rem rat. hab.* Hinc si ita legatum sit: Centum Titio do lego, hoc *amplius* X. Titio do lego; Verbum *Amplius* ad præcedens legatum se refert: & non tantum centum sed & decem debentur *l. 27. in pr. l. 33. in fin. de legat. 3.* Simili ratione si purè tibi legavero X, hoc *amplius* sub conditione, si navis ex Asia venerit fundum: verbo *amplius* superiora decem repetuntur *l. 54. de legat. 3. h. e.* verbum *amplius* refert se ad prius legatum, ita ut decem non tantum purè debeantur, sed hoc *amplius* sub conditione fundus etiam debeat. Deniq; verbum *amplius* ad eum quoq; pertinet, cui nihil debetur ut *h. l. n.* Nam in *l. 108. §. 8. de legat. 1.* Si ei cui nihil legatum erat, *h. e.*

h. e. cui nihil debebatur, uti hoc loco scriptum est, cum hac adjectione legetur, hoc Amplius Titio do lego centum, nihil ultra centum deberi Jctus respondit. Ut itaq; minus solvisse dicitur, qui nihil solvit: cum minus nihilo esse non possit, & nihil sit omnium maximum: ita ex natura contrariorum & correlatorum, amplius exegisse dicendus erit, qui exegit aliquid, cum nihil ei deberetur. Id enim quod exigit, eo quod exigere debebat amplius est, nihilo scilicet l. 1. §. hac verba 12. ff. si cui plus quam per leg. Falcid. l. amplius non peti 15. ff. rem rat. hab.

AD L. LXXXIII.

Proprie bona dici non possunt, quæ plus incommodi quam commodi habent.

HOC responsum continet interpretationem bonorum, & pendet ex iis quæ ad l. subsignatum 39. §. bona & bonorum 49. sup. h. tit. dicta sunt. Quin & sententia per se est plana. Bona sc. proprie non intelligi, nec dici posse, quæ plus incommodi quam commodi habent. Atq; hinc est, quod bona non intelliguntur, nisi quæ ære alieno deducto supersunt d. l. subsignatum 39. §. bona. Naturaliter enim bona ex eo dicuntur, quod beent h. e. beatos faciant. Beare autem est prodesse, commodum adferre d. l. bonorum 49.

AD L. LXXXIV.

Filii appellatione omnes liberos intelligimus.

ALIUD est filius & filia, aliud nepos & neptis l. 6. de testam. tur. Illi primo, hi secundo sunt gradu l. 7. Jctus §. 12. & seq. de gradib. Quinimò si verborum figuram sequaris, ut ait l. 116. b. tit. aliud erit filius, aliud

aliud filia. Hinc filio datus tutor, filia non censetur datus. Quod usq; adeò verum est, ut si prius testator in singulari, deinde in plurali numero scripserit, ita : Filio, filiisque meis hosce tutores do, masculis duntaxat tutores datos intelligi Servius adfirmavit *l. 122. h. tit.* Quod sc. à singulari casu h. e. filio, transierit ad pluralem numerum, eundem sexum continentem, quem singularis prius positus habuerit *d. l. 122. fac. d. l. 116. b. tit.* ubi filij appellatione filiam contineri Labeo negat. A prædictis, posthumus & posthuma differunt; quia hi filij nascituri; illi nati sunt. Quo fit, ut posthumæ appellationem in eam quæ in rebus humanis est, non cadere, responsum est. *l. 164. in pr. h. tit.* Quod tamen in casu *l. 16. ff. de testam. tut.* fallit: ubi, si posthumis dentur tutores, & illi vivo testatore nascantur, datio tutoris nihilominus utilis est. Sed hoc ideò, quòd tempore dati tutoris fuerint adhuc in utero. Non autem debet, quod semel utiliter constitutum est, per inutile superveniens vitari. Ex quibus ita concludere licet: Eum qui quid filiis suis solis præstitum vult, filiorum appellatione; qui nepotibus tantum, nepotum appellatione, & sic deinceps uti debere. Qui verò universo suo generi ex se descendenti aliquid vult præstitum, liberorum appellatione uti debere *l. 220. h. tit.* Nam liberorum appellatione omnes, qui ex nobis progeniti & editi sunt, intelligimus, tam filios, quàm nepotes, & pronepotes, cæterosq; in infinitum descendentes *d. l. 220. in pr. & §. 2.* tam scæminini quàm masculini sexus, tam extra potestatem, quàm in potestate constitutas personas *l. 56. §. 1. sup. h. tit.* Verum

nim his quæ diximus obstat *hec lex nostra*: quæ filij appellatione omnes liberos contineri ait: ubi placet solutio illa, quâ dicitur; vel ex voluntatis præsumptione, vel etiam ex iusta interpretatione, omnes nepotes filij appellatione contineri. Voluntatis præsumptio est *in l. 41. §. 5. de legat. 3.* ex qua desumpta est *d. l. 220. h. tit.* ubi filiorum legato, nepotes quoque continentur. Iusta interpretatio nihil aliud est quàm juris interpretatio, puta, quod in SCto Macedonia-
no, quo filiis prospectum est, nepotes quoq; & cæteri contineantur *l. pen. C. ad SC. Macedon..* Item in SCto, quo cavetur, ne pupilli tutoris filio elocetur, filij appellatione nepos, cæteriq; continentur *l. 59. de rit. nupt.* Atq; hinc est, quod Jabolenus *in l. 116. inf. h. tit.* sententiam Labeonis verborum figuram sequentis rejiciat, approbata Proculi opinione in mēte testantis fundata, ut filij appellatione filia quoq; contineatur. Et verò natura ipsa nos docet, parentes pios, qui liberorum procreandorum animo & voto uxores ducunt, filiorum appellatione omnes qui ex nobis descendunt, contineri *d. l. 116. §. 3.*

AD L. LXXXV.

*Neratius priscus tres facere existimat collegium,
& hoc magis sequendum est.*

Collegium hoc loco accipitur pro certo corpore, universitate, societate; qualia sunt JCtorū *l. 2. C. de vet. jure enucl. Medicorum tot. tit. C. de professorib. & Medicis lib 10.* Pistorum, & aliorum artificum *Eu-
jat. 16. observ. 5.* unde patet, in hac significatione, collegij nomen esse collectivum; ad cujus constitu-
tionem ad minimum tres requiruntur *h. l. n.* ut enim in

aliud filia. Hinc filio datus tutor, filiae non censetur datus. Quod usq; adeo verum est, ut si prius testator in singulari, deinde in plurali numero scripserit, ita : Filio, filiisque meis hosce tutores do, masculis duntaxat tutores datos intelligi Servius adfirmavit *l. 122. h. tit.* Quod sc. à singulari casu h. e. filio, transierit ad pluralem numerum, eundem sexum continentem, quem singularis prius positus habuerit *d. l. 122. fac. d. l. 116. b. tit.* ubi filij appellatione filiam contineri Labeo negat. A praedictis, posthumus & posthuma differunt; quia hi filij nascituri; illi nati sunt. Quo fit, ut posthumæ appellationem in eam quæ in rebus humanis est, non cadere, responsum est. *l. 164. in pr. h. tit.* Quod tamen in casu *l. 16. ff. de testam. tut.* fallit: ubi, si posthumis dentur tutores, & illi vivo testatore nascantur, datio tutoris nihilo minus utilis est. Sed hoc ideo, quod tempore dati tutoris fuerint adhuc in utero. Non autem debet, quod semel utiliter constitutum est, per inutile superveniens vitari. Ex quibus ita concludere licet: Eum qui quid filiis suis solis praestitum vult, filiorum appellatione; qui nepotibus tantum, nepotum appellatione, & sic deinceps uti debere. Qui vero universo suo generi ex se descendenti aliquid vult praestitum, liberorum appellatione uti debere *l. 220. h. tit.* Nam liberorum appellatione omnes, qui ex nobis progeniti & editi sunt, intelligimus, tam filios, quam nepotes, & pronepotes, ceterosq; in infinitum descendentes *d. l. 220. in pr. & §. 2.* tam foemini quam masculini sexus, tam extra potestatem, quam in potestate constitutas personas *l. 56. §. 1. sup. h. tit.* Verum

rum

rūm his quæ diximus obstat *hæc lex nostra* : quæ filij appellatione omnes liberos contineri ait : ubi placet solutio illa, quā dicitur ; vel ex voluntatis præsumptione, vel etiam ex iusta interpretatione omnes nepotes filij appellatione contineri. Voluntatis præsumptio est *in l. 41. §. 5. de legat. 3.* ex qua desumpta est *d. l. 220. h. tit.* ubi filiorum legato, nepotes quoque continentur. Iusta interpretatio nihil aliud est quàm juris interpretatio, puta, quod in SCto Macedonia-
no, quo filijs prospectum est, nepotes quoq; & cæteri contineantur *l. pen. C. ad SC. Macedon..* Item in SCto, quo cavetur, ne pupilli tutoris filio elocetur, filij appellatione nepos, cæteriq; continentur *l. 59. de rit. nupt.* Atq; hinc est, quòd Jabolenus *in l. 116. inf. h. tit.* sententiam Labeonis verborum figuram sequentis rejiciat, approbata Proculi opinione in mēte testantis fundata, ut filij appellatione filia quoq; contineatur. Et verò natura ipsa nos docet, parentes pios, qui liberorum procreandorum animo & voto uxores ducunt, filiorum appellatione omnes qui ex nobis descendunt, contineri *d. l. 116. §. 3.*

AD L. LXXXV.

*Neratius priscus tres facere existimat collegium,
& hoc magis sequendum est.*

Collegium hoc loco accipitur pro certo corpore, universitate, societate ; qualia sunt Jctorū *l. 2. C. de vet. jure enucl. Medicorum tot. tit. C. de professorib. & Medicis lib 10.* Pistorum, & aliorum artificum *Eu- jat. 16. observ. 5.* unde patet, in hac significatione, collegij nomen esse collectivum ; ad cujus constitu-
tionem ad minimum tres requiruntur *h. l. n.* ut enim in

arbitrijs propter naturalem hominum ad dissentiendum facilitatem, tres potissimum, ita hic (plures res quin esse possint in Collegio, non negat J Ctus) totidem assumuntur *l. item si unus 17. §. principaliter 6. de recept. qui arbitr. recip.* Dixi tres requiri ad collegii constitutionem. Nam collegium ejusq; jura per unum sive in uno conservantur *l. sicut. 7. §. ult. ff. Quod cujusq; univ. nom. l. filiusfamilias 114. §. pen. de legat. 2.* quia sc. ex eo universitas redire potest. & proinde quam diu hæc spes superest, & quod alii surrogabuntur, potius naturæ suæ conservatur, quam in aliam transfertur *arg. l. si unus 27. §. pactus 2. vers. quod si non ut totum ff. de part. l. si grege legato 22. de legat. 1.*

AD L. LXXXVI.

Quid aliud sunt jura prædiorum, quam prædia qualiter se habentia? ut bonitas, salubritas, amplitudo.

Tertius condemnatus est, vel promisit prædia tradere cum suis juribus; quæritur itaq; , quid sint jura prædiorum? Celsus ea generaliter ab adjunctis definit, nempe à bonitate, quæ terræ fertilitatem, immunitatem, libertatem, situm & cætum continet, à salubritate, quæ ipsius terræ innatam potentiam respicit, & in graminis & fructuum salubri proventu consistit, cujusmodi est agrum non esse pestilentem *l. etiam 49. de adil. edict.* in quo herba nascatur, quæ pecora vel homines pereant *l. sed addes 19. §. 1. locat.* Deniq; ab amplitudine, quæ modum & fines, sive longitudinem & latitudinem fundi definit *l. si in qualitate 22. de act. emt. Godd. ad h. l. n. 3. & 4.* Non itaq; dicendum est, hoc loco servitutum definitionem

nem tradi, quòd servitutes sint jura prædiorum, qualiter se habentia: quorum opinionem Cujatius 9. obs. 37. ea ratione refutat; quòd jus emphyteuticum sit jus prædij qualiter se habens. Nec tamen servitus dici possit. Et rectè, uti exempla subjecta docent. Nam salubritatem, bonitatem, amplitudinem non prædijs tantum, quæ vel servitutem debent, vel quibus servitus debetur; sed & alijs quibuscunq; tribui posse, manifestum est. Inde si quis prædia cum suis juri-
bus, h. e. cum suis qualitatibus, vel cum suo habitu *ut est in l. 12. Quemadm. serv. ami. t.* distrahat, bonitatem, salubritatem, amplitudinem; & deniq; jus omne, quod vel prædijs impositum, vel prædijs acquisitum est, vendit *d. l. 12. G. h. l. n.*

AD L. LXXXVII.

U Alphenus ait, urbs est Roma, quæ muro cingeretur. Roma est etiam, quâ continentia ædificia essent: nam Romam non murotenus existimari, ex consuetudine quotidiana posse intelligi, cum diceremus, Romam nos ire, etiam si extra urbem habitaremus.

Roma urbs est: Sed Roma hoc habet amplius, quod non finiatur muris, sed continentibus ædificijs. Continentia ædificia sunt urbi cohærentia: quod ex ædificantium intentione usq; dependet judicis arbitrio æstimandis *Menoch. de arb. jud. quest. 155.* Ad urbem satis est, muro eam finiri; sed non adeò hæc vel illa urbs, si extra murum habeat ædificia continentia, ob id definit urbs esse: hoc enim peculiariter habet ultra genus *h. l. n.* Et quidem urbes ferè omnes murotenus finiti, Romam continentibus, & urbem Romam æquè continentibus, Pau-

Ius notavit in l. nam quod 4. §. si ita 4. de penu legat. Quod si quæ urbs est præter Romam, quæ reapse mûrotenus non finitur, sed ædificia habent cohærentia, quid causæ est, cur nomen illius proprium non comprehendat, & hæc ipsa, & appellatio rei appellatæ confirmetur? arg. l. 6. de reb. cred. Inprimis si id ex consuetudine quotidiana æquè possit intelligi, cum diceremus, Gryphiswaldum, Stralsundum, aut in aliam urbem nos ire, etiamsi extra urbem habitaremus h. l. n.

AD L. LXXXVIII.

Tantum quisq; pecunie relinquit, quantum ex bonis ejus refici potest. Sic dicimus, centies aureorum habere, qui tantum in prædiis, caterisque similibus rebus habet. Non idem est in fundo alieno legato: quanquam is hereditaria pecunia parari potest. Neq; quisquam eum, qui pecuniam numeratam habet, habere dicit, quicquid ex ea parari potest.

PECUNIE appellatio inter cætera ad pecuniam numeratam sive nummos pertinet l. 4. & l. 5. sup. h. tit. Qua in significatione dicit hoc loco Jctus, *Tantum pecunie unumquemq; reliquisse, quantum ex bonis ejus refici potest.* Exemplum ponitur in eo, qui prædia habet centum aureorum, ut is aureos centum habere intelligatur; quia ex prædijs ipsius centum aurei refici possint. Planè id quod pecunia nostra comparare nobis possumus, in bonis nostris esse non dicemus: Unde si fundum alienum legaverimus, non ideo eum in bonis nostris fuisse adfirmabimus, quod ex pecunia nostra comparari potuerit, vel etiamnum possit h. l. n.

AD

SIGNIFICATIONE.
AD L. LXXXIX.

95

*Boves magis armentorum, quam jumentorum
generis appellantur.*

Jumenta à jungendo dicta, quòd currui jungantur
Gell. lib. 20. noct. Attic. cap. 1. Armenta verò ab a-
rando vel armis h. e. humeris, quibus laborem &
onus sibi injunctum perficiunt, (veluti faciunt equi
& boves aratro adhibiti). Ex quo perspicuum fit,
quare Pomponius boves armentorum magis, quàm
jumentorum nomine appellari dixerit. Rectè au-
tem *magis*: quod hoc loco comparisonem signifi-
ficat: nam boves jumentis adnumerantur ab alijs
authoribus. Jumentis ergò legatis, si non appareant
testatorem de bobus quoq; sensisse, magis est, ut bo-
ves non legatos esse respondeamus *b. l. n.*

AD §. 1.

*Hoc sermone, dum nupta erit, primæ nuptiæ
significantur.*

Legatum Titia relicta est, ut eo fruatur, dum
nupta erit, primas nuptias significat: atq; inde
si fortè marito iterum nubat, legatum non debebi-
tur, quia sc. hoc sermone primæ nuptiæ significan-
tur. Ita quoq; si dos marito detur, ut eam habeat
dum conjux ipsi nupta fuerit, mortuâ conjuge, etsi
aliam iterum ducat, dos tamen restituenda erit, *arg.*
63. ff. de jure dot.

AD §. 2.

*Inter edere & reddere rationes, multum inter-
est: nec is qui edere jussus sit, reliquum reddere debet. Nam
& argentarius edere rationem videtur; etiamsi quod re-
liquum sit apud eum, non solvat.*

G 3

Aliud

Aliud est edere, aliud reddere rationes; illud minus, hoc plus & majus est. Nam & argentarius edere rationem videtur, etiamsi quod reliquum sit, apud eum, non solvat *h. l. n.* Illud consistit in dispositione & comparatione tantum; hoc non in computatione, sed etiam in pecuniæ datione. Illud est chartas tantum, in quibus rationes perscriptæ sunt, tradere, ut perlegantur; hoc est, non solum rationes legendas & computandas traditis libris rationum, cautionum, instrumentorum, & omnium quæ ad eam rem pertinent, dare; sed etiam eò amplius reliqua solvere in solidum *l. non solum §. is qui reddere ff. de liberat. leg. l. Stichus §. argentarius ff. de stat. lib.* Solvere autem in effectu accipimus, ut non in folle tantum *h. e. in sacculo l. 3. §. 6. de stat. lib.* sed ut ad numerationem pecuniæ perveniat *l. 82. de condit. & demonstr.*

AD L. XC.

Qui, uti optime maximæq; sunt, ædes tradit: non hoc dicit, servitutem illis deberi: sed illud solum, ipsas ædes liberas esse, hoc est, nulli servire.

Pertinet hæc lex ad ædium venditionem, hac lege, *uti optime maximæq; sint, factan.* Quæ venditionis lex eum habet effectum, ut ædes liberæ & immunes ab omni servitute præstentur, non etiam ut jus aliquod sive servitutem sibi acquisitam habeant, *h. l. n.* Eadem ratio est fundi, cæterarumq; rerum venditarum *l. 59. de contrah. empt.* Procedunt hæc tam in contractibus ut *h. l. & d. l. 58.* quàm in legatis *l. 63. §. 3. de legat. 1.* Planè si dum hæc lex (*uti opti-*

optimus maximusq; est fundus) adjicitur, venditor sub-
jecerit (*jus fundi vel ædium deterius per se non factum*)
fundus vel ædes ab illa tantum servitute, quam ven-
ditor imposuerit, liberæ debebuntur *l. 169. & l. 126.*
b. tit. posterior enim conventionis lex servari debet.

AD L. XCI.

*Meorum & tuorum appellatione, actiones quoq;
contineri dicendum est.*

MEum est, quod in dominio meo est. Tuum,
quod tui dominij est. Sed & si quid ego vel tu
in actionibus habeamus, id meum vel tuum rectè
dicetur Meorum enim & tuorum appellatione etiā
actiones continentur *b. l. n.* Hinc qui omnia sua bo-
na heredi in testamento adscripsit, eaque per fidei-
commissum alteri restitui jussit, ut actiones quoque
restituerentur, voluisse censetur *l. 30. §. 1. ff. ad Trebell.*
Neq; id mirum, cum is qui actionem ad rem recu-
perandam habet, ipsam rem habere dicatur *l. n qui*
ff. de reg. jur.

AD L. XCII.

*Proximus est, quem nemo antecedit: Supremus
est, quem nemo sequitur.*

ET si proximus comparatione ultimi; supremus
autem vel ultimus comparatione primi ut pluri-
mum dicatur: Qua ratione *proximus* dicitur, quo
nemo prior est gradu, *supremus*, quo nemo gradu est
posterior *b. l. n.* Tamen in Leg. XII. tabb. is etiam
qui solus est, proximus vel supremus intelligitur *l. 155.*
b. tit. Inde, exempli causa, si in substitutione ita
scriptum sit; **Ei** qui supremus morietur, Titium sub

stituo, rectè Titius substitutus intelligitur, etiam unico l. 162. in pr. h. tit. l. 34. de vulg. subst. Quemadmodum in lege XII. tabb., ubi proximo hereditas defertur, sufficit, si vel unus sit. Illud notandum: Etsi Grammaticis *proximus* Superlativus sit, & idè ex natura sua Positivum præsupponere deberet l. ubi ff. de verb. oblig. Hoc tamen in jure non servari, sed quandoq; positivi significationem habere, à quo fiat comparativus proximior ut, in l. 1. §. si quis proximior ff. unde cogn.

AD L. XCIII.

Moventium, item mobilium appellatione idem significamus: Si tamen apparet, defunctum animalia duntaxat, quæ seipsa moverent, moventia vocasse: quod verum est.

REs alias esse mobiles, alias verò immobiles sive soli: & has ab illis multum differre, non est incognitum. Sed an & quomodo res moventes à mobilibus distinguantur? obscurius est. Celsus hoc loco illa duo confundit, quasi nihil discriminis sit inter *moventia* & *mobilia*: Sed testatoris mentem potius, quàm proprietatem verborum ipsius secutus. Proinde *moventibus* legatis omnia mobilia debebuntur, si appareat testatorem *moventia* illa etiam dixisse, quæ propriè mobilia dicuntur h. e. quæ seipsa moverent, ut hoc loco Jctus loquitur. Et quod usus promiscuè has voces usurpet, non solum patet ex h. l. n. sed & ex l. ult. de donat. l. Titia 48. de solut. l. si fidejussor 2. §. fin. Qui satisd. cog. l. à Divopio 15. §. in venditione 2. de re judic. l. 1. §. 1. de rei vindicat. cum similib.

AD

AD L. XCIV.

Verbum reddendi quanquam significatum habet retro dandi; recipit tamen & per se dandi significationem.

SI verbi *reddere* proprietatem intuearis, *Reddere* nihil aliud est, quàm id quod datum est retrò dare, ut in deposito, commodato, pignore, &c. & à verbo *dare* longè differt: Quippe quod *dare* propriè sit de suo dare *l. 1. §. eleganter ff. depositi*. Hinc si servus qui C. ad negotiandum acceperat, sub ea conditione liber esse iussus sit, *si centum daret heredi*, centum illis, quæ ad negotiandum acceperat, additis, non videtur conditionem implevisse: Reddidit enim centum h. e. quæ data erant restituit; non etiam dedit centum de suo *l. 39. §. 2. de stat. liber*. Et hæc de propria verbi *reddere* significatione vera sunt: Extra quam *reddere* etiam is dicitur, qui dare iussus erat *ut h. l. n.* Hinc si ita in testamento scriptum sit, Heres meus damnus esto Lucio Titio Stichum servum meum reddere *l. 100. ff. de legat. 3.* heres liberatur dando Stichum, etiam si is antea heredi traditus non fuerit: quia sc. qui reddere jubetur, simul & dare jubetur *d. l. 100.*

AD L. XCV.

Potest reliquorum appellatio & universos significare.

HÆC lex pertinet ad legatum optionis. Nam si testator quinque; fortè servos habens, ita scripserit; Titio & servis meis quinque; optionem relinquo. ceteros Pamphilo do, lego; Si Titius servum optare &

G

ali.

eligere nolit, omnes quinque; Pamphili erunt. Ceterorum enim & reliquorum appellatione etiam omnes continentur, ut Marcellus ait *l. 160. inf. b. tit.*

AD L. XCVI.

Littus est, quousque maximus fluctus à mari provenit: idque Marcum Tullium, cum arbiter esset, primum constituisse.

Quod in maris littore invenitur, nullius in bonis esse. atque adeo inventui cedere constat: quod enim nullius est, id naturali ratione occupanti conceditur. Sed quaeritur: quousque maris littus se extendat? Et definit Iustus *hoc loco*: littus esse, quousque maximus fluctus à mari provenit; sive quatenus maximus fluctus exæstuat, *b. l. n. & l. 112. eod.*

AD §. I.

Prædia dicimus aliquorum esse, non aliisque communiter habentium ea, sed vel alio aliud habente.

Res vel pro diviso, vel pro indiviso possidentur *l. 25. eod.* has communiter, illas divisim possidemus. Et illæ quidem propriè totum, hæ partes sunt. Sed tamen uti Servius existimat, res pro indiviso pars dici possunt *d. l. 15.* cujus responsi auctoritate defendi potest, prædia aliquorum dici, non tantum ea, quæ communiter possidentur, sed etsi alius aliud possideat: atque inde si prædia ad familiam Brutorum fortè pertinentia ex divisione paris vel diversi gradus agnati possideant, ita ut quilibet suum habeat, prædia illa nihilominus reliquorum esse, hæc ad illam familiam Brutorum pertinere dicemus.

AD L. XCVII.

Cum stipulamur, Quanta pecunia ex hereditate Titij ad te pervenerit: res ipsas quæ pervenerunt, non pretia earum spectare videmur.

QUAMVIS pecuniæ appellatione in speciali & propria significatione pecunia numerata intelligatur; tamen in hereditatis quæstione, & illa stipulatione, *Quanta pecunia ex hereditate Titij ad te pervenerit*, res ipsas hereditarias, non rerum pretia intelligimus; Aliud enim est res, longè aliud rei pretium l. 28. de novat. Et ita hereditate vendita ab herede, quia totum jus quod defunctus habuit, venditum fuit l. nihil aliud 24. h. tit. & defunctus, si ipse sua bona vendidisset, præcisè illa tradere coactus fuisset Paul. 1. sent. 13. §. alia autem 2. Instit. de donat: Idcirco & heres præcisè bona illa hereditaria bona tradere tenetur l. qui filij familias 14. §. fin. de hered. vel act. vend. l. quisquis 95. de legat. 3. adeoq; & stipulando emtor de corporibus tradendis, non de æstimatione eorum sensisse videri debet Godd. h. l. n. sub n. 1.

AD L. XCVIII.

Cum bisextum Kalendis est, nihil refert, utrum priore, an posteriore die qui natus sit, & deinceps sextum Kalendas ejus natalis dies est. Nam id biduum pro uno die habetur: sed posterior dies intercalatur, non prior. Ideo quo anno intercalatū non est, sexto Kalendas natus, cum bisextū Kalendis est, priorē diē natalē habet. Cato putat mensem intercalarem addititiū esse: omnesq; ejus dies pro momento temporis observat, extremoq; die mensis Februarij attribuit Quinius Mucius. Mensis autem intercalaris constat ex diebus viginti octo,

Cum

Cum annus 365. diebus & quadrante sive sex horis constaret, Julius Cæsar annum 365. diebus conclusit; & quadrantem quarto quoquo intercalavit & intervocavit ad sextum sc. Cal. Martij. Quo factum est, ut bini dies illo anno in sextum Cal. Mart. reperirentur, qui bissextus dicebatur, *ut hic*; ubi dum Jctus dicit: *Cum bissextum Kal. est*, nihil aliud significare vult, quàm cum sextus dies Cal. Martij bis in Calendario ponitur. Tractavit verò Celsus *lib. 39. Digest.* uti ex *l. 3. §. minorem ff. de minorib.* planissimum est, quæstionem illam de minore, qui bisexto natus est, utrum priorem aut posteriorem diem natalem habeat? Et quidem simpliciter respondet, Celsum *in d. §. minorem* diem sextum Cal. natalem ejus esse, neque referre, quod bissextus fuerit: nam illud biduum pro uno die numerari *ut hic*. Exempli causa: Nascitur quis anni intercalaris posteriori die, anno sequenti, qui non est intercalaris, quæritur, quomodo ejus dies natalis computandus sit? Dubitationem movet, quod posterior ille dies hoc anno non possit computari, cum nullus sit, atq; ideò quod nullum is diem natalem habere possit. Verùm quia bissextus ille pro uno die computatur, sequitur, eum qui posteriore anni bisextilis die natus est: Sexto Cal. Martij pro natali haberi *Alciat.* & *Godd. ad h. l.*

AD L. XCIX.

*Notionem accipere possumus, & cognitionem
& jurisdictionem.*

Notio

NOtio nomen generis est, & sub se cognitionem. ac jurisdictionem complectitur. Jurisdictio est notio, quæ jure magistratus competit *l. 1. in pr. de offic.* Magistratus est persona publica, quæ pro tribunali jus dicit. Cognitio nihil aliud est, quàm Prætoris decretum *l. 9. §. 1. de offic. procons.* Planè notionem non tantùm ad Magistratus, sed etiam ad alios judices quoscunq; sive ordinarios, sive delegatos, sive etiam arbitros pertinere, non est incognitum *l. 5. de re judic.*

AD §. I.

Continentes provincias accipere debemus eas, quæ Italiæ junctæ sunt; utputa Galliam: sed & provinciam Siciliam magis inter continentes accipere nos oportet, quæ modico freto Italia dividitur.

PROVINCIAE aliæ erant continentes, aliæ transmarinæ, Illæ quasi junctæ, hæ freto vel mari disjunctæ & separatae erant: Secundum quam definitionem, quin Gallia provinciis continentibus Italiæ adnumeranda sit, nulla dubitatio est. De Sicilia dubitari poterat: sed tamen quia modico freto tantùm dividitur, inter continentes accipi debet. Idq; vel eò magis, quod Insulae Italiæ sint ipsius Italiæ pars *l. 9. de judic.* Provinciae sunt, ad quas gubernandas Præsides à Principe mittebantur *tot. tit. de offic. Præsidis.* Distinctionem verò provinciarum ideò hoc refert Jctus, uti *ex §. seq.* apparet, quod aliter dilatio danda sit, si ex continentibus, aliter si ex transmarinis provinciis & locis instrumenta petuntur *l. 1. C. de dilat.*

AD

AD §. 2.

Instrumentorum appellatione qua comprehenduntur, perquam difficile erit separare. Quae enim propriae sint instrumenta, propter quae dilatio danda sit, inde dignoscemus, si in praesentiam personae, quae instruere possit, dilatio petatur: puta, qui actum gessit, licet in servitute, vel qui actor fuit constitutus: putem videri instrumentorum causa peti dilationem.

Dilatio petitur maximè instrumentorum & personarum exhibendarum gratiâ, item instruendi iudicis, & instruendae intentionis suae causâ, ut ex Provincijs Codices sive instrumenta adferantur *l. argentarium. de judic.* ut personae, quae instruere possint, producantur, ut *hic*. Difficile verò est, teste Ulpiano, instrumentum à personis separare; quia ea etiam, quae in personarum, quae instruere possint, praesentiam petitur dilatio, propter instrumenta plerumq; peti videtur, puta, ut personae testentur, se actum illud de quo instrumenta mentionem faciunt, gessisse. *Alciat. & Godd. ad h. l.* Caterum servus testimonij dictionem non habet: nam Terentio in *Phor. act. 2. sc. 1.* referente, servum hominum causas orare leges non sinunt. Dicendum est, hominem servum extrajudiciales actus peragere posse, & de ijs testimonium dicere non prohiberi liberum factum: nam tempus testimonij ferendi respicimus, ut quis rectè testimonium dicat *Godd. h. l. n. num. 5.*

AD L. C.

Speciosas personas accipere debemus clarissimas personas utriusq; sexus; item eorum, qui ornamentis senatorijs utuntur.

Spe-

Speciosas personas Jctus hoc loco accipiendas docet de clarissimis. Clarissimatus species dignitatis est. Non verò tantum speciosas personas accipimus tantum de ipsis, qui sua virtute clarissimatus dignitate gaudent, sed & de illis etiam qui aliorum dignitatis radijs splendent, sive masculi sint, sive foeminae, veluti liberi, uxores senatorum. Nam sic Ulpianus determinat de sexu utroq; , ut scilicet speciosae sint eadem ratione, qua & clarissimae l. fin. de senatorib. Imò & de illis asseverat, qui cum Senatotes non sint, ornamentis tamen Senatorijs utuntur; quae ornamenta Senatoria recenset Cujatius hic. Speciosae igitur personae dicuntur, quaecumq; in genere sub clarissimis continentur, & quidem utriusque sexus. Licet enim dignitates non sint sine munere publico l. 1. §. sed an id ib. de collat. cujus foeminae regulariter capaces non sunt l. 2. de reg. jur. tamen communicatur filiabus & foeminis intuitu patris & mariti l. foemina 8. ubi Faber de senat. l. mulieres 13. C. de dignita.

AD L. CI.

Inter stuprum & adulterium hoc interesse quidam putant, quod adulterium in nuptam, stuprum in viduam committitur: Sed lex Julia de adulterijs hoc verbo indifferenter utitur.

Stuprum & adulterium differunt inter se, sicut genus & species. Stupri enim appellatio generalior est, & adulterium tanquam speciem complectitur. Mart. Detrio ad l. transigere n. 119. C. de transact. Omne adulterium est stuprum; sed non vice versa; nisi adulterij voce abutaris, & speciem pro genere accipias.

pias. Neq; Modestinus *hoc loco* improbat eorum opinionem; qui diffetentiam inter stuprum & adulterium statuunt; sed tradit saltem eandem non usurpari in lege Julia; quia lex Julia utramq; vocem non solum stuprum, verum etiam adulterium generaliter accipit *l. hac verba 12. l. mariti 29. §. 1. ff. eod. l. Jul. de adult.*

AD §. I.

Divortium inter virum & uxorem fieri dicitur: repudium vero sponsæ remitti videtur: quod in uxoris personam non absurdè cadit.

Divortium ex eo dictum est, quod in diversas partes eant qui discedunt, *l. inter divortium 191. sup. h. tit.* Et est divortium, separatio inter maritos eo animo facta, ut nunquam redintegretur matrimonium: Si enim iracundiæ calore mulier abierit, & brevi reversa sit, divertisse non videtur *l. quidquid calore. de reg. jur.* Repudiari autem futurum matrimonium dicitur *d. l. inter 191.* unde repudium sponsæ remitti dicitur *b. l. n.* Et repudium nihil aliud est, quam sponsalium renunciatio; quamvis & in uxoris personam non absurdè cadat *ut hic.* Aliàs divortium & repudium differre videntur, ut genus & species: Omne divortium potest dici repudium, sed non vice versa, omne repudium etiam est divortium; cum repudium in specie acceptum, non quæsitum, sed quærendum sive futurum repudiet *l. 1. §. decretali 7. de success. edict. l. 15. potest. 18. de acquir. hered.* Non absurdè autem & in personam uxoris cadit; quoniam conjunctioni futura renunciatur, & conditioni

ditioni secundum formulam in repudijs usitatam :
Conditione tuâ non utor l. 2. de divort. conditione sc.
conventa de nuptijs. h. l. nost. ubi Godd. & Alciat.

AD §. 2.

*Verum est, morbum esse temporalem corporis
 imbecillitatem : Vitium verò perpetuum corporis impedi-*
mentum : Veluti si talum excussit : nam & luscus
utiq; vitiosus est.

Hic textus ad ædilitium edictum referri debet,
 quo servus vitiosus vel morbosus redhiberi
 jubetur. *l. n. §. 1. de ædilit. edict.* Morbus est tempo-
 ralis corporis imbecillitas. Vitium est perpetuum
 corporis impedimentum *h. l. n.* unde patet, utrumq;
 quidem corporis esse; sed *morbum* imbecillitatem es-
 se, *vitium* impedimentum : *morbum* esse temporale,
vitium verò perpetuum. Omnis quidem morbus est
 & vitium, cum omnis imbecillitas, quandiu est, etiã
 impedimentum sit; & perpetuum in se contineat
 etiam temporis particulas : sed sunt impedimenta si-
 ne imbecillitate, non temporalia tantum, sed etiam
 perpetua; consequenter vitia sine morbis : veluti si
 talum excussit, *h. e.* claudus sit; aut si luscus sit *Godd.*
h. l. n.

AD §. 3.

Servis legatis etiam ancillas deberi, quidam pu-
tant : quasi commune nomen utrumq; sexum
nominat.

Masculinum continet fœmininum *l. verbum hoc 1.*
sup. h. tit. l. pronuntiatio 195. pr. l. qui duos mulos
62. de legat. 3. ubi JC. Julianus ait : Semper sexus
masculinus fœmininum continet : inde servi appella-
tionis

Aliud est edere, aliud reddere rationes; illud minus, hoc plus & majus est. Nam & argentarius edere rationem videtur, etiamsi quod reliquum sit, apud eum, non solvat *h. l. n.* Illud consistit in disputatione & comparatione tantum; hoc non in computatione, sed etiam in pecuniæ datione. Illud est chartas tantum, in quibus rationes perscriptæ sunt, tradere, ut perlegantur; hoc est, non solum rationes legendas & computandas traditis, libris rationum, cautionum, instrumentorum, & omnium quæ ad eam rem pertinent, dare; sed etiam eò amplius reliqua solvere in solidum *l. non solum §. is qui reddere ff. de liberat. leg. l. Stichus §. argentarius ff. de stat. lib.* Solvere autem in effectu accipimus, ut non in folle tantum *h. e. in sacculo l. 3. §. 6. de stat. lib.* sed ut ad numerationem pecuniæ perveniat *l. 82. de condit. & demonstr.*

AD L. XC.

Qui, uti optima maximæq; sunt, ædes tradit: non hoc dicit, servitutem illis deberi: sed illud solum, ipsas ædes liberas esse, hoc est, nulli servire.

Pertinet hæc lex ad ædium venditionem, hac lege, uti optima maximæq; sint, factan. Quæ venditionis lex eum habet effectum, ut ædes liberæ & immunes ab omni servitute præstentur, non etiam ut jus aliquod sive servitutem sibi acquisitam habeant, *h. l. n.* Eadem ratio est fundi, cæterarumq; rerum venditarum *l. 59. de contrab. empt.* Procedunt hæc tam in contractibus ut *h. l. & d. l. 58.* quam in legatis *l. 63. §. 3. de legat. 1.* Planè si dum hæc lex (uti opti-

optimus maximusq; est fundus) adjicitur, venditor sub-
jecerit (*jus fundi vel ædium deterius per se non factum*)
fundus vel ædes ab illa tantum servitute, quam ven-
ditor imposuerit, liberæ debebuntur *l. 169. & l. 126.*
b. tit. posterior enim conventionis lex servari debet.

AD L. XCI.

*Meorum & tuorum appellatione, actiones quoq;
contineri dicendum est.*

MEum est, quod in dominio meo est. Tuum,
quod tui dominij est. Sed & si quid ego vel tu
in actionibus habeamus, id meum vel tuum rectè
dicetur Meorum enim & tuorum appellatione etiā
actiones continentur *b. l. n.* Hinc qui omnia sua bo-
na heredi in testamento adscripsit, eaque per fidei-
commissum alteri restitui jussit, ut actiones quoque
restituerentur, voluisse censetur *l. 30. §. 1. ff. ad Trebell.*
Neq; id mirum, cum is qui actionem ad rem recu-
perandam habet, ipsam rem habere dicatur *l. i. qui
ff. de reg. jur.*

AD L. XCII.

*Proximus est, quem nemo antecedit: Supremus
est, quem nemo sequitur.*

ET si proximus comparatione ultimi; supremus
autem vel ultimus comparatione primi ut pluri-
mum dicatur: Qua ratione *proximus* dicitur, quo
nemo prior est gradu, *supremus*, quo nemo gradu est
posterior *b. l. n.* Tamen in Leg. XII. tabb. is etiam
qui solus est, proximus vel supremus intelligitur *l. 155.
b. tit.* Inde, exempli causa, si in substitutione ita
scriptum sit; *Ei qui supremus morietur, Titium sub*
stituo

stituo, rectè Titius substitutus intelligitur, etiam unico *l. 162. in pr. h. tit. l. 34. de vulg. subst.* Quemadmodum in lege XII. tabb., ubi proximo hereditas defertur, sufficit, si vel unus sit. Illud notandum: Etsi Grammaticis *proximus* Superlativus sit, & idè ex natura sua Positivum præsupponere deberet *l. ubi ff. de verb. oblig.* Hoc tamen in jure non servari, sed quandoq; positivi significationem habere, à quo fiat comparativus proximior ut, in *l. 1. §. si quis proximior ff. unde cogn.*

AD L. XCIII.

Movementum, item mobilium appellatione idem significamus: Si tamen apparet, defunctum animalia duntaxat, quæ seipsa moverent, moventia vocasse: quod verum est.

Res alias esse mobiles, alias verò immobiles five soli: & has ab illis multum differre, non est incognitum. *Sed an & quomodo res moventes à mobilibus distinguantur?* obscurius est. Celsus hoc loco illa duo confundit, quasi nihil discriminis sit inter *moventia & mobilia*: Sed testatoris mentem potius, quàm proprietatem verborum ipsius secutus. Proinde *moventibus, legatis omnia mobilia debebuntur, si appareat testatorem moventia illa etiam dixisse, quæ propriè mobilia dicuntur h. e. quæ seipsa moverent, ut hoc loco Jctus loquitur.* Et quod usus promiscuè has voces usurpet, non solum patet ex *h. l. n. sed & ex l. ult. de donat. l. Titia 48. de solut. l. si fidejussor 2. §. fin. Qui satid. cog. l. à Divopio 15. §. in venditione 2. de re judic. l. 1. §. 1. de rei vindicat. cum similib.*

AD

AD L. XCIV.

Verbum reddendi quanquam significatum habet retro dandi; recipit tamen & per se dandi significationem.

SI verbi *reddere* proprietatem intuearis, *Reddere* nihil aliud est, quàm id quod datum est retrò dare, ut in deposito, commodato, pignore, &c. & à verbo *dare* longè differt: Quippe quod *dare* propriè sit de suo dare *l. 1. §. eleganter ff. depositi*. Hinc si servus qui C. ad negotiandum acceperat, sub ea conditione liber esse jussus sit, *si centum daret heredi*, centum illis, quæ ad negotiandum acceperat, additis, non videtur conditionem implevisse: Reddidit enim centum h. e. quæ data erant restituit; non etiam dedit centum de suo *l. 39. §. 2. de stat. liber*. Et hæc de propria verbi *reddere* significatione vera sunt: Extra quam *redidisse* etiam is dicitur, qui dare jussus erat *ut h. l. n.* Hinc si ita in testamento scriptum sit, Heres meus damnus esto Lucio Titio Stichum servum meum reddere *l. 100. ff. de legat. 3.* heres liberatur dando Stichum, etiam si is antea heredi traditus non fuerit: quia sc. qui reddere jubetur, simul & dare jubetur *d. l. 100.*

AD L. XCV.

Potest reliquorum appellatio & universos significare.

HÆC lex pertinet ad legatum optionis. Nam si testator quinq; fortè servos habens, ita scripserit; Titio & servis meis quinq; optionem relinquo. ceteros Pamphilo do, lego; Si Titius servum optare &

eligere nolit, omnes quinque Pamphili erunt. Ceterorum enim & reliquorum appellatione etiam omnes continentur, ut Marcellus ait *l. 160. inf. b. tit.*

AD L. XCVI.

Littus est, quousque maximus fluctus à mari provenit: idque Marcum Tullium, cum arbiter esset, primum constituisse.

Quod in maris littore invenitur, nullius in bonis esse. atque adeo inventui cedere constat: quod enim nullius est, id naturali ratione occupanti conceditur. Sed quaeritur: quousque maris littus se extendat? Et definit J Ctus *hoc loco*: littus esse, quousque maximus fluctus à mari provenit; sive quatenus maximus fluctus exaestuât, *b. l. n. & l. 112. eod.*

AD §. I.

Prædia dicimus aliquorum esse, non utique communiter habentium ea, sed vel alio aliud habente.

Res vel pro diviso, vel pro indiviso possidentur *l. 25. eod.* has communiter, illas divisim possidemus. Et illæ quidem propriè totum, hæ partes sunt. Sed tamen uti Servius existimat, res pro indiviso pars dici possunt *d. l. 15.* cujus responsi auctoritate defendi potest, prædia aliquorum dici, non tantum ea, quæ communiter possidentur, sed etsi alius aliud possideat: atque inde si prædia ad familiam Brutorum fortè pertinentia ex divisione paris vel diversi gradus agnati possideant, ita ut quilibet suum habeat, prædia illa nihilominus reliquorum esse, h. e. ad illam familiam Brutorum pertinere dicemus.

AD

AD L. XCVII.

*Cum stipulamur, Quanta pecunia ex hereditate Titij ad te pervenerit: res ipsas quæ per-
benerunt, non pretia eorum spectare
videmur.*

QUAMVIS pecuniæ appellatione in speciali & propria significatione pecunia numerata intelligatur; tamen in hereditatis quæstione, & illa stipulatione, *Quanta pecunia ex hereditate Titij ad te pervenerit*, res ipsas hereditarias, non rerum pretia intelligimus; Aliud enim est res, longè aliud rei pretium l. 28. de novat. Et ita hereditate vendita ab herede, quia totum jus quod defunctus habuit, venditum fuit l. nihil aliud 24. h. tit. & defunctus, si ipse sua bona vendidisset, præcisè illa tradere coactus fuisset Paul. 1. sent. 13. §. alie autem 2. Instit. de donat: Idcirco & heres præcisè bona illa hereditaria bona tradere tenetur l. qui filij familias 14. §. fin. de hered. vel act. vend. l. quisquis 95. de legat. 3. adeoq; & stipulando emtor de corporibus tradendis, non de æstimatione eorum sensisse videri debet Godd. h. l. n. sub n. 1.

AD L. XCVIII.

Cum bisextum Kalendis est, nihil refert, utrum priore, an posteriore die quis natus sit, & deinceps sextum Kalendas ejus natalis dies est. Nam id biduum pro uno die habetur: sed posterior dies intercalatur, non prior. Ideo quo anno intercalatū non est, sexto Kalendas natus, cum bisextū Kalendis est, priorē diem natalē habet. Cato putat mensem intercalarem additū esse: omnesq; ejus dies pro momento temporis observat, extremoq; die mensis Februarij attribuit Quintus Mucius. Mensis autem intercalaris constat ex diebus viginti octo,

Cum

Cum annus 365. diebus & quadrante five sex horis constaret, Julius Cæsar annum 365. diebus conclusit; & quadrantem quarto quoquo. intercalavit & intervocavit ad sextum sc. Cal. Martij. Quo factum est, ut bini dies illo anno in sextum Cal. Mart. reperirentur, qui bissextus dicebatur, *ut hic*; ubi dum Jctus dicit: *Cum bissextum Kal. est*, nihil aliud significare vult, quàm cum sextus dies Cal. Martij bis in Calendario ponitur. Tractavit verò Celsus *lib. 39. Digest.* uti ex *l. 3. §. minorem ff. de minorib.* planissimum est, quæstionem illam de minore, qui bisexto natus est, utrum priorem aut posteriorem diem natalem habeat? Et quidem simpliciter respondet, Celsum *in d. §. minorem* diem sextum Cal. natalem ejus esse, neque referre, quod bissextus fuerit: nam illud biduum pro uno die numerari *ut hic*. Exempli causa: Nascitur quis anni intercalaris posteriori die, anno sequenti, qui non est intercalaris, quæritur, quomodo ejus dies natalis computandus sit? Dubitationem movet, quod posterior ille dies hoc anno non possit computari, cum nullus sit, atq; ideò quod nullum is diem natalem habere possit. Verùm quia bissextus ille pro uno die computatur, sequitur, eum qui posteriore anni bisextilis die natus est: Sexto Cal. Martij pro natali haberi *Alciat. & Godd. ad b. l.*

AD L. XCIX.

*Notionem accipere possumus, & cognitionem
& jurisdictionem.*

Notio

NOtio nomen generis est, & sub se cognitionem, ac jurisdictionem complectitur. Jurisdictio est notio, quæ jure magistratus competit *l. 1. in pr. de offic.* Magistratus est persona publica, quæ pro tribunali jus dicit. Cognitio nihil aliud est, quàm. Prætoris decretum *l. 9. §. 1. de offic. procons.* Planè notionem non tantum ad Magistratus, sed etiam ad alios judices quoscunq; sive ordinarios, sive delegatos, sive etiam arbitros pertinere, non est incognitum *l. 5. de re judic.*

AD §. I.

Continentes provincias accipere debemus eas, quæ Italiæ junctæ sunt; ut puta Galliam: sed & provinciam Siciliam magis inter continentes accipere nos oportet, quæ modico freto Italia dividitur.

PROVINCIAE aliæ erant continentes, aliæ transmarinæ, Illæ quasi junctæ, hæ freto vel mari disjunctæ & separatæ erant: Secundum quam definitionem, quin Gallia provinciis continentibus Italiæ adnumeranda sit, nulla dubitatio est. De Sicilia dubitari poterat: sed tamen quia modico freto tantum dividitur, inter continentes accipi debet. Idq; vel eò magis, quod Insulæ Italiæ sint ipsius Italiæ pars *l. 9. de judic.* Provinciæ sunt, ad quas gubernandas Præsides à Principe mittebantur *tot. tit. de offic. Præsidis.* Distinctionem verò provinciarum ideò hoc refert JCTus, uti *ex §. seq.* apparet, quod aliter dilatio danda sit, si ex continentibus, aliter si ex transmarinis provinciis & locis instrumenta petuntur *l. 1. C. de dilat.*

AD

AD §. 2.

Instrumentorum appellatione qua comprehenduntur, perquam difficile erit separare. Quæ enim propriæ sint instrumenta, propter quæ dilatio danda sit, inde dignoscemus, si in præsentiam personæ, quæ instruere possit, dilatio petatur: puta, qui actum gessit, licet in servitute, vel qui actor fuit constitutus: putem videri instrumentorum causa peti dilationem.

Dilatio petitur maximè instrumentorum & personarum exhibendarum gratiâ, item instruendi iudicis, & instruendæ intentionis suæ causâ, ut ex Provincijs Codices sive instrumenta adferantur *l. argentarium. de judic.* ut personæ, quæ instruere possint, producantur, ut *hic*. Difficile verò est, teste Ulpiano, instrumentum à personis separare; quia ea etiam, quæ in personarum, quæ instruere possint, præsentiam petitur dilatio, propter instrumenta plerumq; peti videtur; puta, ut personæ testentur, se actum illud de quo instrumenta mentionem faciunt, gessisse. *Alciat. & Godd. ad h. l.* Cæterum servus testimonij dictionem non habet: nam Terentio in *Phor. act. 2. sc. 1.* referente, servū hominū causas orare leges non sinunt. Dicendum est, hominem servum extrajudiciales actus peragere posse, & de ijs testimonium dicere non prohiberi liberum factum: nam tempus testimonij ferendi respicimus, ut quis rectè testimonium dicat *Godd. h. l. n. num. 5.*

AD L. C.

Speciosas personas accipere debemus clarissimas personas utriusq; sexus; item eorum, qui ornamentis senatorijs utuntur.

Spe-

Speciosas personas Jctus hoc loco accipiendas docet de clarissimis. Clarissimus species dignitatis est. Non verò tantum speciosas personas accipimus tantum de ipsis, qui sua virtute clarissimus dignitate gaudent, sed & de illis etiam qui aliorum dignitatis radijs splendescunt, sive masculi sint, sive foeminae, veluti liberi, uxores senatorum. Nam sic Ulpianus determinat de sexu utroq; , ut scilicet speciosae sint eadem ratione, qua & clarissimae l. fin. de senatorib. Imò & de illis asseverat, qui cum Senatores non sint, ornamentis tamen Senatorijs utuntur; quae ornamenta Senatoria recenset Cujatius hic. Speciosae igitur personae dicuntur, quaecumq; in genere sub clarissimis continentur, & quidem utriusque sexus. Licet enim dignitates non sint sine munere publico l. 1. §. sed an id ib. de collat. cujus foeminae regulariter capaces non sunt l. 2. de reg. jur. tamen communicatur filiabus & foeminis intuitu patris & mariti l. foemina 8. ubi Faber de senat. l. mulieres 13. C. de dignit.

AD L. CI.

Inter stuprum & adulterium hoc interesse quidam putant, quod adulterium in nuptam, stuprum in viduam committitur: Sed lex Julia de adulterijs hoc verbo indifferenter utitur.

Stuprum & adulterium differunt inter se, sicut genus & species. Stupri enim appellatio generalior est, & adulterium tanquam speciem complectitur. Mart. Detrio ad l. transigere n. 119. C. de transact. Omne adulterium est stuprum; sed non vice versa; nisi adulterij voce abutaris, & speciem pro genere accipias.

ditioni secundum formulam in repudijs usitatam :
Conditione tuâ non utor l. 2. de divort. conditione sc.
conventa de nuptijs. h. l. nost. ubi Godd. & Alciat.

AD §. 2.

*Verum est, morbum esse temporalem corporis
 imbecillitatem : Vitium verò perpetuum corporis impedi-*
mentum : Veluti sit alium excussit : nam & luscus
utiq. vitiosus est.

Hic textus ad ædilitium edictum referri debet,
 quo servus vitiosus vel morbosus redhiberi
 jubetur. *l. 1. §. 1. de ædilit. edict.* Morbus est tempo-
 ralis corporis imbecillitas. Vitium est perpetuum
 corporis impedimentum *h. l. n.* unde patet, utrumq;
 quidem corporis esse; sed *morbum* imbecillitatem es-
 se, *vitium* impedimentum : *morbum* esse temporale,
vitium verò perpetuum. Omnis quidem morbus est
 & vitium, cum omnis imbecillitas, quandiu est, etiã
 impedimentum sit; & perpetuum in se contineat
 etiam temporis particulas : sed sunt impedimenta si-
 ne imbecillitate, non temporalia tantum, sed etiam
 perpetua; consequenter vitia sine morbis : veluti si
 talium excussit, h. e. claudus sit, aut si luscus sit *Godd.*
h. l. n.

AD §. 3.

Servis legatis etiam ancillas deberi, quidam pu-
tant : quasi commune nomen utrumq. sexum
nominat.

Masculinum continet fœmininum *l. verbum hoc 1.*
sup. h. tit. l. pronuntiatio 195. pr. l. qui duos mulos
62. de legat. 3. ubi JC. Julianus ait : Semper sexus
masculinus fœmininum continet : inde servi appel-
latio.

latione etiam ancilla venit; adeoq; servis legatis, etiam ancilla debetur *h. l. n. d. l. 1. & l. 40. §. 1. sup. h. tit. l. servi legati 18. de legat. 3.*

AD L. CII.

Derogatur legi, aut abrogatur: derogatur legi, cum pars detrahitur: abrogatur legi, cum prorsus tollitur.

L Ex aut rogatur *h. e.* fertur: aut abrogatur, hoc est, prorsus tollitur; aut obrogatur, *h. e.* mutatur aliquid ex prima lege; aut derogatur *h. e.* pars detrahitur; aut deniq; subrogatur *h. e.* adjicitur aliquid primæ legi, ut *hic & Ulp. in fragmentis tit. 1. Cujat. ad h. l.* omnia sc. legislatori ex usu Reip. sunt æstimanda. Igitur si animadvertit legem quampiã minus commodi eidem adferre & derogare, ei & abrogare, semper jus, fasq; fuit, modò evidens utilitas id suadeat *l. in rebus 2. de constit. Princ. ubi Coras.*

AD L. CIII.

Licet capitalis latinè loquentibus omnis causa existimationis videatur: tamen appellatio capitalis mortis vel amissionis civitatis intelligenda est.

Pœnæ capitales, licet propriè illæ sint, quæ capitibus pœnam inferunt, ut vivi crematio, ad furcam damnatio, capitis amputatio *l. 28. de pœnis.* Tamen appellatio capitalium pœnarum non tantum ad mortis pœnas, sed etiam amissionis civitatis, *h. e.* damnationis in metallum, & relegationis pœnam referenda est *d. l. 28.* Prior appellatio ad naturale, posterior ad civile hominis caput pertinet §. *cum autem 1. Inst. Quib. mod. jus pat. potest solv. l. verum est. §. societas*

cietas 10. vers. intereunt ff. pro socio l. 5. necem 4. §. si deportatus 2. de bon. libert.

AD L. CIV.

Natorum appellatio & ad nepotes extenditur.

Natorum appellatio æquè lata ut liberorum, de qua l. nurus 50. sup. h. tit. Adeoq; rectè hoc loco dicitur: *Natorum appellationem & ad nepotes extendi.* Quia quod Latinis est liberorum, id Græcis est τῶν τέκνων, natorum: & quod Latinis est filius, id Græcis est ὁ υἱός Godd. ad b. l. n. 1.

AD L. CV.

Modestinus respondet his verbis: libertis, libertabusq; meis, libertum libertæ testatoris non contineri.

Filiorum quidem appellatione, nepotes continentur l. iusta 201. l. liberorum 220. §. sed & Papyrius 1. §. præter hoc 3. h. tit. Non tamen liberti libertæq; appellatio continet libertum libertæ; tum quia libera persona obligationem sibi acquirit non alteri, in cuius dominio & potestate non est tot. tit. Instit. per quas personas cuiq; acquir. tum quia illa quæ specialem ac personæ cohærentem habent rationem, personam non egrediuntur, ex quorum numero est jus patronatus l. licet 58. h. tit. l. liberi patroni ff. de assign. libert. l. licet 7. de obseq. parentib. & patronis præst. Hoc enim ob meritum manumittenti conceditur: igitur personæ, non causæ jus est. Liberti itaq; mei libertus, non est meus libertus h. l. n. Quemadmodum nec socius mei socij. socius meus dici potest l. consilij 9. fin. de reg. jur. Cujus legis autoritate Interpretes

cunt; Vasallum mei vasalli non posse vasallum meum dici.

AD L. CVI.

Dimissoriae literae dicuntur, quae vulgò apostoli dicuntur; Dimissoriae autem dictae, quod causa ad eum, qui appellatus est, dimit-

titur.

SI quis litigantium sententiâ judicis inferioris se putaverit gravatum, ei licet appellare ad judicem superiorem *l. Imperator 25. ff. de appellat.* Illæ autem literæ quæ dantur ab eo, à quo appellatum est, ad judicem superiorem, sive eum qui de appellatione cogniturus est, dicuntur *literae dimissoriae*: quæ in *h. l. n.* primò per aliud verbum notius explicantur, dum JC. dicit, vulgò appellari *Apostolos l. eos qui 6. § fin. C. de appellat.* Deinde explicantur derivatione; dicta enim sunt à dimittendo, quod causa ad eum, qui appellatus est, dimittat *h. l. n.* Nam Apostoli nunciij *ἀποστολὴ* ἰσ̄ ἀποστέλλειν, quod est remittere. *Alciat. ad h. l. n. 1.* Et quidem Apostoli in eum finem sunt inventi, ut innotescat superiori, ad quem appellatur, judicem à quo appellatur, dimisisse à jurisdictione sua appellantem *Octav. Vestius in pract. sua libr. 7. cap. 3. num. 32.*

AD L. CVII.

Ad signare libertum, hoc est, testificare, cujus ex liberis libertum eum esse voluit.

PECULIARI jure hæc potestas parentibus data. ut ipsis liceat uni ex liberis, quos parens in potestate habet, assignare libertum, ut ille ejusq; liberi in bo-

nis

nis ipsius succedant *Instit. tot. tit. de adsign. liberr.* Ejusmodi assignationem JC. definit testificationem, cujus ex liberis libertum cum esse velit *h. l. n.* Non igitur tantum is, cui libertus assignatus est, patronus fit, sed & reliqui liberi omnes pro patronis habentur *l. 3. §. si capti ff. de bonis libert.* Quod eò pertinet, ut si fortè is cui libertus adsignatus est, jus patronatus morte vel qua alia ratione amittat, reliqui fratres jus patronatus consequantur.

AD L. CVIII.

Debitor intelligitur is, à quo invito exigi pecunia potest.

Creditor & debitor sunt correlata. Ergò ex definitione creditoris in *l. 10. sup. h. tit.* debitoris quoque definitio facilè resolvitur, ut sc. debitor sit is à quo invito exigi pecunia possit *h. l. n.*

AD L. CIX.

Bonæ fidei emtor esse videtur, qui ignoravit eam rem alienam esse, aut putavit eum, qui vendidit, jus vendendi habere, puta, procuratorem aut tutorem esse.

Bonæ fidei emtor est is, qui vel ignorat rem quam emit alienam esse, vel scit quidem alienam esse, sed tamen eum qui vendit, jus putavit habere vendendi, puta, procuratorem, tutorem, curatorem esse. Non ergò omnis rei alienæ scientia est mala fides, uti Cujatius docet *18. Observ. 28.* Hujus legis argumento definire possumus bonæ fidei possessorem eum esse, qui ignorat rem quam possidet alienam esse; vel eum à quo possessionem nactus est, jus possessionis transferendæ habuisse putat. Cujat. *ad l. & generaliter 28. de noxal. act. & tract. 7. ad Afric.* Ad

Sequester dicitur, apud quem plures eandem rem, de qua controversia est, deposuerunt: dictus ab eo, quod occurrenti aut quasi sequenti eos qui contendunt, committitur.

Jctus tradit hoc loco sequestris definitionem, eamq; Nominis & Rei. Nominis hæc est: sequestrem dici ab eo, quod occurrat & quasi sequatur eos qui contendunt. Rei illa est: sequestrem dici apud quem plures eandem rem, de qua controversia est, deposuerunt. Notandum autem est: Occurrere & sequi à Jcto in hac lege non accipi pro diversis, sed alterius esse antecedens & consequens. Occurrere enim hoc in loco nihil aliud est, quàm ultrò se offerre, & obviam ire voluntati partium, illarumq; voluntatem acceptare. Cum igitur partis utriusq; sequatur voluntatem sequester, occurrere dicitur, & quasi eos, qui contendunt, sequi. Et dum sequitur voluntatem partium, occurrat earum voluntati. *Forner. ad h.l.*

AD L. CXI.

Censeri est constituere & præcipere; unde etiam dicere solemus: Censeo hoc facias; & semel aliquid censuisse. Inde censoris nomen videtur esse tractum.

Censere nihil aliud est quàm suam sententiam explicare: Inde ita censeo, h. e. ita judico. Qua ratione olim Senatores, si sententiam suam, quam rogati erant dicere, exposuissent, censisse dicebantur. Et hæc est vera verbi censere significatio. Sed posteritas censere etiam dixit eum, qui quid præciperet vel mandaret. Inde censorum nomen appellatur. Qui
censor

ensor, quid singuli civium census nomine quinto quoquo anno exsolvere tenerentur, censebat & præcipiebat. Deniq; censere, de moribus dicimus: & inde morum censor. *Cujat. 24. obs. 7.*

AD L. CXII.

Littus publicum est eatenus, quæ maximè fluvius exasquant, idem juris est in latu, nisi si totus privatus sit.

HOc in loco definitur littus publicum potissimè ratione lacus; ut ostendat Jctus idem juris esse in eo, quod in littore; quod ratio eadem subsit: Ideoq; & lacum publicum esse, quæ is maximè excurrit *Cujat. h. l.* Excipit Jctus lacum privatum. Is enim jure privatorum censetur, nec littoris, sed ripæ privatæ jure censetur, quæ arbitrio possessoris constituitur & mutatur *l. Rutilia Polla 69. de contrah. emt. l. unic. §. si privata 2. ut in flum. publ. Godd. ad h. l. n.*

AD L. CXIII.

Morbus Sonticus est, qui cuiq; rei nocet.

Judicium varijs de causis differri potest; Et non tantum ob litigantium, sed & judicis morbum Sonticum *l. judex ff. de re judic.* Judicium differtur vel diffunditur, ut ait *l. 2. §. 3. ff. si quis cautionib.* Dicitur autem morbus Sonticus, qui cuiq; rei nocet, h. e. qui cuiq; rei agendæ impedimento est *l. quæsitum 60. de re judic.* quò minus quis præstare esse, & negotium tractare possit: cujusmodi est furor *d. l. judex.* febris *d. l. quæsitum.* Et reliqui morbi omnes, qui ad res gerendas homines inidoneos faciunt. *Cujat. ad h. l. n.*

AD L. CXIV.

Solvendo esse nemo intelligitur, nisi qui solidum potest solvere.

Solutio est ejus rei quæ debetur in eum, cui solvitur, rectè ab alienatio perfecta à debitore, aut alio ejus nomine facta. Dicitur *ejus rei quæ debetur* : ubi totius rei debitæ satisfactionem intelligimus : Solvisse enim non videtur, nisi qui solvit solidum, h. e. integram rei, quam debet, & cujus periculum sustinet, æstimationem *S. fulloni & S. seq. Instit. de obligat. quæ ex delict. l. itaq. 12. de furt.* Solidum autem debitum non tantum ex re ipsa *S. minus Instit. de act. sed etiam ex tempore æstimamus l. 10. sup. h. tit.* Deniq; dicitur in definitione, vel alio ejus nomine facta : Nemo enim dubitat solvendo fuisse eum, cujus nomine alius solvit *l. nemo ff. de reg. jur.*

AD L. CXV.

Questio est, fundus à possessione vel agro, vel prædio quid distet? Fundus est omne quicquid solo tenetur: ager est, si species fundi ad usum hominis comparatur: possessio ab agro juris proprietate distat: quicquid enim apprehendimus, cujus proprietate ad nos non pertinet, aut nec potest pertinere; hoc possessionem appellamus. Possessio ergo usus, ager proprietate loci est. Prædium utriusq; supra-scriptæ generale nomen est. Nam & ager & possessio hujus appellationis species sunt.

Fundus generale nomen est, continens omne, quicquid solo continetur, etiam si usui non sit homini, ut sunt loca deserta *Cujat. h.* Fundus igitur vel usui est homini, ejusmodi est prædium; vel non est usui. Prædium rursus vel nostrum est, & tunc si sine villa est,

est, ager dicitur *b. l. n.* vel alienum est, & nos domini proprietarii non sumus, nec esse possumus, ut qui agrum vectigalem vel municipum conduxit, vel agrum Emphyteuticum comparavit *l. i. & seq. si ager vectig. l. hi penes 4. l. per colonum 17. C. de agric. & censit. & tunc possessio appellatur. Godd. & Alciat. b. l.*

AD L. CXVI.

Quisquis mihi alius filij filiusve heres sit:

Labeo non videri filiam contineri; Proculus contra: mihi Labeo videtur verborum figuram sequi, Proculus mentem sententis, Respondit, non dubito, quin Labeonis sententia vera sit.

Filiorum appellatione continentur & filiae, non, alia ratione, quam quâ masculinum porrigitur ad sexum utrumq; de quo in *l. i. sup. b. tit.* ubi traditur, quod regulariter masculino sermone continetur sexus foemininus, etiam in poenalibus & odiosis *d. l. i. & l. pronuntiatio, b. tit.*

AD L. CXVII.

Non potest videri minus solvisse is, in quem amplioris summae (h. e. sortis) actio non com. petit.

Illam rem propriè debere dicimur, quæ à nobis per actionem peti potest *s. i. Inst. de act.* Quare minus solvisse non potest dici, adversus quem amplioris summae sive sortis petitio non est *b. l. n. E. G.* Quidam cum naturaliter rem unam, & civilem rem aliam deberet, eam quam civiliter debebat exsolvit: Is respectu naturalis debiti minus solvisse dici non potest; cum ob naturale debitum actio nulla detur. Aliud exemplum ponit Alciatus *hic: Petisti*

à me centū, cum eo quod interest, & fructibus: Judex me in centum tantum condemnat: quæritur; utrum centum solutis minus solvisse dici possim? Negat id Alciatus *arg. b. l.* Cum enim id quod interest officio judicis, non autem actione petatur, sequitur in me amplioris summæ sive sortis actionem non esse. Et per consequens nec dici posse minus me solvisse *Godd. b. l. n.*

AD L. CXVIII.

Hostes hi sunt, qui nobis, aut quibus nos publice bellum decrevimus: ceteri latrones aut prædones sunt.

QUæ ex hostibus capimus, jure gentium statim nostra fiunt §. *item ea Instit. de rer. divis.* Quod jus reciprocum est etiam in cives Romanos, ut capti ab hostibus servi fiant, & omnia quæ juris gentium aut civilis sunt, amittant §. *si ab hostibus §. Inst. Quib. mod. jus patr. potest. solv.* Quæritur igitur, quinam hostes intelligendi? Qui scilicet nobis, h. e. populo Romano, vel quibus nos h. e. populus Romanus, publice bellum decrevimus ut *b. l. n.* Illi à veteribus perduelles appellabantur, ut per hanc adjectionem sciretur, cum quibus bellum esset *l. 232. h. tit.* Perduelliones enim rei judicabantur, qui adversus Pop. Roman. aliquid moliebantur hostili animo. Ab his latrones & prædones longè distant; quia illi aperto Marte cum Romanis configere parati erant; hi clam & inscijs Romanis vim inferebant, & damnum adferebant *b. l. n. ubi Cujat.*

AD

AD L. CXIX.

Hereditatis appellatio sine dubio etiam damnosam hereditatem continet: juris enim nomen est, sicut bonorum possessio.

LEx per se est plana. Hereditatis appellatio continet etiam damnosam hereditatem: quia hereditas nomen juris est, & sine ullo corpore intelligitur, & quamvis nulla res in eâ inveniatur, nec solvendo sit, tamen æri alieno nos obligat *l. more 8. de acq. hered. l. si de bonis 10. C. de jure delib.*

AD L. CXX.

Verbis legis duodecim tabularum his, uti legassit suæ rei, ita jus esto, latissima potestas tributa videtur, & heredes instituenti, & legata & libertates dandi, tutelas quoq; constituendi. Sed id interpretatione coangustatum est, vel legum, vel authoritate jura constituentium.

LEges in melius reformandi semper fuit potestas, si ex usu fuit Reipublicæ. Habuerunt autem & Romani causas maximi momenti, ob quas hanc legem XII. tabb. coangustarunt, ut legatum propriè nihil aliud sit, quàm donatio à defuncto relicta *§. 1. Inst. de legatis*. Dicit JCtus hoc interpretatione coangustatum esse, vel legum, vel authoritate jura constituentium. Per interpretationem legum intelligit Prætorum interpretationem. Prætor enim nihil aliud est, quàm legis XII. tabb. & totius juris civilis viva vox, quæ in interpretatione consistit. Per authoritatem verò jura constituentium, intelligit JCtorum authoritatem argumento eorum, quæ tradit Pomponius in *l. 2. §. 5. de orig. jur.* Addantur superius dicta ad *l. 80. h. tit.*

Ad

AD L. CXXI.

Usura pecunia quam percipimus, in fructu non est; quia non ex ipso corpore, sed ex alia causa est, id est, nova obligatione.

FRUCTUS rei dicitur, quod ex corpore ipsius nascitur, ut sunt frumenta, poma, item foetus pecudum, &c. l. item si 9. l. arboribus 12. de usufr. Atqui pecunia est res sterilis, & suapte natura nihil producit. Igitur nec usura fructus ejus dici potest; cum causam habeat extrinsecam, stipulationem nempe, vel alium contractum. Cui consequens est: eum qui ad fructus non tenetur, non teneri ad usuras Godd. ad h. l.

AD L. CXXII.

Servius ait, si ita scriptum sit, filio filijsq; meis hosce tutores do, masculis duntaxat tutores datos: quoniam singulari casu hoc, filio, ad pluralem videtur transisse, continentem eundem sexum, quem singularis prior positus habuisset. Sed hoc facti, non juris habet quaestionem: Potest enim fieri, ut singulari casu de filio senserit, deinde plenius omnibus liberis prosequisse in tutore dando voluerit: quod magis rationabile esse videtur.

IN hac lege JCTus ad quaestionis propositae qualitem se retulit. Testator ita dixit: *Filio filijsq; meis hosce tutores do*: Quaerebatur: An etiam filiabus tutores dedisse videretur? Resp. Patrem ideo à singulari ad pluralem transitum fecisse, ut eò magis appareret, omnibus filijs ex æquo ob naturalem amorem erga unumquemq; voluisse prospicere; ideoq; à justa interpretatione l. filij 84. h. tit. non recedendum. Godd. ad h. l. 7. Addantur scripta ad d. l. 84. eod. tit.

AD

AD L. CXXIII.

Verbum erit, interdum etiam prateritum, nec solum futurum tempus demonstrat: quod est nobis necessarium scire; & cum codicilli ita confirmati testamento fuerint, quod in codicillis scriptum erit, utrumne futuri temporis demonstratio fiat, an etiam prateriti, si antea scriptos codicillos quis relinquat? Quod quidem ex voluntate scribentis interpretandum est. Quemadmodum autem hoc verbum est, non solum præsens, sed & prateritum tempus significat: ita & hoc verbum erit non solum futurum, sed interdum etiam prateritum tempus demonstrat. Nam cum dicimus, Lucius Titius solutus est ab obligatione, & prateritum & præsens significamus; sicut hoc, Lucius Titius allegatus est. Et idem fit, cum ita loquimur, Troja capta est: non enim ad præsens facti demonstrationem refertur is sermo, sed ad prateritum.

Grammatica explicatio verborum *Est & Erit* extat apud Gellium lib. 17. Noct. Attic. cap. 7. De juridica interpretatione eorum verborum petatur ex l. oportebit 8. sup. h. tit. Et usum ejus in jure deducit Goddæus ad h. l. n. cæterum an verbum est & erit, futurum vel præsens tempus denotet; hoc ex voluntate scribentis interpretandum esse, Pomponius scribit h. l. n. Verba enim personis & rebus, non hæc verbis inservire debent l. ut nullo 28. C. de usur.

AD L. CXXIV.

Hæc verba, ille aut ille, non solum disjunctiva, sed etiam subdisjunctiva orationis sunt. Disjunctivum est, veluti cum dicimus, aut dies aut nox est: quorum posito altero, necesse est tolli alterum; item sublato altero, poni alterum. Ita simili figuratione verbum potest esse subdisjunctivum. Subdisjunctivi autem genera sunt duo: Unum, cum ex propositis finibus ita non potest uterq; esse, ut possit neuter esse; veluti

curam

cum dicimus, aut sedet, aut ambulat. Nam ut nemo potest utrumq; simul facere, ita aliquis potest neutrum, veluti is, qui accumbit. Alterius generis est, cum ex propositis finibus ita non potest neuter esse, ut possit utrumq; esse: veluti cum dicimus;

Omne animal aut facit, aut patitur. Nullum est enim, quod nec faciat, nec patiatur: ut potest simul & facere & pati.

CAjus aut Sempronius Liber, Tutor, vel Hæres esto. Uter ex his liber, tutor aut heres erit? an neuter? an uterq;? Nihil amplius proponitur quàm nuda particula, *aut*, ex cuius significatione statuatur de voluntate testatoris. Ista particulam Proculus non tantum esse disjunctivæ orationis voluit, sed & subdisjunctivæ. *Disjunctiva* oratio Proculo in h. l. est quoties disjunguntur immediatè contraria, quorum antecedenti posito aut sublato, tollatur aut ponatur consequens, & contra: veluti, posito die, negatur nox; negato die, ponitur nox. *Subdisjunctiva orationis genera Proculus duo facit: Primum* est contrariorum mediatorum, veluti cum dicimus: Plato aut sedet, aut ambulat. Potest enim accumbere, jacere; *Alterum genus* est oppositorum ad aliquid, seu relativè oppositorum, veluti cum dicimus: Omne animal aut facit, aut patitur: Actio & Passio relata sunt, ut ubi actio sit, ibi necessum sit in alio esse passionem. Idem verò respectu ejusdem agere & pati non potest; sed potest idem agere & pati diverso respectu. Si itaq;, quantum ad quæstionem modò propositam, Cajus & Sempronius in libertate, hereditate, aut tutela, contraria non sunt immediata vel mediata, nec relativè opposita, cum uterq;, vel neuter, vel unus eorum liber, heres, tutor esse possit, necessum

cessum erit, ut particula *aut* propriam disjungendi vim amittat, & pro conjunctione accipiat *arg. l. saepe 53. sup. h. tit.* quod ipsum in proposita quaestione, controversijs veterum amputatis expressè Justinianus constituit in *l. cum quadam 4. C. de verb. sign.*

AD L. CXXV.

Nepos Proculo suo salutem. Ab eo qui ita dotem promisit, Cum commodum erit dotis filiae meae, tibi erunt aurei centum; putasne protenus nuptiis factis dotem repeti posse? Quid si ita promississet, cum potuero, doti erunt? Quid si aliquam vim habeat posterior obligatio, possit, verbum quomodo interpretaris? Utrum ære alieno deducto, an extante? Proculus: cum dotem quis ita promisit, cum potuero, doti tibi erunt centum; Existimo ad id, quod actum est, interpretationem redigendam esse: nam qui ambigüe loquitur, id quod loquitur, quod ex his, quae significantur, sensit. Propius est tamen, ut hoc eum sensisse existimem; deducto ære alieno poterō. Potest etiam illa accipi significatio, cum salva dignitate mea poterō. Quae interpretatio eò magis accipienda est, si ita promissum est, cum commodum erit: hoc est, cum sine incommodo meo poterō.

DOS vel purè promittitur, vel in diem, five ex die & tempore, vel sub conditione; idq; multivariam, puta, cum nupseris, si Titio nupseris *l. 58. de jure dot.* vel, cum commodum erit, ut hîc, five commodissimum, ut est in *l. 79. §. 1. de jure dot.* Quæ conditionis forma, quomodo intelligenda sit, hoc loco à Proculo quaesitum est: qui respondit, Id quod actum est inter contrahentes sequendum esse, sed ita tamen, ut in quantum possit promissor, ære nimirum alieno deducto, doti constituat. Proprius & benignius promissionem illam ita intelligi debere, cum promissor

missor sine incommodo suo potuerit, vel cum salva dignitate poterit, *ut hic*, h.e. cum sine infamia & turpitudine dos dari poterit d. l. 79. §. 1. Godd. b. l. n. 2.

AD L. CXXVI.

Si cum fundum tibi darem, legem ita dixi: uti optimus maximusq; esset: & adjecti; jus fundi deterius factum non esse per dominum, præstabitur: amplius eo præstabitur nihil, etiamsi prior pars, qua scriptum est, uti optimus maximusq; sit, liberum esse significat: eog; si posterior pars adjecta non esset, liberum præstare deberem: tamen inferiore parte satis me liberatum puto, quod ad jura attinet, ne quid aliud præstare debeam, quam jus fundi per dominum deterius factum non esse.

V Endito, legato, aut promisso fundo, quæritur, quale præstandum erit? Et quidem si nihil additum sit, talis qualis esset, præstari debet l. cum venderes 59. de contrab. empt. & servitudes tacite sequuntur & accedunt l. pen. de evict. Quid autem si addatur; *uti optimus maximusq; esset: & adjiciatur; jus fundi deterius factum non esse per dominum h.l. n.* Clavula posterior priorem restringit ad personam dantis, ut intelligatur *optimus maximus*, non simpliciter, sed respectu domini, qui cum potuisset, non tamen imminuit jura fundi, sed talem, qualem accepit, tradit, per se dominum, optimum maximam h.l. n. & l. 90. sup. b. tit.

AD L. CXXVII.

Vestis appellatione tam virilis, quam muliebris & scenica, etiamsi tragica aut citharedica sit,
continetur.

Legatis aut promissis vestimentis, quid debebitur? Resp. *Vestis appellatione, tam virilis quam muliebris*

liebris & scenica continetur b. l. Vestis enim appellatio generalis est, etiam scenicas comprehendens *b. l. n. & l. vestis 23. de auro & arg. leg.* Igitur in dubio quoque generaliter accipienda. Aliud est, si ex circumstantiis colligi potest, testatorem de certo vestium genere sensisse *l. plenum 12. §. equitij 4. de usu & habit.* Quin & si circumstantia dissuadeat, ut si uxor marito, vel maritus uxori, omnium vestimentorum usumfructum legavit; illæ vestes, quibus maritus aut uxor sine dedecore uti non possit, exceptæ intelligentur: puta, in legato marito facto, omnes vestes tantum viriles; in legato marito facto, omnes vestes solæ muliebres *Godd. h. l. n. 3.*

AD L. CXXVIII.

Spadonum generalis appellatio est: quo nomine tam hi qui naturâ spadones sunt, item thlibia, thlasia: sed & si quod aliud genus spadonum est, continentur.

Spadonum appellatio est generalis & specialis. Generaliter spadones sunt, qui generare non possunt *§. 9. Instit. de adopt.* Et sunt vel castrati, vel non castrati *l. 39. §. si spadoni 1. de jure dot.* Castrati quasi castrati facti, & coeundi potentiâ omnino destituuntur *Alciat. h. n. 4. & 5.* Tales non tantum natura facit; sed etiam improbitas violenta *l. lege Cornelia 4. §. 2. ff. ad L. Cornel. de sicar.* Thlibia, quibus testes attriti, veluti in aqua calida *Alciat. h. n. 12.* Thlasia, quibus fructi contusi aut compressi. Echomia, quibus excisi: non naturâ tales sunt, sed à violentiâ, & vocantur nihilominus castrati *d. l. 4. l. si servus 27. §. 28. ff. ad L. Aquil.* Non castrati retinent nomen generis, I sunt;

suntq; qui licet actu generare non possint, tamen potentia omni non ita destituntur, ut nulla spes supersit, quin possint vitio sublato etiam generare: veluti si morbo aut alio aliquo vitio membris integris superveniente, usus generationis impediatur. Et hi non adoptant tantum, sed etiam nuptias contrahunt rectè d. §. 9. *Inst. de adopt.*

AD L. CXXIX.

Qui mortui nascuntur, neq; nati, neq; procreati videntur, quia nunquam liberi appellari potuerunt.

QUæstio est: An filij qui mortui nascuntur, pro natis vel procreatis haberi possint? Et respondetur, liberos non esse: nunquam scilicet liberi simpliciter appellari potuerunt, sed statim ut editi sunt, cum adjectione, nempe liberi mortui vocati sunt; id quod non trahendum est ad partus infirmos, tamen si statim moriantur *l. uxoris 2. C. de posth. hered. instit.* unde liquet, mulierem quæ mortuos edit liberos, pro orba habendam esse, h. e. decimâ parte eorum, quæ in testamento civis Romani ipsi relicta erant, privandam esse, quæ pars ad fiscum deferbatur *Godd. h. l. n.*

AD L. CXXX.

Lege obvenire hereditatem non improprie quis dixerit & eam, quæ ex testamento defertur: quia lege XII. tabb. testamentaria hereditates confirmantur.

QUæritur; an testamentaria successio sive hereditas dici possit proprie legitima? Resp. Esse legitimam non improprie. Sic etiam eleganter Cujatius

tius in penult. C. de legit. tutorib. inter proprium & improprium constituit aliquod medium, nempe, non improprium arg. l. 1. §. scientiam ff. de tribut. act. Godd. ad h. l. n. 5. Innuit itaq; Jctus testamentariam hereditatem etiam legitimam appellari posse, non absolutè, ut nec propriè, quia proxima causa est hominis disponentis voluntas; sed obliquè, quia remotior causa est lex confirmans Godd. h. l. n. 6.

AD L. CXXXI.

Aliud fraus est, aliud pœna: fraus enim sine pœna esse potest: pœna sine fraude esse non potest. Pœna est noxa vindicta: fraus & ipsa noxa dicitur, & quasi pœna quadam præparatio.

Differentia hoc loco proponitur inter fraudem & pœnam. Veteres quidem fraudem pro pœna ponere solebant Ulp. in l. cum autem §. excipitur ff. de edil. edict. Sed tamen quia in libris nostris aliter fraus, aliter pœna plerumque accipitur, Ulpianus differentias pœnæ à fraude proposuit duas h. l. n. Prima est à causa & effectu proprio. Fraus delictum est dolo commissum, cujus effectus pœna est: Altera differentia est à pœnæ fraudisq; definitione petita. Pœna, inquit, est noxæ vindicta h. e. ipsius pœnæ executio l. fin. de noxal. act. Fraus non ipsa pœna est, sed ipsa noxa h. e. delictum sine culpa noxa dicitur l. 4. de noxal. act. licet quasi pœnæ quadam sit præparatio, h. e. pœnam procreans, atq; hoc nomine pro pœna ponatur. Qui enim fraudem vel noxam committit, is pœnam præparat. Potest verò ex hoc textu probari, quòd ex delictis obligatio-

nes proficisci rectè dicantur, cum delinquens in pœnam consentire, & eam quasi præparare dicatur *Alciat. lib 4. h. tit. Godd. ad h. l.*

AD §. I.

Inter mulctam autem & pœnam multum interest; cum pœna generale sit nomen omnium delictorum coercitio: mulcta specialis peccati, cujus animadversio hodie pecuniaria est: pœna autem non tantum pecuniaria, verum capitis & existimationis irrogari solet, & mulcta quidem ex arbitrio ejus venit, qui mulctam dicit; pœna non irrogatur, nisi quæ quaq; lege, vel quo alio jure specialiter delicto imposita est: quinimò mulcta ibi dicitur, ubi specialis pœna non est imposita. Item is mulctam dicere potest, cui judicatio data est, magister atus solos & præsides Provinciæ posse mulctam dicere remandatis permissum est, pœnam autem unus quisq; irrogare potest, cui hujus criminis sive delicti executio competit.

VIsis illis, quæ ad differentiam fraudis ac pœnæ spectant, transit Ulpianus ad differentiam pœnæ ac mulctæ. Explosa enim est sententia eorum, qui pœnam & mulctam confundebant *l. 244. sup. h. tit.* Prima ergo differentia inter hæc vocabula est, quod pœnæ nomen & generale & speciale sit; mulctæ speciale tantum. Pœna est cujuscunq; noxæ vindicta; mulcta specialis coercitio peccati, quod Dd. vocant innominatum, quasi, quod nomen speciale & pœnam nominatim impositam non habeat *Alciat. h. l. n. 13. & seq.* Secunda differentia est in materia. Mulcta, inquit Ulpianus, *specialis delicti* (scilicet pœna est) *cujus animadversio hodie pecuniaria est; pœnæ autem non tantum pecuniaria, verum capitis & existimationis irrogari solet.* Mulcta igitur duntaxat est pecuniaria

niaria pœna, & in sola pecunia consistit: at pœna non solum est pecuniaria, verum etiam capitalis, & si quæ alia corporalis coërcitio, cujusmodi est fustigatio, relegatio, deportatio, ultimo supplicium *l. 1. l. 2. tot. tit. ff. & C. de pœn.* Tertia differentia est à causa efficiente principalii. *Mulcta*, inquit, *ex arbitrio ejus venit, qui mulctam dicit; pœna non irrogatur, nisi quæ quaq; lege, vel quo alio jure specialiter huic delicto imposita est.* unde patet; *mulctā* proprio mulctantis arbitrio, sine omni juris necessitate vel authoritate: *pœnam* autem reliquam omnem nequaquam punientis arbitrio mero, sed legis, *SCti*, constitutionis, consuetudinis, edictive, authoritate & jussu infligi *l. 1. §. 1. ff. ad SC. Turpill.* Quarta differentia consistit in jure ac potestate eorum, qui jus mulctandi puniendiq; habent. *Mulctam*, inquit, *is dicere potest, cui judicatio data est: pœnam autem unusquisq; irrogare potest, cui hujus criminis (quod puniendum est) sive delicti (quod propter privata addit) executio competit* *Alciat. Godd. ad h. l. n.*

AD L. CXXXII.

Annulus amittitur, qui extremo anni die moritur, & consuetudo loquendi id ita esse declarat.

INTER alia legis *Juliaë* & *Papiaë* capita hoc quoque fuit; ut Latini *Juniani*, qui jurassent prolis studio se liberas ducere uxores, filio filiave, nato natave, anniculo anniculave, facto factave, jus *Quiritum* consequerentur *Ulp. in fragm. tit. de latinis §. 2.* Quæsitum itaq; est, quis sit *Annulus*? *Annulus* seu

uniennis est infans unius anni. Pro diversa verò anni computatione, diversa videtur exinde & dubia anniculi definitio. Sed Paulus ex loquendi consuetudine vulgari *hic* probat, anniculum *in h. l.* esse, non statim, quando natus est, sed qui extremo die moritur. Nam cum hæc lex à populo lata sit, populariter etiam est interpretanda *arg. l. semper in stipulationibus, de reg. jur. Godd. h. l.*

AD §. 1.

Ante diem decimum Kalendarum, post diem decimum Kalendarum: neq; utro (*id est neutro*) enim sermone undecim dies significantur.

Pertinet hoc ad decimariam legis Julix & Papiæ partem, ubi constitutum erat, ut marito uxoris prodesse filius filixve communis post nonum diem amissus amissave, & pro singulis decimam; ac si tres post nonum diem amisisset, solidum capere liceret *Ulp. in fragm. tit. 15. de decimis §. 2. tit. 16. de solidi cap. ac.* Quæsitum est de horum verborum significatione: Quid enim, si ipso die nono, incepto quidem, at nondum exacto moriatur? Respondet Paulus, eum quoq; parentibus prodesse, qui nono die à partu moritur. Neq; enim utro (altero utriusq; sive alterutro) sermone undecim dies significantur *Godd. & Cujat. h. l. n.*

AD §. 2.

Falsum est, eam peperisse, cui mortuæ filius exectus est.

Quæsitum est, an matri, ut consequatur jus civitatis Romanæ, proderit infans, qui mortuæ exectus

ctus est. Respondetur hoc loco, quòd non : Quemadmodum enim qui mortui nascuntur, neque nati neq; proareati videntur : quia nunquam liberi appellari potuerunt *l. qui mortui 129. sup. h. tit.* ita etiā cui mortuæ filius exectus est, peperisse non dicetur : quia nunquam huic mater fuit *arg. l. 1. §. sed hoc ita ff. unde cogn. Cujat. & Godd. h. l. n.*

AD L. CXXXIII.

Si quis sic dixerit, ut intra diem mortis ejus aliquid fiat ; ipse quoq; dies, quo quis mortuus est, numeratur.

Ratio est : quia antequam ille dies præterijt, incertum est, an intra mortis diem factum sit, quod fieri oportebat *l. ita in fin. ff. de manum. testam.* Et hæc etiam natura est vocis *inter*, ut includat totum illud spatium, atq; extremum numeri : Eaque ratione dies termini computatur in termino *h. l. 9. l. 99. §. 1. de verb. oblig. l. 1. §. si intra. de success. edict.* Quin etiam usus obtinuit, ut omne tempus, quod citra eum diem est, hæc locutio contineat ; quia tempus concessionis usq; ad extremum diem, quo negocium explicari potest, pro uno habetur *Alciat. ad h. l.*

AD L. CXXXIV.

Annulus non statim ut natus est, sed tricentesimo sexagesimo quinto die dicitur : incipiente planè, non exacto die : quia annum civiliter non ad momenta temporum, sed ad dies numeramus.

Ratio decisionis sumitur ab ipso vocabulo. Annulus dicitur ab anno. Annū autem civiliter ad dies (nempe 365.) numeramus. Sed hoc legis Julię

& Papiæ caput hodie in usu non est, non tamen prætereunda fuit hæc anniculi definitio Cujat. ad h. l. n.

AD L. CXXXV.

Queret aliquis, si portentosum, vel monstrosum, vel debilem mulier ediderit, vel qualem visu vel vagitu nobis, non humane figura, sed alterius magis animalis, quam hominis partum: an quia enixa est, prodesse ei debeat? Et magis est, ut hæc quoque parentibus profint. Nec enim est, quod eis imputetur, quæ qualiter potuerunt, statutis obtemperaverunt: Neque id, quod fataliter accessit, matri damnum injungere debet.

QUæstio est, an partus portentosi, monstrosi vel debiles, liberarent parentes à pœnis orbitatis & caducitatis? Et respondetur, prodesse: eò quòd parentibus, qui statutis obtemperarunt, qualiter potuerunt, id quod fataliter accessit, imputari non debeat. Quanquam aliàs monstrosi & portentosi non semper in numero liberorum habeantur l. non sunt liberi 14. ff. de stat. hom. neque homines existimentur, etiamsi maximè vivi editi essent l. ostentum 38. sup. h. tit.

AD L. CXXXVI.

Generi appellatione & neptis, & proneptis, tam ex filio, quàm ex filia editarum, cæterarumque maritos contineri manifestum est.

GENER est filiae maritus. Sed latius generi appellatio extenditur ad neptes, proneptes, cæterarumque filiarum, tam ex filio, quàm ex filia editarum maritos. h. l. n. Sed an generi appellatio etiam ad spon-

fos

ſos filiarum pertineat? quæritur. Quod adfirmandum eſt *ex l. 5. ff. de teſtib.* Pari ratione ſocer eſt uxoris vel mariti pater. Socrus, mariti vel uxoris mater. Sed latiori ſignificatione, avum & aviam cæterosq; aſcendentes ſoceri & ſocrus appellatione contineri reſponſum eſt *l. 146. h. tit.*

AD L. CXXXVII.

Ter enixa videtur etiam, qua trigeminos peperit.

ENixæ dicuntur mulieres, quæ nitendi h. e. conandi & dolore labore perfunctæ ſunt. Sed quid ſi mulier ter geminos edat, an ter enixa dicetur? ut jus trium liberorum conſequatur? Reſpondetur hoc loco, quòd ſic. Quia enim & illa puerpera, quæ ter geminos edit, non ſimul & ſemel eos fundat, ſed in quolibet partu eam niti oporteat & conari illum edere, bona ratio eſt, dicere, ſub regula liberos ſic editos contineri *l. 15. de ſtat. hom.*

AD L. CXXXVIII.

Hereditatis appellatione bonorum quoq; poſſeſſio continetur.

BONORUM poſſeſſio non directè, ſive ipſa vi vocabuli, appellatione hereditatis continetur: quòd ipſum definitiones diſtinctæ hereditatis & bonorū poſſeſſionis, item diſtincti tractatus in *Inſtit. Digest. & Cod.* arguunt. Nihilominus tamen hereditatis appellatione continetur quoq; bonorum poſſeſſio *h. l. n.* non quidem propriâ vi vocis, ſed mente ac voluntate legis *h. l. n.*

Ad L. CXXXIX.

*Ædificia Roma fieri etiam ea videntur, quæ in
continentibus Romæ ædificiis fiant.*

SI cautum esset, ut qui Romæ ædificium habet, Romanus sit, aut si ædificia sua Romæ quis leget, donet, aut aliud quid, sub hac conditione, *si Romæ ædificium fecerit*: quæri potest, de ædificijs continentibus, an & illa videantur Romæ esse? & respondetur *hic* affirmativè, *per rationem in l. 2. sup. h. tit.*

AD §. I.

Perfecisse ædificium is videtur, qui ita consummavit, ut jam in usu esse possit.

EX hoc textu patet; Latinum sive Junianum libertum Romæ ædificantem, non ante civem Romanum fieri, quàm si perfecerit, ita, ut ædificium jam in usu, cujus gratiâ fiebat, esse possit; licet nondum sit. Qualis perfectio respectu certæ intentionis contrahentium aut testatoris, seu tantum modo quodam est perfectio; quia finiti perfectio consistit etiam in potentia, non tantum in actu *l. 5. opere sup. h. tit.*

AD L. CXL.

Cepisse quis intelligitur, quamvis alij acquisivit.

Fllij familias & servi instituti, si adeunt ipsi; acquirunt ipsi quidem & capiunt, sed non sibi, verum illi in cujus potestate sunt *h. l. n. & l. pervenisse 171. h. tit.*

AD L. CXLI.

Etiam ea mulier, cum moreretur, creditur filium

lium habere, quæ exciso utero edere possit. Nec-non etiam alio casu mulier potest habere filium, quem mortis tempore non habuit : ut puta eum, qui ab hostibus remeavit.

CONditio, si filium habuerit, existit, non solum natiuitate, verum etiam excisione, si partus ventre exectus sit, de quo in l. anniculus 132. §. fin. h. tit. Item si cui filius ab hostibus captus revertatur : hic enim omnia filij iura per postliminium recuperat l. 3. §. 1. h. tit.

AD L. CXLII.

Triplici modo conjunctio intelligitur : aut enim re per se conjunctio contingit, aut re & verbis, aut verbis tantum. Nec dubium est, quin conjuncti sint, quos & nomen & rei complexus jungit ; veluti Titius & Mævius ex parte dimidia heredes sunt : vel ita : Titius Mæviusq; heredes sunt : vel : Titius cum Mævio ex parte dimidia heredes sunt. Videamus autem, ne, etiamsi hos articulos detrabas, & que, cum, interdum tamen conjunctos accipi oportet ; veluti : Lucius Titius, Publius Mævius ex parte dimidia heredes sunt : vel ita : Publius Mævius, Lucius Titius heredes sunt : Sempronius ex parte dimidia heres esto : ut Titius & Mævius veniant in partem dimidiam, & re & verbis conjuncti videantur, Lucius Titius ex parte dimidia heres esto. Scius ex parte, qua Lucium Titium heredem institui, heres esto. Sempronius ex parte dimidia heres esto. Julianus dubitari posse ait, tres semisses facti sint, an Titius in eundem semissem cum Cajo Sejo institutus sit : sed eò, quod Sempronius quoq; ex parte dimidia scriptus est, verisimilius esse, in eundem semissem duos coactos, & conjunctim heredes scriptos esse.

IN jure accrescendi principalis quæstio est de conjunctis, quatenus inter conjunctos locum habeat : Quæritur itaq; in b. l. qui & quotuplices sint con-

jun-

juncti? Triplici itaq;, inquit Paulus, *modo conjunctio intelligitur*, - h. e. tria sunt conjunctionum genera: aut enim re per se conjunctio contingit, aut re & verbis, aut verbis tantum. *Re & verbis* dicuntur conjungi, qui ad eandem rem, sive totam, sive partem simul ac conjunctim vocantur *vers. nec dubium est, quin conjuncti sint &c.* Dicuntur *re conjungi*; dum res una eademq; utraq; in solidum legatur. Dicuntur *verbis quoq; conjuncti*, quia eadem ratione simul ad eandem rem vocantur. *Re tantum* conjunguntur, quando pluribus eadem res, sed separatis enunciationibus est relicta *l. 89. ff. de legat. 3.* Verbis tantum conjuncti dicuntur, qui quidem conjunctiva oratione ad eandem rem, sed expressis & discretis partibus individuis vocantur *d. l. re conjuncti 89. de legat. 3.* Sed de hac materia latissimè dixi in *Synoptica tractatione de jure accrescendi.*

AD L. CXLIII.

Id apud se quis habere videtur, de quo habet actionem: Habetur enim, quod peti potest.

Propriè quidem aliud est actio ad rem, aliud res ipsa *l. minus est 204. h. tit.* Illud tamen quis etiam habere videtur, de quo habet actionem. Habetur enim quod peti potest *h. l. n.* Et sic legatum habere dicitur, qui vel actionem ex testamento, aut in rem pro eo consequendo nactus est. *l. cum pater 77. §. surdo ff. de legat. 2.*

AD L. CXLIV.

Libro memorabilium Massurius scribit, pellicē apud antiquos eam habitam, quæ cum uxor non esset, cum aliquo

aliquo tamen sivebat, quam nunc vero nomine amicam, paulò honestiore concubinam, appellari. Granus Flaccius in libro de jure Papiriano scribit, pellicem nunc vulgò vocari, quæ cum eo, cui uxor sit, corpus miscet. Quosdam eam quæ uxoris loco sine nuptiis in domo sit, quam πελλιν Græci vocant.

PELlicis tria significata hoc loco adferuntur: *Antiquitas* ex vocabantur pellices, quæ cum cælibe consueverunt. *Deinde* ea propriè dicitur pellex, quæ cum eo, qui uxorem habet, corpus miscet. *Postremò* vulgus eam vocat pellicem, quæ sine nuptiis uxoris loco habetur, quæ hodiè concubina aliàs solet vocari; vel etiam amica; quod nomen generalius est, & quascunque etiam meretrices continet *Alciat. & Godd. h. l. n.*

AD L. CXLV.

Virilis appellatione interdum etiam totam hereditatem contineri dicendum est.

Virilis appellatio ad singulas & æquales partes refertur pro numero personarum *l. unic. §. sed ut manifestetur §. de cad. toll. l. virili §. pr. de legat. præst.* at interdum totam etiam hereditatem hac voce contineri ipse Ulpianus testis est *h. l. n.* Regulariter ergò virilis portionis appellatio æquales partes denotat; ex accidente autem ratione subjectæ materiæ etiam totum continet *h. l. n.*

AD L. CXLVI.

Soceri, socrus appellatione avum quoq; & aviam uxoris vel mariti contineri respondetur.

Quemadmodum generi appellatio ad nepotes & pronepotes; sic etiam soceri & socrus appella-
tio

tio avum & aviam ceterosq; ascendentes continet,
uti dictum est ad l. generi 136. sup. h. tit.

AD L. CXLVII.

*Qui in continentibus urbis nati sunt, Ro-
ma intelliguntur.*

Rationem decisionis sumit Jctus Marcellus in l.
ut Alphenus 87. h. tit. à consuetudine loquendi.
Nam Romam muretenus existimari, ex consuetudi-
ne quotidiana posse intelligi; cum diceremus Ro-
mam nos ire, etiamsi extra urbem habitaremus.
Deinde accessorium sequitur naturam sui principalis
c. accessorium 42. de reg. jur. in 6.

AD L. CXLVIII.

*Non est sine liberis, cui vel unus filius, unave fi-
lia est. Hæc enim enunciatio, habet liberos, non ha-
bet liberos semper plurali numero profertur :
sicut & pugillares & co-
dicilli.*

Liberorum itaq; appellatio vel in uno filio filia-
ve, nepote nepteve verificatur. quoad hoc ut le-
gi Juliæ caduciaræ de orbitate satisfactum sit. Si-
cut enim fatalitas parentibus imputari nequit l. que-
ret aliquis sup. h. tit. ita nec hic casus, quòd nisi unum
filium, unamve filiam susceperint, cum studuerint,
d. l. quæret.

AD L. CXLIX.

*Nam quem sine liberis esse dicere non possumus,
hunc necesse est, dicamus liberos habere.*

Hoc responsum pertinet ad confirmationem ejus
quod in præcedente responso propositum est,
nempe cum non dici sine liberis esse, cui unus filius,
filia-

Aliave est: *Quoniam, quem sine liberis esse non possumus dicere, hunc necesse est dicamus liberos habere b. l. n. Qui sine liberis non est, liberos habet. Unum filium habens, non est sine liberis. Ergo liberos habet b. l. n.*

AD L. CL.

Si ita à te stipulatus fuero, Quantò minus à Titio consecutus fuero, tantum dare spondes ? non so-
let dubitari, quin si nihil à Titio fuero consecutus, te-
tum debeas, quod Titius debue-

rat.

TOra hæc clausula, (sicuti & alia pacta, quæ obligationi adjiciuntur) securitatis gratiâ ponitur, ut sibi caveat stipulator, ne spe sua, quam de promissore concepit, excidat. Sensus igitur hujus formulæ est: *Quanto minus*, scilicet præter spem meam à Titio consecutus fuero: qui intellectus etiam eo casu verificatur, quo nihil Cajus, qui sic stipulatus est, consequitur. Tantò enim minus spei Caij Titius satisfecit, si nihil solvit l. minus 32. b. tit.

AD L. CLI.

Delata hereditas intelligitur, quam quis possit adeundo consequi.

IN quæstione, quodnam tempus spectetur, ut heres hereditatem, & legatarius legatum capere possit, necessum est constare, quando hereditas, delata intelligatur. Delatam ergo hereditatem *Actus hic definit eam, quam quis possit adeundo consequi. Hereditas itaq; in ea causa esse debet, ut possit adiri l. ii qui 17. pr. de acq. hered.* at in herede ipse actus adeundi non requiritur, sed sufficit potentia, id est, eum posse adire, si-
 ve per se, si-ve per alium, puta, curatorem, tutorem.

Ad eod.

Adeoq; ut aliqua delata dicatur, magis ex qualitate hereditatis, quàm ejus, cui defertur, æstimari debet *Godd. b. l. num. 3.*

AD L. CLII.

Hominiſ appellatiōe tam fœminam, quàm mafculum contineri, non dubitatur.

QUæ de mafculino genere dicuntur, regulariter porriguntur ad ſexum fœmininum *l. 1. ſup. h. tit.* Quidni itaq; de homine dicta pertinebunt etiam ad fœminas, quæ & ipſæ propriè homines ſunt *Alciat. Cujat. & Godd. ad h. l. n.*

AD L. CLIII.

Intelligendus eſt mortis temporis fuiſſe, qui in utero relictus eſt.

QUI in utero eſt, licet ſit in rerum natura, nondum tamen homo eſt *l. in falcidia 9. in fin. ad L. Falcid.* intelligitur tamen mortis tempore homo fuiſſe *b. l. n. & l. qui in utero 26. de ſtat. hom.* idq; propter ſummam æquitatem, quæ ſuadet, fœtus in utero materno rationem haberi, eiq; omnia jura in tempus naſcendi integra conſervari; & ideò lex fingit eum tempore mortis fuiſſe: exempla ſunt in *ſ. pen. & ult. Inſt. de tutel. l. 1. de teſtam. tut. l. 2. de vulg. & pup. ſubſtit.* ut interim negotium ſuſpendatur, uſq; dum appareat, an vivus edatur *l. antiqui 3. ſi pars hered. pet. l. utrum 7. de reb. dub.*

AD L. CLIV.

Mille paſſus non à milliario urbis, ſed à continetibus adificijs numerandi ſunt.

Absen-

Absentibus viginti millia passuum in singulos dies numerantur, & si pauciores sint, ijs etiam peculiaris dies attribuetur l. 3. sup. h. tit. Hac occasione Macer tradidit, mille illos passus, quibus quis absens est, non à milliariorum urbis, sed à continentibus ædificijs annumerandos esse, h. e. non capere initium ab urbe, seu muris ac portis, quibus ea finitur l. 2. sup. h. tit. Sed ab urbis continentibus, ut ubi ea finiunt, ibi passus numerare incipiamus, usq; eò, quo in loco absens moratur d. l. 2. & l. 3. sup. h. tit. Goden. consil. 12.

AD L. CLV.

*Proximi appellatione etiam ille continetur,
qui solus est.*

Videri possit dicendum, proximum esse, qui inter plures proximiori gradu defunctum attinet: nomen enim proximi ad comparata pertinet, quæ sunt parium vel imparium. At Jctus hoc loco decidit, nihil referre, plures sint, qui ad hereditatem adspirent, an unus solummodo; quia jus nostrum ordinem succedendi spectat, in qua persona defuncti & heredis, vel hujus ad alium relatio consideratur h. l. n. & l. proximus est 29. ubi Cujat. Alciat. & Godd.

AD L. CLVI.

*Majore parte anni possedisse quis intelligitur,
etiamsi duobus mensibus possederit: Si modò adversa-
rius ejus aut paucioribus diebus, aut nul-
lis possederit.*

Referenda est hæc lex ad interdictum *utrubi*, in quo olim vincebat, qui majore parte anni possederat l. unic. ff. *utrubi*, scilicet respectu adversarii.

non autem simpliciter *h. l. n. & l. majorem 8. de pact.* Sed hodiè litis contestatæ tempus & in interdicto utrubi consideratur *d. l. unic. §. retinenda 4. in fin. Inst. de interd.* Quamvis itaque annus dies habeat 365, quomodo major anni pars simpliciter considerata erit ad minimum 183. dierum: hic tamen admone-mur, majorem anni partem considerari etiam posse certo respectu & secundum quid. Et sic in interdi-cto utrubi, major pars anni non tam dicebatur re-spectu anni & ejus partis minoris, quàm ratione ad-versarij, qui eodem anno non tam diu possederat. Comparatio est non temporis ad tempus, sed perso-næ ad personam, quantum ad tempus *Godd. ad h. l.*

AD L. CLVII.

Paries est, sive murus, sive maceria est. Item via est, sive semita, sive iter est.

HOC responsum continet duo capita: Primò ostenditur, quid sit paries, deinde quid sit via. Quod ad primum attinet, *parietem* constituit dupli-cem, *murum & maceriam*. Murus verò parietis spe-cies est, non quidem propriè, & per se, sed per trans-lationem *hic & l. ult. C. de edif. priv.* cum à munien-do dictus sit; & quamvis uno modo non fiat, nun-quam tamen sine cæsis lapidibus olim extruebatur. *Parietes* autem fiunt plerunq; ex lapidum congerie, vel limo & calce, gypso aliave materia, puta ex cæ-mentis, lateribus, trabibus, stipitibus. *Maceria* est paries, qui ex alia materia, quàm cæmentis & lapi-dibus ritè dispositis factus est *l. pen. ff. cum præd. l. a- de 73. de contrab. empt.* Secundò via hic describitur.

Viam

Viam alij aliter accipiunt, *Alciat. h. n. 7.* Ex mente legum distinguendum videtur inter viam generaliter & specialiter acceptam. *Generaliter* aut publica est, aut privata. *Publica* aut verè quæ dicitur via consularis; aut *quasi*, quæ vel *vicinalis*, quæ in vicos ducit, vel *agraria*, quæ de via consulari ducit ad agros *Godd. ad b. l. n. 7.* Via *privata* habetur *jure domini*, dum dominus in suo sibi viam constituit, aut *jure servi utis*, quo fundus alienus, alicui fundo hanc servitutem debet. Et hæc servitus generaliter via est, quæ vel *integra* & propter excellentiâ via in specie dicitur, estq; jus agendi & eundi & ambulandi: vel *non integræ*, cui utrum deest, vel eundi jus per se, quæ in specie dicitur *actus*, qui fortè hic intelligitur per *semitam*, ut *semita* sit quasi *semitæ* via: vel *jus eundi*, quod dicitur *iter in pr. Instit. de servit. præd.* Sub ista distinctione, via & genus actus seu *semitæ* & *itineris* est: & alio respectu etiam species contra distincta *Cujat. 22. obs. 35. Duar. ad l. 1. de servit. rust. præd.*

AD L. CLVIII.

In usu juris frequenter uti nos, Cossellius ait, singulari appellatione, cum plura generis ejusdem significare solemus: nam multum hominem venisse Romam, & piscem vilem esse dicimus: item in stipulando satis habemus de herede habere; si ea res secundum me heredemve meum judicata erit:

Et rursus, quod ob eam rem te heredemve tuum: nempe quæ si plures heredes sint, continentur stipulatione.

Quando collectivè singulari numero utimur, tunc is plurali æquipollet; adeoque verba generalia etiam in singulari numero prolata, de pluribus ejus-

dem generis intelligi possunt, ideò, quòd natura generis sit, esse commune pluribus speciebus. E. G. Si dico, piscis est vilis, non unus individuò piscis denotatur, sed hic ille, & alij innumeri, quicunq; in præsentia venduntur. Sic etsi hominem dixerò in singulari numero, eo tamen nomine omnia individua specificè, seu, ut loquuntur nostri, genericè continentur, nisi quadam adjectione ad quandam particularitatem restringatur. Veluti si dixerò, multum hominem venisse Romam; non intelligo omnes homines, sed hominum quandam multitudinem, propter adjectum verbum multitudinis, quod est particulare. Ita si dixerò, Piscem Romæ esse vilem; appellatione piscis omnes piscium species generalitate verbi continentur; sed per adjectionem loci ad particularitatem sermo restringitur. Et quod propius facit ad jus, si dixerim de herede meo, non quoscunq; heredes exprimo, sed meos, & eosdem tamen omnes, quos generale nomen heredis complectitur; maximè cum omnes pro uno sint, quem conjunctim repræsentant *Godd. ad h. l. num. 3.*

AD L. CLIX.

Etiam aureos nummos æs dicimus.

EX usu sermonis, quòd in omnibus commercijs veteres ære uterentur, omnem pecuniam æs dicimus *h. l. n.* Antiquissimi enim nondum auro argentoq; invento æreâ pecuniâ utebantur *Isid. lib. 16. origin. cap. 17.* Prius, inquit, ærea pecunia in usu fuit, post argentea, & deinde aurea subsecuta; sed ab ea quæ capit, nomen retinuit.

AD

AD L. CLX.

Cæterorum & reliquorum appellatione etiam omnes continentur, uti Marcellus dixit circa eum, cui optio servi legata est, ceteri Sempronio. Nam temptat si non optet, omnes ad Sempronium pertinere.

Licet particula *cæterorum & reliquorum* præsupponat partem aliquam esse exemptam: tamen si exemptionis causa cessat, puta, quia legatarius legatū repudiat, nec optandi animum habet, cessat & ipsa exemptio, resq; legata redit ad suam primævam naturam, & ad genus suum vi vocabuli. Quod si itaq; uxor dedisset omnia sua bona in dotem, vel donatione reciproca in maritum transtulisset, partemque sibi saltem aliquam de qua disponat pro libitu sibi reservasset: si nihil de ea disposuit, ad maritum ea pertinebit *Rauibb. quest. 39. part. 1.*

AD L. CLXI.

Non est pupillus, qui in utero est.

Pupillum Pomponius definit in *l. 239.* qui cum impubes sit, desierit in patris potestate esse, aut morte, aut emancipatione. At ei qui in utero adhuc est, definitio pupilli non competit; quia nondum fuit in patria potestate *l. pen. de adfert. toll. l. ult. de collat.* Nec impuberem eum dicere possumus; siquidem ætas non à conceptione, sed nativitate computatur *Godd. h. n. 3.* Cum igitur fieri possit, ut mortuus nascatur *l. qui mortui 129. h. tit.* non rectè is, qui in utero est, pupillus dici potest *h. l. n.*

AD L. CLXII.

In vulgari substitutione, qua ei, qui supremus morietur, heres substituitur, rectè substitutus etiam unicè intelligitur; exemplo XII. tabb., ex quibus proximè agnatus & solus habetur.

TESTATOR namq; de eo quod fieri potest, & fieri non potest, sensit. Nam quia fieri potest, ut unicus ille filius vivo adhuc patre nuptias contrahat, & liberos progeneret, fieri etiam potest, ut neutrum, vel saltem ultimum non contingat. Igitur in eventum supremum morienti substituit *l. qui duos 9. de reb. dub.*

AD §. 1.

Si quis ita in testamento scripserit, Si quid filio meo acciderit, Damas servus meus liber esto: mortuo filio Damas liber erit, licet enim accedant & verbis: sed vulgi sermone etiam mors significatur.

SERVO testator libertatem dedit, si quid filio suo accidisset. Vivis quotidie accidunt multa, seu bona, seu mala; Morientibus nil nisi mors, rerum ultima linea. Itaq; in dubio & in libertatis legato testatorem de hoc casu, id quod subiecta materia suadet, sensitse dicemus: ne sc. frustrà adjecta conditio videatur; idq; tantò magis, quòd vulgus testatorum utatur sermone vulgi, qui hoc loquendi genere utitur pro ultimo fato, pr. *Inst. de donat. l. uxorem 41. §. Sequum 12. de legat. 3. l. publica 26. de possess. l. quidam 25. ad Trebell.*

AD L. CLXIII.

*illa verba, optimus maximusq; , vel in eum
cadere possunt, qui solus est: Sic & circa edictum
prætoris suprema tabula habentur
& sola.*

SI testator aliquis, *optimum maximumq; fundum suū* institutionis aut legati titulo relinquit, cum non nisi unicum habeat, an iste unicus debeat? questio est. Et magis est deberi; idque hic Jctus probat: quia, inquit, *Prætor supremarum tabularum serationem habiturum*, seu ex supremis tabulis se bonorum possessionem daturum pollicetur l. i. §. i. de bon. poss. sec. tab. Et testator, legans fundum *optimum maximum* quem habet unicum, commendandi illius gratiâ hæc verba apposuisse censetur, quod instar omnium aliorum ille sibi fuerit. In eo, quod plus, inest & minus l. in eo quod plus est 110. de reg. jur. Superlativus igitur, ut cum Grammaticis loquar, quia plures gradus comparisonis complectitur, in uno quoq; verificatur l. non est sine liberis 148. h. tit. ratione potentie, eo quod plures fundos habere potuisset arg. l. proximi 155. pr. h. tit. ubi Alciat. vel quod plures unicus hic fundus repræsentare videatur l. si mihi 92. pr. cum l. seq. §. quidam 2. de legat. 3.

AD §. 1.

Pueri appellatione etiam puella significatur.

*Nam & fœminas puerperas appellant recentes ex
partu: & Græcè παῖδες communiter
appellatur.*

HOc responso explicatur, qui *pueri* appellatione contineantur, quando quis omnes suos pueros

h. e. liberos, heredes instituisse; nempe non tantum pueros masculos, sed etiam puellas instituisse. Quam decisionem Paulus duobus argumentis confirmat. Primum est, puerperæ appellationem etiam ad eam referri, quæ puellam enixa est. etiam si à puero puerpera dicta sit. Altera ratio est, Græcos vocabulo παιδίον tam pueros, quàm puellas designare: etiam si neutrius generis sit *h. l. ubi Godd.*

AD L. CLXIV.

Nomen filiarum & in posthumam cadere, questionis non est, quamvis posthumæ non cadere in eam, eam, quæ jam in rebus humanis sit, certum sit.

Appellatio filiarum comprehendit posthumam; quoniam pro natis habentur, quoties de commodo posthumorum agitur § cum autem 4. Inst. de tutel. l. qui in utero est 7. de stat. hom. At posthumæ appellatio non continet filiam *h. l. n.* Ratio est manifesta: quia contra naturam est, fingere in vivis esse, quod re ipsa existit. Fictio enim juris naturæ & veritati respondere debet l. confessionibus 13. cum l. seq. de interrog. in jure fac. Siquidem lex naturæ defectum, non ipsam naturam præveniando eam supplet l. adoptio 16. de adopt.

AD §. I.

Partitionis nomen non semper dimidium significat: sed prout est adjectum. Potest enim juberi aliquis, & maximam partiri, posse & vicesimam, & tertiam, & prout libuerit. Sed si non fuerit portio adjecta, dimidia pars debetur.

Quandoq; heres hereditatem, aut legatum legatarius partiri jubetur, & quidem si pars adjecta sit,

fit, illa debetur; sin adjecta non fit, Jctus vult deberi dimidiam *b. l. n. & l. etiam 43. de usufr. l. legata 19. §. fin. ff. de legat. 1.* Nulla enim pars magis est æqualis, quàm dimidia: Siquidem pars dicitur à pari, quòd partes simul junctæ pares sint vel æquales toti *Godd. ad h. l. n.*

AD §. 2.

Habere sicut pervenire, cum effectu accipiendum est.

Habere quis dicitur cum effectu, ita sc. ut id quod habemus, non possit à nobis avocari *l. aliud est capere sup. h. tit.* Fur itaq; rem furto ablatam non dicitur habere cum effectu; quia impropriè tantum habet, & detinet saltem *l. alienum 6. C. de furt.* Adeoq; illud habere videmur, quod aut jure dominiij nostrum est; aut eo jure, ut sine interpellatione alicujus hominis obtinere possimus *l. habere 188. h. tit.* sic pervenisse dicitur res cum effectu, quæ ita alicujus facta est, ne possit avocari *d. l. aliud est capere.*

AD L. CLXV.

Venisse ad heredem nihil intelligitur, nisi deducto ere alieno.

Venisse namq; ad aliquem dicitur, quod cum effectu venit *l. nomen filiarum 164. §. fin. h. tit.* quod ita pervenit, ut avocari non possit *l. non amplius pr. 26 de legat. 1. l. qui concubinam 29. §. cum ita legatum 2. de legat. 3.* Et ita hereditas accipitur in specialiori significatione, nempe de ea, quæ cum effectu, ita ut avocari nequeat, ad heredem pervenit, quæ secundum esse, non secundum dici, hereditas est.

K 5

Quip.

Quippe illud saltem pervenisse ad aliquem intelligitur, quod deducto are alieno restat, cum hoc solummodò mansurum sit *h. l. n. d. §. habere.*

AD L. CLXVI.

Urbana familia & rustica non loco sed genere distinguitur. Potest enim aliquis dispensator non esse servorum urbanorum numero: veluti is, qui rusticarum rerum rationes dispenset, ibiq; habitet, non multum abest à villico. Insularius autem urbanorum numero est. Videndum tamen est, ipse dominus quorum loco quemcunq; habuerit: quod ex numero familiae, & vicarius apparebit.

Legatis servis urbanis aut rusticis, quæri solet, qui legato comprehendantur. Et quidem si legatur familia qua in urbe est, locus exprimitur, & qui ruri sunt, non videbuntur legati *arg. l. nam quod 4. §. ult. de penu leg. l. quemadmodum 12. de suppell. leg. Cujat. hic.* Sin verò legetur familia urbana, Jcti non volunt locum spectari, sed servorum genus, quod non tam ex loco, quàm ex fine & usu æstimatur *h. l. n. eadem ratione, quâ & urbana & rustica prædia non loco, seu usu distinguuntur l. 27. h. tit.* Unde verò & quomodo usus diversitas investiganda sit, Jctus hic declarat exemplis dispensatoris & insularij. Dispensator est œconomus, qui domus impendia curat, & victui præest. Insularius est custos insulæ: Insula dicitur ædificium non contiguum, sed arcâ vel publica vel privata circumdatum *Alciat. h. n. 5.* Addit Jctus definitionem generalem, videndum sc. semper esse, ipse dominus quorum loco quemq; habuerit. Nam licet servi unius generis sint *§. fin. de jure per.*

person. distributio tamen officiorum ex domini voluntate pendet. Videndum igitur in libellis est, an servus, de quo quæstio, inter urbanos, an rusticos numeratus & scriptus reperiatur *Cujat. ad h. l. n.*

AD §. I.

Pernoctare extra urbem intelligendus est, qui nulla parte noctis in urbe est. Per enim totam noctem significat.

PROMISI tibi centum, si pernoctaveris custodiæ causa in ædibus: quæritur, an satis sit, primâ, mediâ, aut postremâ noctis parte adfuisse? *J*Ctus hic respondet, verbum *pernoctare* de tota nocte explicandum. Quia hæc est vis verbi *Per*, quod integrum quid & perfectum, adeoq; consummationem rei denotat. *Alciat. & Godd. h. l.* Sic verbum *perdonare* plenam errati veniam significare, notat *Cujatius ad h. l.*

AD L. CLXVII.

Carbonum appellatione materiam non contineri: sed an ligno? & fortassis qui dicet, nec lignorum: non enim lignorum gratia habuit. Sed & sitiones & alia ligna cocta, ne fumum faciant, utrum ligno, an carboni, an suo generi adnumerabimus? & magis est ut proprium genus habeatur. Sulphurata quoq; de ligno æquè eandem habebunt definitionem. Ad faces quoq; parata non erunt lignorum appellatione comprehensa, nisi hac fuit voluntas. Idem & de nucleis olivarum, sed & de balanis est, vel si qui alii nuclei. De pinu autem integri strobili ligni appellatione continebuntur.

TEXTUS hic loquitur, de eo tantum ligno, quod ad carbonem coquendos & conficiendos paratum est. Et hoc ipsum neq; lignorum appellatione, sed
pre-

proprio genere explicari Ulpianus refert. Illud autem notandum est, differre lignum à materia. Nam *materia* est lignum propriè ad ædificandum fulciendumq; necessarium *l. ligni 55. de legat. 3.* at *lignum* est quidquid comburendi gratiâ paratum est. *d. l. ligni 55.* Carbores itaq; illi dicuntur propriè, qui jam sunt carbores. *Titiones* sunt torres extincti & semiusti. *Cocta ligna* sunt, quæ igne vel sole ita tosta, exsiccata, & peculiari studio arida reddita, ut nihil succi insit, quo fumus excitari queat. Exinde itaq; intelligitur, quidnam *materia*, quidq; *ligno* propriè adscribendum. *Godd. ad b. l. n.*

AD L. CLXVIII.

Pali & pertica in numerum materiae redigendi sunt: & ideò lignorum appellatione non continentur.

Palus est lignum acutum, quod in terram defigitur ad fundanda vel fulcienda ædificiorum fundamenta, aut ad castra munienda, vel claudendos hortos, aut sustinendas vites *sec. Columellam.* Pertica verò specialius est vocabulum, & ad solas vites pertinet, quibus adhibetur ad eas statuminandas: estq; baculus oblongus sive tener, fitq; non tantum ex salice, sed quandoq; etiam ex arundineti necessitatis causa, ut videre est *in l. 9. circa fin. & 2. seqq. de usufr.* Hi pali & perticæ in numerum materiae redigendi sunt: adeoq; legato ligno, pali & perticæ, utcunq; ex ligno conficiantur, non debentur: quia in speciale nomen transeunt, & instrumentum sunt *vineæ l. villa 16. §. 1. de instrum. & instruct. legat.*

AD L. CLXIX.

Non tantum in traditionibus, sed & in emtionibus & stipulationibus, & testamentis adjectio hac, uti optimus maximusq; est, hoc significat, ut liberum præstetur prædium, non ut etiam servitutes ei debeantur.

SI optimus maximus fundus legatus fuerit, quæritur, qualis hic fundus demonstretur & debeatur? Respondet Jctus, ejusmodi deberi, qui liber sit, non, ut servitutes ei debeantur. Quod autem in hoc responso stipulatio, traditio, & adjectio testamentaria æquiparantur, illud ad modum demonstrationis referendum sit, non etiam ad effectum evictionis, cum diversum in contractibus obtineat l. in tradendis ff. de contrah. emt. & l. si tibi liberum ff. de act. emti Godd. ad h. l.

AD L. CLXX.

Heredis appellatione omnes significari successores credendum est, etsi verbis non sint expressi.

SI legata relicta sint ab hærede præstanda; quæritur, An etiam ea debeantur à substitutis adeuntibus? Quod Ulpianus hic affirmat; & Jctus in l. si plures gradus ff. de legat. 3. confirmantur hæc l. heredis 65. & l. sciendum 70. sup. h. tit.

AD L. CLXXI.

Pervenisse ad te rectè dicitur, quod per te ad alium pervenerit; ut in hereditate à liberto per patronum filiumfamilias patri ejus adoptivo acquisita responsum est.

Per-

proprio genere explicari Ulpianus refert. Illud autem notandum est, differre lignum à materia. Nam *materia* est lignum propriè ad ædificandum fulciendumq; necessarium *l. ligni 55. de legat. 3.* at *lignum* est quidquid comburendi gratiâ paratum est. *d. l. ligni 55.* Carbones itaq; illi dicuntur propriè, qui jam sunt carbones. *Titiones* sunt torres extincti & semiusti. *Cocta ligna* sunt, quæ igne vel sole ita tosta, exsiccata, & peculiari studio arida reddita, ut nihil succi insit, quo fumus excitari queat. Exinde itaq; intelligitur, quidnam *materia*, quidq; *ligno* propriè adscribendum. *Godd. ad b. l. n.*

AD L. CLXVIII.

Pali & pertica in numerum materiae redigendi sunt: & ideo lignorum appellatione non continentur.

PALUS est lignum acutum, quod in terram defigitur ad fundanda vel fulcienda ædificiorum fundamenta, aut ad castra munienda, vel claudendos hortos, aut sustinendas vites *sec. Columellam.* Pertica verò specialius est vocabulum, & ad solas vites pertinet, quibus adhibetur ad eas statuminandas: estq; baculus oblongus sive tener, fitq; non tantum ex salice, sed quandoq; etiam ex arundineti necessitatis causa, ut videre est *in l. 9. circa fin. & 2. seqq. de usufr.* Hi pali & perticæ in numerum materiae redigendi sunt: adeoq; legato ligno, pali & perticæ, utcunq; ex ligno conficiantur, non debentur: quia in speciale nomen transeunt, & instrumentum sunt vineæ *l. villa 16. §. 1. de instrum. & instruct. legat.*

AD L. CLXIX.

Non tantum in traditionibus, sed & in emtionibus & stipulationibus, & testamentis adjectio hac, uti optimus maximusq; est, hoc significat, ut liberum præstetur prædium, non ut etiam servitutes ei debeantur.

SI optimus maximus fundus legatus fuerit, quæritur, qualis hic fundus demonstretur & debeat? Respondet J Ctus, ejusmodi deberi, qui liber sit, non ut servitutes ei debeantur. Quod autem in hoc responso stipulatio, traditio, & adjectio testamentaria æquiparantur, illud ad modum demonstrationis referendum sit, non etiam ad effectum evictionis, cum diversum in contractibus obtineat *l. in tradendis ff. de contrah. emt. & l. si tibi liberum ff. de act. emti. Godd. ad h. l.*

AD L. CLXX.

Heredis appellatione omnes significari successores credendum est, etsi verbis non sint expressi.

SI legata relicta sint ab hærede præstanda; quæritur, An etiam ea debeantur à substitutis adeuntibus? Quod Ulpianus hic affirmat; & J Ctus in *l. si plures gradus ff. de legat. 3.* confirmantur hæc *l. heredis 65. & l. sciendum 70. sup. h. tit.*

AD L. CLXXI.

Pervenisse ad te rectè dicitur, quod per te ad alium pervenerit; ut in hereditate à liberto per patronum filiumfamilias patri ejus adoptivo acquisita responsum est.

Per-

Pervenisse rectè dicitur (subaudi, non solum quod tu tibi ipsi acquisivisti, tuusq; rebus adnumerasti, verum etiam) quod per te ad alium pervenerit: quod ipsum exemplo recitato confirmatur in h. lege.

AD L. CLXXII.

Liberti appellatione etiam libertam contineri placuit.

Semper sexus masculinus continet fœmininum; unde liberti appellatione venit liberta h. l. n. de quo sæpius ante dictum est.

AD L. CLXXIII.

Collegarum appellatione hi continentur, qui sunt ejusdem potestatis.

Potestas hoc in loco generaliter usurpatur, & non solum de potestate magistratus l. potestatis, 215. h. tit. sed aliorum etiam, qui simul lecti sunt, & eandem habent potestatem, usurpetur l. 1. de tut. ubi tutela dicitur potestas, & tutores collegæ l. 1. de magistr. conven. item illi, qui in corpus vel collegium assumpti sunt l. ult. de hered. dec.

AD §. I.

Qui extra continentia urbis est; abest: ceterum usq; ad continentia, non abesse videtur.

Tutor datur præsenti & absenti? Quis itaq; absens habeatur? quæstionis est. Equidem varia absentia consideratio est. At in hac quæstione illo abesse censetur, qui non est intra urbis continentia l. absentem 199. eod. Quod ita observatur in tutoris absentis excusatione §. qui autem 6. Instit. de excusat. tut.

qui

qui absens intelligitur, si non sit eo loci, in quo petitur d. 9. 6.

AD L. CLXXIV.

Aliud est promittere furem non esse, aliud furto noxaq; solutum. Qui enim dicit furem non esse, de hominis proposito loquitur: qui furtis noxaq; solutum, nemini esse furti obligatum promittit.

IN hac lege traditur, differre hæc duo, promittere furem non esse, aliud furto noxaq; solutum. Illo enim casu de hominis proposito servum venditum furem non esse; hoc casu de hominis obligatione servum venditum nemini furti obligatum esse, promissio fit. Et si enim ex sola animi propositione dicere furem possimus, etiamsi rem alienam nunquam invito domino contrectavit l. 225. h. tit. magis tamen est, ut non propositionem solum, sed assumpto aliquo actu furem intelligamus. l. 225. eod.

AD L. CLXXV.

Faciendi verbo, reddendi etiam causa continetur.

CUM verbum facere, largiori vocabuli significatione, omnem causam dandi & faciendi completatur l. verbum facere 218. h. tit. utique & reddendi causa eo continetur; quia vel ad dandi vel faciendi verbum, vel ad utrunq; referatur, necessum est. Alias propriè loquendo facere opponitur dationi: unde & stipulationes quædam in dando, quædam in faciendō consistere dicuntur l. 2. de verb. oblig.

Solutionis verbo, satisfactionem quoq; omnem accipiendam placet; solvere dicimus eum, qui fecit, quod facere promisit.

Solutionis verbum & generaliter & specialiter usurpatur. Generaliter pro satisfactione ponitur, quo significatu satisfactio pro solutione esse dicitur *l. satisfactio s. de solut.* In hoc significatu JCtus hic solutionis verbum accipit. Specialiter pro naturali & reali nummorum & ejus quod debetur, prout debetur, numeratione accipitur *in pr. Instit. Quib. mod. tollit. oblig. l. 2. §. 1. & 4. de reb. cred.*

AD L. CLXXVII.

Natura cavillationis, quam Græci ΣΩΡΙΤΗΝ appellaverunt, hæc est, ut ab evidentè veris per brevissimas mutationes disputatio ad ea quæ evidentè falsa sunt, perducatur.

Ulpianus hoc loco proponit soritæ definitionem. Sorita autem vel est falsus & vitiosus est, & hoc loco à JCto cavillatio dicitur, quæ ab evidentè veris, ad ea quæ evidentè falsa sunt, perducatur. Sed tamen ex falsis propositionibus quandoq; sorites veram efficit conclusionem, veluti: Omne prædium in jure consistit: Omnis servitus est prædium; Ergo omnis servitus in jure consistit. *latè Godd. ad h. l. n.*

AD L. CLXXVIII.

Pecuniæ verbum, non solum numeratam pecuniam complectitur, verum omnem omnino pecuniam, hoc est, omnia corpora. Nam corpora quæq; pecuniæ appellatione contineri, nemo est qui ambigat.

Ven-

Venditor tenetur omnem pecuniam hereditariā, quæ erat, cum emptio venditio contraheretur. Quid igitur est pecunia? Respondet Ulpianus, *pecunie verbum omnem, omnino pecuniam, hoc est, corpora omnia continere h. l. n.* Non ergo æstimationem, non quantitatem, quæ ex bonis defuncti refici potest, sed ipsa hereditaria corpora & jura dabit venditor *l. 4. l. 5. sup. h. tit.*

AD §. 1.

Hereditas juris nomen est, quod & accessionem in se recipit: hereditas vel maxime fructibus augetur.

Quia hereditas non corpus significat, sed juris universi nomen est *l. 1. de rer. divis.* ideoq; & accessionem & decessionem in se recipere, atq; ita per consequens fructibus, aliisq; accessionibus & incrementis augeri, indicat Ulpianus *ad h. l. n.*

AD §. 2.

Actionis verbum & speciale est, & generale: nam omnis actio dicitur, sive in personam, sive in rem sit petitio: sed plerumq; actiones personales solemus dicere. Petitionis autem verbo in rem actiones significari videntur: Persecutionis verbo extraordinarias persecutiones puto contineri: ut puta fideicommissorum, & si quæ alia sunt, quæ non habent juris ordinarii executionem.

Actionis nomen & generis & speciei nomen est *h. §. n.* Generaliter actiones in rem & in personam, ut & mixtas continet *ret. tit. Inst. de act. l. ult. C. de hered. vel act. vend.* Specialiter de actionibus in personam accipitur *h. §. n.* & §. appellamus autem *15. Inst. de act.* Ab utraq; hac actionis specie segregantur persecutiones, utpote omnes extraordinariæ petitiones. *Godd. ad. h. l.*

AD §. 3.

Hoc verbum debuit, omnem omninò actionem, comprehendere intelligitur, siue civilis, siue honoraria, siue fideicommissi fuit persecutio.

DEbiti appellatione non id solummodò intelligendum est. quod ex personali aliqua obligatione debetur; sed & is quoq; qui rei vindicatione convenitur, & à quo extra ordinem quid postulari potest debitor, nobisq; quid debere dici potest *h. l. n.* Quocirca in actionis definitione nihil mutandum, nihil addendum *Godd. ad h. l. n.*

AD L. CLXXIX.

Inter hac verba, quanti ea res erit, vel quanti eam rem esse paret, nihil interest: in utraq; enim enim clausula placem veram rei æstimationem fieri.

ID quod interest, longè distat ab his verbis, *Quanti ea res erit, vel quanti eam rem esse paret h. l. n. & l. 93. eod.* Hæc enim verba *quanti ea res est, ad veram rei æstimationem referuntur: Id quod interest, pro facti varietate variè & diversimodè æstimatur Cujat. 9. obs. 31. Godd. ad h. l.*

AD L. CLXXX.

Tugurij appellatione omne ædificium, quod rustica magis custodiæ convenit, quàm urbanis ædibus, significatur. Ofilius ait, tugurium à tecto tanquam tegularium esse dictum, ut toga, quòd eà tegamur.

HOc loco proponitur tugurij definitio tam nominis, quàm rei. Definitio rei exprimitur generis & differentia. Generis loco ponitur omne ædificium.

cium. Sed quia hoc vel urbanum est, vel rusticū, remouet in primis urbanum, & ex rusticis illud demum ædificium vel tugurium dici, quod rusticæ custodiæ conuenit. *Nominis definitio* adfertur ex Offilio, *ab ipso definito*; quoniam tugurium J.C. deducit à tecto tanquam tegularium: *itemq; à simili*, nimirum à toga, quæ & ipsa à tegendo dicta Godd. *ad h.l.*

AD L. CLXX XI.

Verbum illud pertinere latissimè patet. Nam & eîs rebus petendis aptum est, quæ dominij nostri sunt: & eis quas jure alioqui possidemus. Pertinere ad nos etiam ea dicimus, quæ in nulla eorum causa sint, sed esse possint.

Pertinere ad nos, quid & quàm variè significet, hac lege liquidò explicatur. Non solum enim illa significat, quæ sunt nostri dominij, vel quasi, verum etiam ea quæ possidemus, licet proprietas ad alium spectet, ut est emphyteusis, ager vectigalis, superficies, feudum l. 1. si ager vectig. l. 3. de reb. eor. & generaliter omnia in quibus aliquod jus mihi cōpetit l. si quis 6. §. ex hoc adicto 4. & seq. de edendo l. prator ait 9. §. his verbis 3. de reb. author. jud. possid.

AD L. CLXXXII.

Paterfamilias liber peculium non potest habere, quemadmodum nec seruus bonæ.

HÆc lex dicit de paterfamilias libero: quia non omnis liber est paterfamilias; nec olim omnis paterfamilias simpliciter liber, Cujat. Gothofr. & Godd. *ad h.l.* Paterfamilias autem non potest peculium habere, ex natura peculij, quæ in patremfamilias non quadrat. Nam peculium est parua pecunia

concessa servo vel filio familias ab eo, in cuius potestate est *l. 4. l. 5. l. 6. peculium 39. de pecul.* Sic servus bona habere non potest *h. l. n.* Servi enim cum ipsi inter res habeantur, nihil habere possunt proprii, sed quicquid acquirunt, dominorum est *S. item vobis Instit. per quas pers. nobis acquir.*

AD L. CLXXXIII.

Tabernæ appellatio declarat omne utile ad habitandum ædificium: non ex eo quod tabulis cluditur.

Ulpianus vocat nos ad primam ædificiorum originem, quâ Romani in parvis ædiculis, quæ ex tabulis fiebant, & claudebantur, habitaverunt *Alciat. in l. inde 184. h. tit.* Inde ædes suas tabernas dixerunt, quod tabulis & clauderentur & operirentur *Brech. ad d. f. inde.* Hic mos ædificandi licet postea defierit, cum splendoras ædes & sumtuosas extruere cæperunt: usus tamen retinuit hoc vocabulum, ut omne ædificium, sive ad habitandum principaliter, sive ad negotiationem exercendam comparatum sit, hac voce contineatur *Cujat. & Godd. ad h. l.*

AD L. CLXXXIV.

Inde tabernacula & contubernaes dicti.

Sicuti veteres Romani suas ædes, eò quod ex tabulis olim fiebant, appellarunt; ita & casas militares sive tentoria, & consequenter reliqua etiam tentoria extra militiam nominarunt tabernacula, eò quod primitus ex tabulis & hæc tentoria fieri solerent *Cujat. ad h. l. Alex. ab Alex. lib. 1. gen. dier. cap. 12* Addit Ulpianus in hac lege, & contubernaes inde dictos quia

quia sc. in iisdem tabernis sive habitationibus & tentorijs familiariter habitarent: & potissimum militibus tributum ab initio hoc nomen fuit *l. rem militi* 21. §. 1. ff. commod. *l. non omnes* §. §. à barbaris 6. de remilit.

AD L. CLXXXV.

Instructam autem tabernam sic accipimus, quæ & rebus & hominibus ad negotiationem paratis constat.

Fundo instructo legato, omnia, quæcunq; usus sui gratia paterfamilias ad colendum agrum habuit, continentur, & non solum suppellex, verum etiam ministeria *l. questum* 12. §. proinde 28. cum seqq. de fundo instructo legato. Nec enim instructus verè dici potest, cui desunt instrumenta. Igitur & tabernâ instructâ legatâ, venient non solum merces, verum etiam homines sive servi, qui negotiationi fuerunt præpositi *l. tabernæ d. tit. Alciat. & Godd. ad h. l.*

AD L. CLXXXVI.

Commendare nihil aliud est, quàm deponere.

Ulpianus dicit, commendare, videlicet rem custodiæ causa, nihil aliud est quàm deponere *h. l. n. & l. cum hereditas* 9. C. depos. Differt itaq; commendare & commendatum, à commodare & commodato. Commendatum propriè depositum est, quia in deposito res ipsa traditur, & custodiæ amici totaliter & plenissimè commendatur. *d. l. cum hereditas* 9. & *l. 6. C. depositi*. Aliud est commodum §. 3. Inst. Quib. mod. re contrah. oblig.

Verbum exactæ pecuniæ non solum ad solutionem referendum est, verum etiam ad delegationem.

Verbum hoc *exactæ pecuniæ* latè accipitur, nempe non tantum de reali numeratione, sed & qualibet liberatione; cujusmodi est novatio, acceptilatio, pignoris datio volente creditore facta, idque *delegationis* exemplo innuit Ulpianus *h. l. n.* Nam qui delegat solvit *l. si ex pluribus 16. de acceptil.* estque numeratio, quæ brevi quasi manu fit *l. singularia ff. de reb. cred.*

Habere duobus modis dicitur: altero, jure dominij: altero, obtinere sine interpellatione id, quod quis emerit.

Habet qui jure dominij habet, puta, qui rei dominus est *l. stipulatio ista §. habere de verb. oblig.* Quo casu *habere* cum effectu accipi debet *l. 164. sup. b. tit.* Deinde habet, qui rem emit, & sine interpellatione obtinet, quod tunc contingit, quando venditor non tenetur rem accipientis facere, *h. e.* quando res vendita securè ab emente habetur, nec evincere potest *h. l. n.*

Cautum intelligitur, siue personis siue rebus cautum sit.

Cavere generaliter accipitur, & comprehendit omnem securitatem, siue illa fiat personis, vel suis-metipsis, ut contingit in eo, qui nudè siue suo nomine

minc

mine promittit l. 1. §. stipulatio dupla ff. de præst. stipulationum & hoc §. n.

AD L. CLXXXIX.

Facere oportere, & hanc significationem habet, ut abstineat qui ab eo, quod contra conventionem fieret: & curaret, ne fiat.

Qui promittit se omnia facturum que facere oportet, non solum suum factum, sed & alienum promittit, quatenus sc. id prohibere potest per hanc l. nost. l. qui non facit 121. ff. de reg. jur.

AD L. CXC.

Provinciales eos accipere debemus, qui in provincia domicilium habent, non eos, qui ex provincia oriundi sunt.

Hujus legis verbis vult Jctus non originem sive nativitatem, sed domicilium facere provincialem: quamvis etiam qui originem ex provincia habet, domicilium ibidem habere possit, Quo casu non ob originem, sed quod domicilium in provincia habeat, pro provinciali habebitur. Qui itaque habet potestatem in provinciales, non habet potestatem in eos, qui quidem origine sua ex ea provincia, sed alibi domicilium constituerunt. Cujat. ad h. l.

AD L. CXCI.

Inter divortium & repudium hoc interest, quod repudiari etiam matrimonium futurum potest; non recte autem sponsa divortisse dicitur. Quod divortium ex eo dictum est, quod in diversas partes eunt, qui discedunt.

Divortium & repudium differre videntur, ut genus & species. Omne divortium potest dici repudium *Breih. ad l. inter divortium 191.* sed non vice versa, omne repudium etiam est divortium; cum repudium in specie acceptum, non quæsitum, sed quærendum sive futurum repudiet *l. 1. §. decretaliu 7. de success. edict. l. 15. potest 18. de acquir. hered. d. l. inter divortium 191. sup. h. tit.*

AD L. CXCII.

Hac adjectio, plurisve, non infinitam pecuniam continet, sed modicam, ut taxatio hac, solidos decem plurisve, ad minutulam summam referatur.

IN rerum æstimationibus & pretijs, quæ incerta & pro varietate temporum varia sunt, definiendis, certi esse semper non possumus, maximè si res, quam fortè in judicio petimus, perierit, & retrò secundum tempora præterita æstimatio ejus ineunda sit, quo casu satis erit, ut rem quali quali æstimatione definiamus; puta, rem meam, quæ decem aureorum, vel circiter, aut, ut JC. hoc loco inquit, pluris fuerit, restitui mihi peto. Sed verbum *pluris*, quomodo interpretabimur? Et taxationem hanc ad minutulam summam referri debere, JCtus hoc loco respondet. *fac. l. 132. h. tit.* Nemo enim immodicè obligari voluisse præsumitur *l. si libertus 30. pr. de oper. libert.* Igitur regula hic quoq; locum obtinebit, quo dicitur; In dubio id quod minimum est, sub quo & modicum continetur, sequimur *l. semper 9 l. 34. de reg. jur.*

AD

AD L. CXCIH.

Hæc verba, Quanti eam rem paret esse, non ad id quod interest, sed ad rei æstimationem referuntur.

SI æstimatio rei non ex affectione actoris, sed communi valore facta ponitur l. si servum 33. pr. ad L. Aquil. & probata est, ex actis illa apparere dicitur. Igitur nulla est differentia inter duas illas clausulas, quanti ea res erit, & quanti eam rem esse apparet. Cætera tractat Goddæus ad l. 179. sup. h. tit.

AD L. CXCIV.

Inter donum & munus hoc interest, quod inter genus & speciem. Nam genus esse donum Labeo à donando dictum, munus speciem. Nam munus esse donum cum causa, ut puta, natalitium, nuptialitium.

CUM donum generaliter omnem rem donatam significet, & in donum in specie sic dictum, quod fit sine causa, & in munus distinguatur, Ulpianus donum ait genus esse, sive generis vicem obtinere, munus speciei sup. ad l. 18. h. tit.

AD L. CXCV.

Pronunciatio sermonis in sexu masculino, ad utrumq; sexum plerumq; porrigitur.

SÆPÈ antè dictum est, masculinum continere fœmininum l. verbum hoc 1. l. qui duos mulos 62. de legat. 3. & passim & h. l. n. sic Ulpianus in l. 2. ff. unde cognati respondit: fœminam ad agnati sui successionem admitti: Quia pronunciatio sermonis masculini, vulgariter utrumque sexum complectitur b. l. n.

AD §. I.

Familiæ appellatio qualiter accipiatur, videamus. Et quidem variè accepta est: nam & in res & in personas deducitur. In res, ut puta in lege duodecim tabularum his verbis: Agnatus proximus familiam habeto.

VOcabulum familiæ varias habet significaciones; accipitur namq; de re sive patrimonio, itemq; de personis: Ad Res solas, sive hereditatem universam refertur in lege XII. tabb. his verbis: *proximus agnatus familiam habeto h. l. n.*

AD §. 2.

Ad personas autem refertur familiæ significatio ita, ut cum de patrono & liberta loquitur lex: Ex ea familia inquit, in eam familiam. Et hic de singularibus personis legem loqui constat.

CUM ad personas refertur, itidem varia habet significata: Refertur enim vel ut ad singulas res, vel ut ad plures. Si ut ad plures, tunc refertur velut ut ad corpus, vel ut ad gentis nostræ originem. Si ut ad corpus, id fit dupliciter, vel enim status æconomicus consideratur, vel jus commune, quo omnes agnatos cognatosq; nostros complectimur, de quibus singulatim dicitur. *Ad personas autem (inquit JC. Ulpianus in hoc §. 2.) refertur familia significatio ita, ut cum de patrono & liberta loquitur lex. Ex ea, inquit, familia (scilicet ex qua Titius manumissus est) in eam familiam scilicet adscribatur. Cum dicimus Titium libertum esse ex familia Seij, de singularibus personis, nempe de hoc Titio loquimur,*
non

non de cognatis vel agnatis patroni & liberti. Vult enim lex libertum esse hujus Seij, non aliorum cognatorum vel agnatorum ejusdem: quasi dicat JCtus; non esse libertum omnium, qui sunt ex ea familia, sed adscribendum in eam familiam, scilicet, quæ est Seij.

AD §. 3.

Familia appellatio refertur & ad corporis cujusdam significationem, quod aut jure proprio ipsorum, aut communi universæ cognitionis continetur. Jure proprio familiam dicimus plures personas, quæ sunt sub unius potestate aut natura, aut jure subjectæ: ut puta, patremfamilias, matremfamilias, filiumfamilias, filiamfamilias, quique deinceps vicem eorum sequuntur, ut puta, nepotes & neptes & deinceps. Pater autem familias appellatur, qui in domo dominium habet, recteque hoc nomine appellatur, quamvis filium non habeat. Non enim solam personam ejus, sed & jus demonstramus. Denique & pupillum patremfamilias appellamus, & cum paterfamilias moritur, quotquot capita ei subjecta fuerunt, singulas familias incipiunt habere. Singuli enim patrumfamiliarum nomen subeunt: Idemque eveniet & in eo, qui emancipatus est: nam & hic sui juris effectus propriam familiam habet. Communi jure familiam dicimus omnium agnatorum. Nam et si patrefamilias mortuo singuli singulas familias habent: tamen omnes, qui sub unius potestate fuerunt, recte ejusdem familia appellabuntur, qui ex eadem domo & gente proditi sunt.

PROponitur in h. §. nostro subdivisio familiae, quatenus corpus denotat, in propriam & communem. Propria est, cum plures personæ unius patrisfamilias potestati subjiciuntur, id quod fit vel naturâ, vel jure. Quos natura nobis subjiciat, enumerat JC. hoc. §. 3. ut puta, inquit, patremfamilias, ma-

matremfamilias, filiumfamilias, filiamfamilia, quique deinceps eorum sequuntur, utputa nepotes, & neptes, & deinceps. *Paterfamilias* autem appellatur, qui in domo dominium habet *h. §. 3. r. cteq;* hoc nomine appellatur, quamvis filium non habeat. Non enim solam personam ejus, sed & is demonstramus *h. §. 2.* Deniq; ait *Ulpianus*, & *p. i. pillum* appellamus patremfamilias. Quia patresfamilias dicimus, qui suæ sunt potestatis, siue puberes siue sint impuberes *l. nam civium 4. de his qui sunt sui vel al. jur.* Deinde jure subjiciuntur patrisfamilias potestati; non tantum jure naturali & divino, quo pertinent liberi, item uxores *Genes. 3. v. 16.* sed etiam civili, ut in adoptione solet evenire, & gentium, uti servi subjiciuntur dominis. Atq; hæc de propria cujusq; familia accipienda. *Familiam communem* siue communi jure universæ cognationis definimus universam agnatorum gentiliūq; cognationem, quæ est eorum, qui ex eodem patrefamilias originem gentemq; suam trahunt; etiamsi singuli propriam alant familiam, suiq; juris omnes existant, aut adhuc in potestate sint *h. §. nostr. verb. communi jure familiam dicimus.*

AD §. 4.

Servitium quoq; solemus appellare familias, ut in edicto Prætoris ostendimus sub titulo de furtis, ubi Prætor loquitur de familia publicanorum: Sed ibi non omnes servi, sed corpus quoddam servorum demonstratur, hujus rei causa paratum, hoc est, vectigalis causa. Alia autem parte edicti omnes servi continentur, uti de hominibus coactis, & vi bonorum raptorum: Item redhibitoria, si deterior res reddatur

ante-

emtoris opera aut familia ejus. Et interdicto unde vi, familia appellatio omnes servos comprehendit.

Jure gentium familiarum appellatione servitia veniunt *h. §. 4.* Referuntur scilicet ad personas sicut privatio. Deinde *servitium* vix hic generaliter usurpatur, & omnes comprehendit, qui sunt in servitio alicujus, etiam liberos homines bonâ fide servientes *h. §. servitium in fin. l. 1. §. familias §. de publican.* Servi autem siue certæ rei causa parati sint, puta, causa *vetigalis*. siue non, ut certum corpus considerantur. Sic familia publicani consideratur; si illa furtum fecit, si vi bona rapuit *d. §. servitium l. 1. §. familia §. de publican. l. 2. §. familia §. vi bon. rapt.* Si familia furtum fecisse dicitur *l. 1. §. familia 18. de vi & vi arm. l. adiles 25. §. familia 1. ff. de adilit. edict.*

AD §. 5.

Sed & filij continentur.

Hic §. accipiendus est de filiis emancipatis, quæ agnationis & gentis jure nituntur *d. §. 3. vers. communi jure. l. peto 69. §. fin. de legat. 2.* Generalis enim est hic versiculus, & pendet ex prima & secunda familiarum significatione, quæ ad personas refertur. *Godd. ad h. §. 5.*

AD §. 6.

Item appellatur familia plurimum personarum, quæ ab ejusdem ultimi genitoris sanguine proficiuntur; sicut dicimus familiam Juliam, quasi à fonte quodam memoria.

Familia generaliter totam gentem complectitur, ita ut omnes personæ, siue sint consanguineæ, siue non, siue masculi sint, siue femina, connumere-

res-

rentur; ut cum dicimus familiam Juliam. Tunc enim ab ultimo genitore, nempe retrò computando, si à nobis initium facimus, & progredimur ad fontem, qui aliàs stirps, item stipes vocari solet, omnes qui ab ejusdem sanguine proficiuntur, hac voce continentur
b. §. n. 6.

AD §. 7.

*Mulier autem familia sua & caput,
& finis est.*

Mulier vocatur caput, quia unà cum marito dominium in domo habet, ejusq; familiam constituit sobolis procreatione; ac finis appellatur, quia quam sobolem enixa est, non in sui patris, sed mariti potestatem familiamq; protrudit, Godd. ad h. §. 7. n. 1. Wesenb. ad §. fin. Inst. de patria potest.

AD L. CXCVI.

Familia appellatione & ipse princeps familia continetur. Fœminarum liberos in familia earum non esse, palam est: Quia qui nascuntur, patris non matris familiam sequuntur.

In præcedenti responso docuit Ulpianus, familiae appellationem & ad res, & ad personas referri: Quod si ad personas, variè accipi, inprimis verò referri ad corpus cognationis; & tum duplicem vim habere; aut enim significare familiam cujusq; propriam, aut communem agnatorum. Propriam constare patrefamilias, matrefamilias, liberis & servis. Quare ex Cajo hæc subjiciuntur confirmandi gratiâ, familiae appellatione & ipsum familiae principem, id est, patrefamilias, contineri. Non enim solis constat membris, sed capite & membris. Cætera plana sunt de
fœ-

fœminarum liberis, quòd eæ in illarum familia non sint *Godd. ad h. l. n.*

AD L. CXCVII.

Indicasse & detulisse, arguisse, accusasse,
& convicisse.

Servus qui necem defuncti indicaverit, pro præmio libertatem consequitur l. 1. §. 5. Ex quib. caus. maj. Indicasse cum effectu accipiendum: Id quod JC. significat, dum ait; *indicasse idem esse, quod detulisse.* Deferre autem idem est, quod accusare, id est, coram iudice nocentem nominare, & ut cognitionem suscipiat petere l. deferre 18. de jure fisci junct. l. qui accusare 9. de accusat. Præmium igitur, quod olim erat quarta pars bonorum condemnati, ei, qui criminis reum indicârit vel arguerit, propositum ei debetur, qui cum effectu indicavit, vel arguit, qui simul etiam reum peregit *Alciat. ad h. l. n.*

AD L. CXCVIII.

Urbana prædia omnia ædificia accipimus, non solum ea, quæ sunt in oppidis, sed & si fortè stabula sunt, vel alia meritoria in villis, & in vicis, vel si pratoria voluptatè tantam deserbientia, Quia urbanum prædium non locus facit, sed materia. Proinde hortos quoq; si qui sunt in ædificiis constituti, dicendum sit, urbanorum appellatione contineri. Plane si plurimum horti in rebus sunt, vinearij fortè, vel etiam olitorij, magis hæc non sunt urbana.

URbanum prædium facit non locus, sed materia. Ubi notandum, materiam non significare materiam ex qua, ut lapides (sic enim omnia ædificia essent urbana l. fundi 21. h. tit. contra l. 4. In quib. caus. pign.

pign. tacite contrah.) sed qualitatem & finem, à quo forma dependet, quem ædificium præbet, qui ex materia siue rebus, quæ ibi habentur, dijudicatur, hanc totam rem æstimamus *l. urbana familia 166. h. t.* Quæ igitur prædia paterfamilias habitationis voluptatisve causa habet, aut ex quibus pensiones recipit, etiam si vini sint, tamen urbana dicemus. Et vice versa, quæ non ad habitandum, sed cogendos fructus, & rem rusticam exercendam comparata sunt, rustica nominamus; licet in urbe sint extructa *l. 1. Comm. prædior.*

AD L. CXCI.

Absentem accipere debemus eum, qui non est eo loci, in quo loco petitur. Non enim trans mare absentem desideramus. Et si fortè extra continentia urbis sit absens. Ceterum usq. ad continentia non abesse videbitur, si non latitet. Abesse non videtur, qui ab hostibus captus est, sed qui à latronibus detinetur.

tur.

NON solum præsens præsentem, sed etiam absens præsentem, & absens absenti tutor dari potest *l. 5. & seqq. ff. de tutorib. & curatorib. dat. ab his.* modò is qui datur, & cui datur, ejusdem sint provinciæ vel municipij *l. 1. l. 3. eod.* Quis ergò abest? Respondet Ulpianus; *Absentem* in hac quæstione, intelligere debemus eum, qui non est eo loci, in quo loco petitur. Sed dixerit fortè aliquis; si is pro absente habendus, qui non est eo loci, in quo loco petitur, necesse erit hunc trans mare abesse. Cui respondet Ulpianus, Imò verò etsi hic quoq; absens sit, adeò tamen stricte in hoc tractatu abesse, & locum non interpretamur;

mur, sed satis est, si usq; ad continentia urbis sit, intellige inclusivè, si sc. in continentibus urbis sit *l. id est 10. de dolo l. item si 14. §. quatenus 10. Quod met. caus. l. 1. §. 1. de peric. & comm. rei vend.* Quia & abesse non videtur, qui ab hostibus captivus est, sed qui à latronibus detinetur, scilicet, abesse *h. l. n.* Scilicet, captus ab hostibus libertatem amittit, & quandiu est apud hostes, caput non habet *l. ult. de capit. de nunt.* quia qui capiebantur, pro ignavis habebantur, ideoq; Romani etiam parva pecunia, quandoq; captivos redimere noluerunt, ut esset militibus insitū, aut vincere, aut mori *Cic. 3. offic.* Igitur nec personam standi in judicio habet *l. servus 6. C. de judic. l. cum servo 107. de reg. jur.* Quæ ratio cessat in capto à latronibus aut piratis. Manet enim liber *l. postliminium 19. §. à piratis 2. l. hostes 24. l. latrones 27. de capt. & postlim. rev.* Ille qui ab hostibus captus est, abesse non videtur. nec procurator ejus nomine dandus; quia nulla ejus ratio habetur, neq; in judicio, neq; in alijs negotijs, quæ per liberas personas sunt expedienda. Hic qui captus est à piratis, à latronibus abesse censeri debet; quia caput in Repub. Romana adhuc habet, ac proinde ejus ratio habenda est, adde *l. hostes sunt 24. de capit. & postlim. revers.*

AD L. C C.

Hæc stipulatio, noxis solutum præstari? non existimatur ad eas noxas pertinere, quæ publicam exercitationem & coercionem capitalem habent.

Hæc stipulatio respicit ædilitium edictum, quod inter alia ad extirpandas fraudes, coërcendasq;

M

ven-

venditorum fallacias inventum est, & tractat de dirimendis controversijs, in actionibus rerum emptarum redhibendarum, & quanti minoris l. 1. §. 1. de edil. edict. In publicis criminibus noxali actione quæ in servos duntaxat datur, §. fin. Instit. de noxal. act. locus non est. Siquidem neq; lex, neq; Prator de ijs verba fecit. §. sunt autem Instit. de noxal. act.

AD L. CCI.

Iusta interpretatione recipiendum est, ut appellatione filij, sicuti filium familias contineri sæpè respondimus, ita & nepos videatur comprehendi: & patris nomine avus quoq; demonstrari intelligatur.

HOc responsum duo continet. Primum est, filii appellatione & filiam & nepotes iusta interpretatione comprehendi: alterum est, patris appellatione demonstrari quoq; avum l. filij 84. l. appellatione 51. h. tit. Scilicet, iusta interpretatione, quando causæ favor aliquis ostenditur, & eadem subest rationi æquitas. V. G. Patri datur jus occidendi adulterum cum filia; id non extenditur ad alium ex patribus l. patri 20. ad L. Ful. de adult. quia cessat ratio. Non enim hoc jus patri, ut patri permittitur, sed quatenus filiam in potestate habet Alciat. h.

AD L. CCII.

Cum in testamento scriptum esset, ut heres in fure, aut in monumento duntaxat, aureos centum consumeret: non licet minus consumere. Si amplius vellet, licet; neq; ob eam rem contra testamentum facere videtur.

Testator hac taxatione sumtuum heredi voluit consulere, ne nimios sumtus in monumentum, vel in funus impendat, sed mediocres, qui videantur sufficere dignitati & exstimationi defuncti l. i. si quis 14. §. hac actio 6. de relig. Hinc suo favori heres renunciandi potestatem habet l. pen. C. de pact. Quid enim si ex consuetudine regionis paulò majores sumtus sine dedecore omitti non potuere? Bart. in l. pecunia. de aliment. legat.

AD L. CCIII.

In lege censoria portus Sicilia ita scriptum erat; Servos quos domo quis ducet suo usu, pro his portorium ne dato. Querebatur, si quis à Sicilia servos Romam mitteret fundi instituendi causa, utrum pro his hominis portorium dare deberet, nec ne? Respondit, duas esse in hac scripturà quæstiones: primum, quid esset domum ducere? quid esset suo usu ducere? Igitur queri soleret, utrum, ubi quisq; habitaret, sive in provincia, sive in Italia, an duntaxat in sua ejusq; patria domus esse rectè diceretur. Sed de ea re constitutum esse, eam domum unicuiq; nostrum existimari, ubi quisq; sedes & tabulas haberet, suarumq; rerum constitutionem fecisset. Quid autem esset usu suo magnam habuisse dubitationem. Ea magis placet, quod victus sui causa paratum est, tantum contineri. Itemq; de servis eadem ratione quero, quæ eorum usus sui causa parati essent: ntrum dispensatores, insularij, villici, atrienenses, textores, operarij quodq; rustici, qui agrorum colendorum causa haberentur, ex quibus agris paterfamilias fructus caperet, quibus se toleraret, omnes deniq; servos, quos quisq; emisset, ut ipse haberet, atq; eis ad aliquam rem uteretur: neq; ideo emisset, ut venderet. Et sibi videri eos demum usus sui causa patremfamilias habere, qui ad ejus corpus tuendum, atq; ipsius cultum præpositi destinatiq; essent. Quo in genere junctores, cubicularij, coci, ministratores, atq; alij, qui ad ejusmodi usum parati essent, numerarentur.

JCtus in hac lege duas resolvit quæstiones. Prior est, quid sit domum ducere? Respondet: Eam domum unicuiq; nostrum existimari, ubi quisq; sedes & tabulas habet, suarumq; rerum constitutionem fecit. Dicit, in qua quis sedes (perpetuas l. fundi 17. §. Labeo 7. de act. emt.) & tabulas (id est rationes accepti & expensi: tabulas siquidem rerum familiarium non conficere, hominis dissolutissimi est) habet; suarumq; rerum constitutionem fecit; eo scilicet animo, quod velit ibi manere l. libertus 17. §. sola domus 13 l. domicilium 20. l. assumptio 6. §. viri 2. l. ejus qui 27. §. pen. ff. ad municip. Posterior quæstio est, quid sit usu suo ducere? Respondet Jctus Alphenus: Quod victus sui causa paratum est, tantum contineri. Cui scilicet conceditur usus, nihil amplius conceditur, quam ut ipse utatur §. minus autem 1. Inst. de usu & habit. Igitur & hac lege illud tantum, quod ad victum & cultum ipsius patrisfamilias ducitur, continebitur h. l. n. Cui consequens est, usu suo ducere patremfamilias eos servos, quos vitæ, tuendi corporis, & cultus sui causa ducit l. verbo victus 43. cum l. seq. h. tit. & h. l. nost.

AD L. CCIV.

Pueri appellatio tres significationes habet: unam cum omnes servos pueros appellaremus: alteram cum puerum contrario nomine puella diceremus: tertiam, cum ætatem puerilem demonstraremus.

PRima significatio refertur ad statum: quia pueri intelliguntur quicunq; servi sive mancipia, nullæ ætatis vel sexus habitæ ratione l. servus 81. §. pueris de legat. 3. Altera significatio ad sexum, ut quemvis puer ac puella discretis nominibus discerni soleant.

tame

tamen pueri appellatione contineatur etiam puella
l. illa verba. 163. §. pueri. sup. h. tit. Tertia refertur ad
 ætatis discrimen, sive ad ætatem puerilem; quæ pue-
 rilis ætas est usq; ad annos pubertatis. Pubertas in-
 cipit in fœminis XII. in masculis XIV. anno §. 1.
Instit. Quib. mod. tut. fin.

AD L. CCV.

*Qui fundum vendidit, pomum recepit. Nuces
 & ficos & uvas duntaxat duracinas & purpureas, & quæ
 ejus generis essent, quas non vini causa haberemus, quas
 Græci τρωξίμους appellarent, recepta
 videri.*

CAsus talis hic proponitur: Qui fundum vendi-
 dit, pomum recepit; legem dixit venditioni, ne
 poma in fundo extantia venirent in venditionem,
 sed manerent emtoris. Recepit pomum, excepit aut
 sibi reservavit. Quæritur quid *pomi* appellatione
 contineatur? Jctus responder, esse pomi appella-
 tionem generalem ad omnes arborum fructus, qui
 cute, non corio, ut castanæ, non crustâ, ut glandes,
 clauduntur, & edendi causa comparati sunt, conti-
 nentur *h. l. n.* Nuces igitur & ficus, uvas item dura-
 cinas, sive duriores & præcoquas, quæ ad esum ser-
 vantur, ut & purpureas, quæ dum adhuc rubescunt
 ante suam perfectionem decerpi, & in olla condiri
 solent, quasq; Græci τρωξίμους, hoc est, commestibi-
 les appellant, venditor excepisse censetur *Alciat. &
 Cujat. ad h. l.*

AD L. CCVI.

*Vinaria vasa propriè vasa torcularia esse pla-
 cet; dolia autem & serias tamdiu in ea causa esse, quam-*

diu vinum haberent : cum sine vino esse desinerent, in eo numero non esse, quoniam in alium usum transferri possent : veluti si frumentum in his abdatur. Eandem causam amphorarum esse, ut cum vinum habeant, tum in basis vinariis ; cum inanes sint, tum extra numerum vinariorum sint ; quia aliud in his abdi possit.

Vasa vinaria dici vult, non ex usu promiscuo, quòd vinum his infungi possit, alioqui omnia vasa fuerint & vinaria ; Sed illa quoad usum peculiarem vini vult facere vasa vinaria, quæ vel vinum jam habent, vel ad nil aliud quàm vinum excipendum sint utilia arg. l. carbonum 167. h. tit. Cujat. ad h. l. & lib. 7. obs. 26.

AD L. CCVII.

Mercis appellatione homines non contineri Melia ait : & ob eam rem mangones, non mercatores, sed venalitarios appellari ait, & rectè.

Mancipiorum venditores separatim habent nomen à mercatoribus. Igitur & subjectum aliud à mercatoribus habebunt. Distincta nomina distinctam rem denotant l. si idem 7. C. de jure codicill. Absurdum autem videtur hominem esse mercem, cum natura & ars merces hominum gratiâ comparet. Præterea sicut mercator merces pro lubitu vendit ; ita & mango mancipia, in id, ut rursus vendat, comparata, ad exemplum mercatorum pro lubitu distrahit b. l. n.

AD L. CCVIII.

Bonorum appellatio, sicut hereditatis, universitatem quandam, ac jus successionis, non singulas res demonstrat.

Idem

Idem traditur in l. 1. de rer. divis. & §. 2. Instit. de reb. corp. & incorp. ubi traditur, hereditatem non res singulas, quæ eâ continentur, sed universum jus significare l. nihil est aliud 24. l. bonorum 49. sup. h. t.

AD L. CCIX.

Coram Titio aliquid facere jussus, non videtur presente eo fecisse, nisi is intelligat. Itaq; si furiosus aut infans sit, aut dormiat, non videtur coram eo fecisse. Scire autem, non etiam velle is debet; nam & invito eo rectè sit, quod jussum est.

Coram dicere sententiam, inquit J Ctus, in l. diem proferre §. 5. de recept. est sapientibus dicere. Quo ipso significare vult vim particulæ coram. Nec enim coram aliquo, est præsentem aliquo, sed est præsentem & intelligente aliquo. Itaq; si furiosus aut infans sit, aut dormiat, non videtur coram eo fecisse. Verba enim cum effectu accipiuntur. Igitur si alicujus interest, actum aliquem geri, necesse est, ut is rem cognoscat & intelligat l. si quis 25. §. si coram 10. de acqu. hered. l. ult. de pact. l. 2. §. merito 10. ff. Ne quid in loco public.

AD L. CCX.

Is qui natus est ex mancipiis urbanis, & missus est in villam nutriendus, in urbanis servus constituetur.

Ratio est; quia non ut rusticæ familiæ adnumeraretur, sed ut educaretur à patrefamilias, in villam missus erat l. urbana 166. l. urbana 198. sup. h. tit. Godd. ad b. l. n.

AD L. CCXI.

Fundi *appellatione omne edificium & omnis ager continetur: sed in usu, urbana edificia, aedes; rustica, villa dicuntur. Locus vero sine edificio, in urbe area, rure autem ager appellatur; idemq; ager cum edificio, fundus dicitur.*

Quid ager, quid villa, quid fundus, quid locus, quid aedes sunt, traditum est in l. ager 27. l. locus 60. l. questio 115. l. urbana 166. l. urbana 198. sup. h. tit. Area vero nihil aliud est, quam locus sine edificio, qui exaruit, ita ut ad generandum sit inutilis per hunc textum,

AD L. CCXII.

Prævaricatores eos appellamus, qui causam adversarijs suis donant, & ex parte actoris in partem rei concedunt: à varicando enim prævaricatores dicti sunt.

Prævaricatorum definitionem nominis & rei Ulpianus hic ponit: Nominis illa est; Prævaricatores à varicando dictos esse, h. e. uti Labeo explicat, à vana certatione l. i. in pr. de prævaricat. Variari est in transversum ire. Varices noxiæ venulæ sunt in cruribus, quæ turgescunt, & impediunt, quominus rectè incedere liceat Alciat. h. num. 1. Inde translatum ad ejusmodi homines, qui varia certatione in transversum eunt d. l. i. de prævaricat. Rei definitio est ista: Prævaricatores esse, qui causam adversarijs suis donant, & ex parte actoris in partem rei concedunt h. l. n. Hoc quomodo fiat, exposuit Ulpianus d. l. i. de prævaricat. Prævaricari eos, qui diversam partem adjuvant, prodita causa sua, quam ipsi

ipsi tuentur. Et rursus in d. l. i. §. *prævaricatorem*. Prævaricatorem eum esse ostendimus, qui colludit cum reo, & translatitiè munera accusandi fungitur, eo quod probationes proprias dissimularet, falsas verò rei accusationes admitteret.

AD L. CCXIII.

*Cedere diem, significat incipere deberi pecuni-
am: Venire diem, significat, eum diem venisse, quo pecu-
nia peti possit. Ubi purè quis stipulatus fuerit, & cecit & venit
dies. Ubi in diem, cecit dies, sed nondum venit. Ubi sub condi-
tione, neq; cecit neq; venit dies, pendente ad-
huc conditione.*

Quemadmodum in omnibus actionibus qualitas causæ quandoq; suspendit effectum, quandoq; non: ita etiam in obligationibus homines quandoq; suspendunt obligationis effectum, quandoq; non. Inde etiam vocabula excogitata sunt, quæ differentiam ejusmodi qualitatis denotant. ut sunt *cedere diem, venire diem*. Et quidem in omni obligatione duo tempora consideranda; prius quo constituitur: posterius quo solvatur. Prior dies cedit, posterior venit. Ideò cedit, quia ante obligationem contractam nondum est, quia nondum obligatio ipsa, non potest dies obligationis dici ejus, quæ ipsamet nondum adfit. Obligatione contracta jam cecit ejus dies, nec enim alius ad eam constituendam expeditur. At tamen obligatione constituta non, statim & venit dies ille, qui post obligationem venire seu exspectari potest. Is autem non est alius, nisi dies solutionis. Igitur aliud est, diem cecisse, aliud diem venisse. Cecit dies cum obligatio nata est; ve-

mit dies cum actio nata est *Alciat. h.* In quibus autem obligationibus dies dicatur cessisse, aut venisse, vel nec cessisse, nec venisse, satis dilucidè ipse *JCtus* illustrat & explicat *h. l. nost.*

AD §. 1.

Æs alienum est, quod nos alijs debemus: æs suum est, quod alijs nobis debent.

TRaditur hic duorum vocum significatio: quæ nimirum inter alienum & suum differentia sit. Alienum est, quod non nostrum, sed alterius est. Id autem est quod alijs debemus, cum isti actionem habeant, consequentem & rem *l. 15. qui actionem de reg. jur.* Eadem ratione è contra nostrum est, quod nobis debetur, cum hoc nomine ipsi actionem habeamus *l. meorum 91. h. tit.* Æs autem pro qualibet etiam aurea & argentea pecunia usitatè dicitur *l. etiam 159. h. tit.*

AD §. 2.

Lata culpa est nimia negligentia, id est, non intelligere, quod omnes intelligunt.

UT homines in administrandis aliorum negotijs alij alijs sunt diligentiores, ita etiam culparum, quæ diligentiae vel negligentiae opponuntur, gradus sunt, & alia culpa major, alia levior judicari solet. Dividitur autem culpa in latam, levem & levissimam *l. contractus de reg. jur.* Summus gradus est latæ culpæ, quæ hic à summo negligentiae & imperitiæ gradu, collatione infimæ *h. e.* minimæ diligentiae describitur. *Lata, inquit, culpa est nimia (id est summi gradus) negligentia, quæ est, non intelligere, quod omnes (sani*

(sani sc. iudicii homines) intelligunt. Hæc cum tam crassa, tam desidiosa negligentia parùm à fraude absit, imò fraus sæpè appelletur l. quod Nerva ff. depos. fit, ut dolo æquiparetur, & in contractibus doli appellatione prohibeatur, dolusq; præsumtus dicatur d. l. quod Nerva ubi Dd. de qua re in l. contractus ff. de reg. jur. latius dictum est,

AD L. CCXIV.

Munus propriè est, quod necessario obimus, lege, more, imperio ejus, qui jubendi habet potestatem. Dona autem propria sunt, quæ nulla necessitate juris, officij, sed spontè præstantur: quæ si non præstantur, nulla reprehensio est: & si præstantur, plerumq; laus inest. Sed in summa in hoc venimus est, ut non quodcunq; munus, id & donum accipiatur: ac quod donum fuerit, id munus rectè dicatur.

Donum genus esse, munus speciem; munerisque significationem triplicem esse, responsum est in l. munus 18. b. tit. l. inter donum 194. eod.

AD L. CCXV.

Potestatis verbo plura significantur: in persona magistratuum, imperium; in persona liberorum, patria potestas; in persona servi, dominium. At cum agimus de noxa deditioe, cum eo, qui servum non defendit, præsentis corporis copiam facultatemq; significamus. In lege Atinia, in potestatem domini rem furtivam venisse videri, etsi ejus vindicanda potestatem habuerit, Sabinus & Caspius ajunt.

Quinq; significationes vocabuli potestati hoc in loco recenset Paulus Jctus: Primò si de magistratu profertur, sumitur pro imperio, quod duplex est, merum & mixtum l. 3. de jurisdic. Secundo si ad libe-

ad liberos transfertur, quasi illi sint in potestate, designatur imperium patrum, quod pater ex beneficio juris civilis in filios familias habet, *de quo in tit. C. & Instit. de patria potestate.* Tertiò, si ad servos refertur, designat dominij jus & potestatem, quam dominus in servos suos jure dominij habet, *de qua tit. Instit. de his qui sui vel al. jur.* Quartò, significat alicujus rei facultatem, & copiam inspiciendi tangendiq; facere, idq; exemplo actionis noxalis demonstrat Ulpianus *h. l. n.* Quintò potestas sumitur pro facultate recuperandæ possessionis omissa & condonata *Godd. h. l. nost.*

AD L. CCXVI.

Verum est, eum qui in carcere clusus est, non videri neq; vinctum, neq; in vinculis esse; nisi corpori ejus vincula sint adhibita.

VLpianus in hac lege differentiam custodiæ & vinculorum declarat; nempe quod vinctorum nomine illi habeantur, quorum corpora vinculis sunt inclusa & colligata: qui verò carceri tantum inclusi, non etiam vincti compedibus & alijs vinculis, hos in custodiam tantum conjectos videri, non etiam vinculis inclusos. Nam carcer, nisi publicus, dedititium non faciebat: vincula autem privata faciebant *l. solutum 48. sup. h. tit.*

AD L. CCXVII.

Inter illam conditionem, cum fari potuerit, & postquam fari potuerit, multum interest. Nam posteriori scripturam uberiorem esse constat; at cum fari potuerit, arctiorem, & id tantummodo tempus significari, quo primum fari possit.

Ex hoc

EX hoc textu patet, quam diligentissimè Jcti veteres fuerint in explicanda conditionum materia: distinctè enim hic explicatur, inter conditionem si scriptum sit, *cum dari potuerit, & postquam dari potuerit*. Nam posteriorem scripturam, inquit Jacobolenus, ubiorem esse constat: at cum dari potuerit, arctiorem: & id tantummodò tempus spectari quo primum fieri possit *h. l. n.*

AD §. I.

Idem ita data conditione, illud facito in diebus, si nihil præterea fuisset adjectum, in biduo conditionem impleri oportet.

Mentio temporis pluraliter & indefinitè prolata, quādoq; vitiat actum, si oportebat tempus definitè exprimi, ut in *l. ita stipulatus 115. in pr. de verb. obligat.* Quādoq; ex natura negotij recipit determinationem *l. 21. §. 1. de constit. pec. §. loca 5. Instit. de verb. oblig.* Quod si à re nulla mora sit, pluralis elocutio duorum numero contenta est *h. l. nost. l. ubi numerus 12. de testib.*

AD L. CCXVIII.

Verbum facere omnem omninò faciendi causam complectitur; dandi, solvendi, numerandi, judicandi, ambulandi.

Verbum facere absolutè positum, ut fit in *l. 2. de verb. oblig.* & passim omne omninò factum continet *h. l. n.* Differt à verbo dare, ut genus & species. Omni dationi inest factum; sed non omni facto inest datio, sive dominiij translatio.

AD L. CCXIX.

In con-

In conventionibus contrahentium voluntatem, potius quam verba spectari placuit. Cum igitur ea lege fundum vectigalem municipes locaverint, ut ad heredem ejus, qui suscepit, pertineret; jus heredum ad legatarium quoque transferri potuit.

PROponitur hic regula talis: In conventionibus contrahentium, voluntatem potius quam verba spectanda. l. semper 34. de reg. jur. Subjicitur ejus regulæ exemplum de herede; quod id nominis ex voluntate contrahentium porrigatur ad legatarium. Heres successor est universalis, successor juris: legatarius est successor singularis, successor rei. Sed in casu proposito nulla diversitatis ratio est. Fundus vectigalis potest ex conventionione transire ad heredem & extraneum, cur non etiam ad legatarium? Quid interest, an institutionis, an legati titulo fundus vectigalis ad alium transeat, cum idem fundus sit, qui ad eundem, seu institutionis, seu legati titulo perveniat? Imò legata legatarius accipit ab herede: Et sic prius in heredem, quam legatorum transit. §. 1. Inst. de legat.

Ad L. CCXX.

Liberorum appellatione nepotes & pronepotes, ceterique qui ex his descendunt, continentur. Hos enim omnes suorum appellatione lex duodecim tabb. comprehendit. Totiens enim leges necessarium ducunt, cognationem singulorum nominibus uti; veluti, filii, nepotes, pronepotes, ceterorumque qui ex his descendunt, quoties non omnibus, qui post eos sunt, praestitum voluerint; sed solis his succurrent, quos nominatim enumerent. At ubi non personis certis, non quibusdam gradibus praestatur, sed omnibus qui ex eodem genere orti sunt, liberorum appellatione comprehenduntur.

SCto cautum erat, ne tutor pupillam suam duceret, vel si-

vel filio suo in matrimonium collocaret. Tutor autem pupilli non prohibetur filiam suam collocare pupillo suo in matrimonium *l. libertum 64. de ritu nupt.* Idem jus esse circa tutoris ac curatoris nepotes neptesq; & deinceps reliquos omnes descendentes, affirmavit Callistratus *h. l. n.* cui subscribit Tryphoninus in *l. non solum 67. de rit. nupt.* Et quod ad omnes tutoris & curatoris descendentes SCtum extendi debeat, quadruplici argumento probat *h. l. n.* Primum proponit his verbis, *liberorū appellatione, &c.*

AD §. I.

Sed & Papirius Fronto libro tertio responsorum ait, prædio cum villico & contubernali ejus, & filiis legato, nepotes quoq; ex filiis contineri, nisi voluntas testatoria aliter habeat. Filii enim appellatione sæpè & nepotes accipi, multifariam placere.

Alterum argumentum est: quod etsi Senatus saltem filiorum meminisset, adhuc tamen SCtum ad nepotes cæterosq; descendentes tutoris ac curatoris per interpretationem extensivam pertinere. Nam si quis leget villicum, ejusq; contubernalem, *h. c.* ancillam conjugem *l. pen. C. comm. utriusq; judic.* cum filiis is intelligitur non solum filium filiamque, sed & nepotes neptesve, & reliquos deinceps, qui ex villico illico ejusq; contubernali descendunt, una cum parentibus legasse. *Godd. h. l. n.*

AD §. 21.

Divus quoq; Marcus rescripsit, non videri sine liberis defunctum, qui nepotem suum heredem reliquit.

Tertium argumentum assumit à Constitutione D. Marci,

Marci, qui assererat, eum non sine liberis defunctū, qui nepotem reliquit heredem : nam quem sine liberis dicere non possumus, hunc necesse est dicamus liberos habere l. nam quem 149. sup. h. tit.

AD §. 3.

Præter hæc omnia natura nos quoq; docet parentes pios, qui liberorum procreandorum animo & voto uxores ducunt; filiorum appellatione omnes, qui ex nobis descendunt, contineri. Nec enim dulciore nomine possumus nepotes nostros, quàm filij, appellare. Etenim idcirco filios filiasq; concepimus, atq; edimus, ut ex prole earum diuturnitatis memoriam in ævum relinquamus.

Quartum argumentum à naturali fine matrimonij & procreationis educationisq; sumit. Qui finis spectatur tam in nepotibus & pronepotibus, quàm in filiis nostris. Merito ergo hos etiam liberos filiorum nomine dignemur, idq; per amplificationem in vers. nec etiam dulciore, subjicit hic Callistratus.

AD L. CCXXI.

Paulus respondit, falsum tutorem eum verè dici, qui tutor non est, sive habenti tutor datus est, sive non; sicut falsum testamentum, quod testamentum non est; & modius iniquus, qui modius non est.

Ratio responsi est: quod paria sint, aliquid non fieri, & non legitimè fieri l. quotiens ff. Qui satisd. cog. Actus igitur nulliter gestus, nullum parit effectum l. non dubium C. de legib. Appellatur quidem falsus tutor, quasi tutor sit, sed is tamen verus non, sed falsus, adeoq; in effectum nullus est tutor, quia nō ab his quibus dandi jus, sive non ei, cui dari potest, sive

sive aliter, non legitimè constitutus sit *tot. tit. Quod falso tut.* Sic & testamentum dicitur nullum, quod in speciem testamentum videtur, sed propter defectum substantialem in effectu est, ac si non esset *tot. tit. de injust. rupt. irrit. testam.* Ita & modius iniquus reverà non est modius. Est enim de substantia modij, æquitas seu æqualitas.

AD L. CCXXII.

Pecuniæ nomine non solum numerata pecunia, sed omnes res tam soli quàm mobiles, & tam corpora, quàm jura continentur.

HOc responso docet Hermogenianus, *pecunia* significationem non solum esse numeratam pecuniam, sed omnes res, quæ in dominio ac patrimonij computatione sunt, vel esse possunt, tam soli quàm mobiles, tam corporales quàm incorporales: unde etiam actiones & obligationes, nomina, servitutes, pignora, & reliqua omnia *pecuniæ* appellatione comprehendipossunt *l. 4. l. 5. l. 6. sup. h. tit.*

AD L. CCXXIII.

Lata culpæ finis est, non intelligere id, quod omnes intelligunt.

LAtæ culpæ finis est, h. e. latæ culpæ definitio est, à fine assumpta: de qua definitione dictum est *ad l. cedere diem 213. §. 2.*

AD §. I.

Amicos appellare debemus, non levi noticia conjunctos, sed quibus fuerint jura cum patrefamilias, honestæ familiaritatis quas rationibus.

N

In hoc

IN hoc textu traduntur requisita veri amici. Debet esse notus, & quidem non leviter, sed per longum tempus à puero, ab adolescentia; tum jura familiaritatis cum eo esse debent, id est, diuturna consuetudine obstrictum eum nobis esse convenit, post ut cum eo, ut paterfamilias (sive sit actu sive potentia talis) conversatio intercedat. Postremò jura illa debent esse quæ sita honestis rationibus, id est, virtute constare: sine virtute enim amicitia consistere non potest Cic. in Laleo.

AD L. CCXXIV.

Vinculorum appellatione vel privata, vel publica vincula significant: custodiæ verò tantum publicam custodiam.

Vinculorum appellatio generalior est. Qui est in vinculis publicis, in custodia sive carcere quoque est; sed non omnis qui in custodia est, etiam in vinculis est Cujat. ad h. l. Vincula ergò & custodia, tanquam genus & species differunt h. l. n.

AD L. CCXXV.

Fugitivus est non is, qui solum consilium fugiendi à domino suscepit, licet id se facturum jactaverit: sed qui ipso facto fugæ initium mente deduxerit. Nam & furem, adulterum, aleatorem, quanquam aliqua significatione ex animi propositione cujusq; sola quis dicere posset: ut etiam is, qui nunquam alienam rem invito domino subtraxerit, nunquam alienam matremfamilias corruperit, si modò ejus mentis sit, ut occasione data id commissurus sit: tamen oportere eadem hæc crimina adsumto actu intelligi: & ideo fugitivum quoq; & erronem, non secundum propositionem solum, sed cum aliquo actu intelligi constat.

Leges

LEges in facta tantum constituuntur, & ex ijs juris oritur *l. si ex plagis 52. §. in clivo ff. ad L. Aquil.* atq; utrumq; concurrat necesse est, ut aliquis teneatur, & animus & factum. Requiritur, ut quis & consilium faciendi habuerit, & ad actum aliquem perficiendæ rei pervenerit *l. quid sit 17. l. bovem 43. §. 3. de edilit. edict.* Unde JCtus hic infert; fugitivum non à consilio fugiendi & cogitatione, non à potentia, vel quod in futurum fugere possit, denominari, sed referri ad factum & conatum, licet iste exitium non sit consecutus *d. l. quid sit fugitivus 17. §. 1.* Hæc Triphoninus exemplis declarat: Dicit enim: *eum qui neq; alienam uxorem unquam violavit, neq; rem alienam unquam invito domino subtraxit, neq; aleam unquam lussit,* posse quidem aliqua significatione, ex animi propositione cujusq; sola, hoc est, à potentia & nuda cogitatione privato arbitrio *καὶ ὁ κεραιῶν adulterum, furem, aleatorem dici;* Si tamen hoc consilium ejus sine omni conatu fuerit, neq; adulterum, neq; aleatorem revera ac proprie juriſſimè auctoritate videri.

AD L. CCXXVI.

Magna negligentia culpa est: magna culpa dolus est.

Culparum, quæ diligentia vel negligentia opponuntur, gradus esse, & culpam aliam majorem, aliam levioſorem judicari ſolere; Item aliam culpam dici latam, aliam levem, aliam levissimam; alium esse dolum. dictum est ad *l. cedere diem 213. §. 3. sup. h. t.*

AD L. CCXXVII.

Ex illa parte edicti, tum quem ei heredem es-

se oportet, heredis heredibus bonorum possessio non deferatur. Item in substitutione his verbis: Quilquis mihi heres erit, proximus heres tantum significatur. Imò non tantum proximus heres, sed etiam scriptus.

HOc in loco verbum heredis ad certam materiam restringitur, nempe ad edictum prætoris, Unde legitimi l. 1. unde legit. Huic adnexa erat clausula, tum quem ei heredem esse oportet, si intestatus mortuus esset. Quibus verbis duo designari Paulus respondet: Primò, ut si neq; suus, neq; descendens aliquis superfit, vocetur proximus agnatus, qui tempore mortis succedere ab intestato potuisset l. proximus 93. h. tit. Deinde, ut ille solus, non etiam heres ejus vocetur h. l. n. Quod autem hic in vers. imò non tantum &c. sequitur, hunc sensum habet: ut is heres & proximus sit, & in eodem testamento heres scriptus, etiamsi ex secundo tertiove gradu adijisset Gadd. ad h. l.

AD L. CC XXVIII.

Municipes intelligendi sunt, & qui in eodem municipio nati sunt.

Municipes dicuntur ex eo, quòd ejusdem muneris sint participes l. 1. §. 1. ad municipal. Quæ ratio, cum non solum in receptis in civitatem, verum etiam in natis in eâ suo modo obtineat, utique & nati rectè municipales dicentur h. l. n.

AD L. CC XXIX.

Transacta finitave intelligere debemus, non solum quibus controversia fuit, sed etiam quæ sine controversiâ sint possessa.

Transactio est de lite. Intellige litem, sive quæ jam sit, sive quam veremur l. 1. de transact. l. 2. e. cod.

ead. Inde *transacta* hîc vocat, etiam illa, quæ sine controversia sunt possessa; quia scilicet controversia potuit moveri. Similiter vult intelligi *finita*, nempe quocunq; alio modo præter transactionem.

AD L. CCXXX.

Ut sunt iudicio terminata, transactione composita, longioris temporis silentio finita.

L Is quidem finitur transactione, sed non solâ: Finitur & jurejurando, & re iudicata, & præscriptione *h. l. n.* Unde etiam dicuntur exceptiones litis finitæ *Sichard. ad l. 19. C. de probat.*

AD L. CCXXXI.

Quod dicimus, eum, qui nasci separatur, pro superstite esse, tunc verum est, cum de ipsius jure quaritur: alijs autem non prodest, nisi natus.

Quia quod pendet non est pro eo quasi sit *l. i. damnum 69. §. 1. de reg. jur.* Si tale est, & ita pendet, ut possit non evenire *l. quod sub ea conditione 18. de condict. indeb.* maximè cum hoc singulare sit privilegium, quod libertatis favor extorsit; unde ad alios non est extendendum *l. ult. C. de hijs qui numero liber.* Non itaq; obtinet hic; cum quis est in potentia propinqua actui, hoc alijs prodesse vel nocere *l. qui pœna 8. §. Divus 2. de manumiss.* ut exinde quis inferat, eum qui in utero est; quia certò speratur nasci, alijs prodesse vel nocere debere, non aliter atq; si natus esset. *Godd. h. l.*

AD L. CCXXXII.

Hac enunciatio, Quæ sunt pluris aureorum.

triginta; simul & quantitatis & æstimationis significativa est.

PRomisisti fundum pluris aureorum triginta, quæritur quid debeas? Jctus ait, & quantitatem seu summam promissam, & simul æstimationem rei exprimi. Quantitas in hac promissione est xxx. aureorum, æstimatio fundi in verbo pluris exprimitur, nempe quod eorum æstimatio major esse debet, quàm 30. aureorum. Nisi igitur hoc casu fundum summam 30. aureorum excedentem dederit, ab eo, cui promisit, liberatus non erit. *Godd. ad h. l.*

AD L. CCXXXIII.

Si calvitur, & moretur, & frustreretur; inde calumniatores appellati sunt; quia per fraudem & frustrationem alios vexarent litibus: inde & cavillatio dicta est,

Illa verba si calvitur, legis sunt, quæ sequuntur, expositionis. Sic itaq; Jctus inquit: Si calvitur, & moretur, & frustreretur (subaudi) significat. Nam qui calvitur, moram injicit, & adversarium frustratur: & qui moratur, non solum frustratur, sed etiam calvitur: at qui frustratur, & calvitur & moratur. Quod autem calvitur idem significat, quod moratur & frustratur, probat Paulus hic argumento conjugatorum: inde (à calvitur scilicet) calumniatores appellati sunt, qui per fraudem & frustrationem alios vexant litibus: inde & cavillatio dicta, hoc est, frustratio, deceptio & calvitas *l. si fidejussor 28. §. in omnibus ff. Mand. hoc est, calliditas, deceptio, fraus. Godd. ad h. l. nost.*

AD §. I.

Post

Post Calendas Januarias die tertio pro salute principis vota subjiciuntur.

IDdeo ineunte anno vota publicè fiebant, ut totius futuri anni successus efficerentur secundi, & mala impendentia, Saturno patre Deorum placato averterentur. Dicitur quidem *in l. unic. C. de oblat. votor.* vota principibus debere fieri, quando felix annus aperitur, sed non dicitur, quo die; Kalendis Januarijs ipsi Principes cum populo votum imperij & ipsius populi gratia faciebant *Tacit. 4. annal.* tertio die, qui sequebatur, populus pro principe vota suscipiebat.

AD §. 2.

Telum vulgò quidem id appellatur, quod ab arcu mittitur; sed nunc omne significatur, quod mittitur manu. Ita sequitur, ut & lapis, & lignum, & ferrum hoc nomine contineatur: dictumq; ab eo, quod in longinquum mittitur. Græco voce figuratum ἀπὸ τῆ τηλῆς. Et hanc significationem invenire possumus & in græco nominè: nam quod nos telum appellamus, illi βέλτε appellunt: eoque nomine vulgò quidem significatur, quod ab arcu mittitur: sed non minus omne significatur, quod cum mittitur manu, ἀπὸ τῆ βάχεος, admonet nos Xenophon: nam ita scribit: καὶ βέλῃ ὁμοσε ἐφέρετο, λόγχοι, τοξέματα σφενδαύαι: πλείοσι γὰρ καὶ λίθοι. Et id quod ab arcu mittitur, apud græcos quidem proprio nomine τόξον vocatur, apud nos autem communi nomine telum appellatur.

Telum quidem vulgò id appellatur, quod ab arcu mittitur. At hoc loco mens legislatoris fuit, omne id, per quod vitæ hominis nocere potest, indicare. Igitur generaliter omne genus armorum teli

appellatione continetur, sive id ferrum sit, sive lapis, sive lignum, &c. Idq; probat autoritate Xenophontis.

AD L. CCXXXIV.

Quos nos hostes, eos veteres perduelliones appellabant, per eam adjectionem indicantes, cum quibus bellum esset.

CAjus hoc loco scribit, quos veteres perduelliones ac perduelles appellarunt, hos nunc appellari hostes l. hostes 118. sup. h. tit.

AD §. 1.

Locuples est, qui satis idoneè habet, pro magnitudine rei quam actor restituendam petit.

IN hoc §. nost. determinatur, quid sit locuples, ex materia subjecta sumendum esse: ut si reus jubeatur locupletem fidejussorem dare l. 2. ff. Qui sat. id. cog. id una & generali & certa definitione explicari nequit, sed considerata magnitudo rei, quam actor petit, & videndum, an fidejussor tantundem in bonis habeat.

AD §. 2.

Verbum vivere quidem putant ad cibum pertinere. Sed Osilius ad Atticum ait, his verbis & vestimenta & stramenta contineri. Sine his enim vivere neminem posse.

Victus à vivendo descendit, & multò plura quàm quæ ad solum corporis nutrimentum spectant, homini ad vivendum necessaria sunt: Ideò verbo victus & vivere non solum cibaria, verùm etiam vestimenta

menta & stramenta, h. e. instrata, cujusmodi sunt
storeæ, lecti, marta, pulvinaria, &c. continebuntur.
l. victus 43. & l. seq. l. instratum 45. sup. h. tit. Nemo
enim sine his commodè & humana ratione vivit,
d. l. victus.

AD L. CCXXXV.

*Ferri propriè dicimus, quæ quis suo corpore ba-
julat; portari ea, quæ quis jumento secum ducit:*

Agi ea quæ animalia sunt.

PROponitur hæc differentia inter ferri, portari &
agi: quæ quidem est ex verborum proprietate,
quæ tamen non apud alios tantum autores, sed et-
iam in usu juris toties confunditur, quoties omnium
est ratio eadem *Godd. ad h. l. nost.* vel si præsertim in
fine conveniant; ut prohibitus *portare* arma ad ho-
stes, prohibitus etiam censetur *ferre*; quia eadem
est ratio in utroq; , ne hostis contra patriam arme-
tur. *Forner. & Alciat. h.* Interim tamen vera & subti-
lis eorum differentia ignoranda non, sed potius ob-
servanda est *l. Labeo 19. l. seq. l. licet sup. h. tit.*

AD §. I.

*Fabros tignarios dicimus non eos duntaxat,
qui tigna dolarent; sed omnes qui ædifi-
carent.*

QVoniam tigni nomine omnem ad ædificandum
materiam in l. XII. tabb. accipimus *l. tigni 7. ad
exhib.* utiq; *fabros tignarios*, si & pretij quantitas ac-
cedat, non eos duntaxat, qui tigna dolant, sed omnes
accipiemus qui ædificant, cujusmodi sunt tectores,
materiarij, parietarij, cæmentarij & reliqui, *de quibus
consulendus Vitruvius.*

N

Ad

Qui venenum dicit, adicere debet, utrum malum, an bonum. Nam & medicamenta venena sunt: quia eo nomine omne continetur, quod adhibitum naturam ejus, cui adhibitum esset, mutat: cum id quod nos venenum appellamus, Græci Φάρμακον dicunt. Apud illos quoque tam medicamenta, quam quæ nocent, hoc nomine continentur; unde adjectione alterius, nomine distinctio sit. Admonet nos summus apud eos Poetarum: nam sic ait: Φάρμακα ποτὶ πολλὰ μὲν ἰσθλὰ μὲν μίγμεια, ποτὶ δὲ λύγρᾳ, Venena multa quidem bona mixta, multa autem noxia.

Venenum ait esse verbum commune, in bonam & malam partem; proinde alterius adjectione distinguendum. Rationem Cajus ipse adducit, quia inquit, eo nomine continetur, quod adhibitum naturam ejus, cui adhibitum esset, mutat. Dictum ab eo, quod citò per venas eat. Transiens enim venas habitu & efficacia (non corpore & substantia sua) naturam mutat, h. e. educit ex omnibus & singulis venis humores malos, si salubre est medicamentum: sin. verò noxium, educit bonos ac salubres humores, reliquos verò inflammat, venas disrumpit, vel obstruit, ulcerat, erodit Godd. ad h. l. n. Hodie venenum vulgari consuetudine de malo intelligi, notat Alciatus hic n. 6.

AD §. I.

Glandis appellatione omnis fructus continetur, ut Favolenus ait, exemplo græci sermonis, apud quos omnes arborum species ἀγκυδογία appellantur.

LEx XII. tabb. & post eam Prætor in l. unic. de glande legenda originis rationem habuerunt. Pri-
mitus

mitus enim antequam fruges inventæ fuerunt, homines glande vescebantur. Inde Romani in signum victus antiquissimi, vel hordeum, eo quod primum ex alimento homines relictis glandibus uti ceperint, vel eo deficiente, quercus folia in hostiam imponebant *Sylvius ad leges 12. tabb.* Glandis igitur appellatione omnes fructus continentur *d. l. unic. de glande leg.* etiam agrorum *l. fin. C. de lege Aquil.* quia una eademq; ratio in pastu, quoad alios fructus obtinet *d. l. un. l. 9. ad exhib.*

AD L. CCXXXVII.

Duobus negativis verbis quasi permittit lex magis, quam prohibuit: idq; etiam Servius animadvertit.

Natura siquidem negationis est, ut id quod invenit positum destruat. Cum igitur secunda negatio priorem inveniat, positam eam destruit, & ejus oppositum ponit: si modò ad idem utraq; negationes tendant, nec diversa respiciant, tunc enim negant. *Exemplum est in l. 2. de injus vocando.*

AD L. CCXXXVIII.

Plebs est ceteri cives sine Senatoribus.

Senatores & plebei, hi duo erant summi ordines in urbe Roma. *Cujat. hic.* Ita hic plebem esse ait, ceteros cives, sine senatoribus. Senatores hic latius exaudi, ut contineantur omnes, patricij & senatores in specie sic dicti *§. lex Instit. de jure natur. gent. & civil.*

Ad §. 1.

Detestatum est testatione denunciatum.

Specul.

SPECIES in toto jure nostro derogat generi *l. in toto* 80. *de reg. jur.* quoniam ergò Ulpianus absentibus ait detestationem fieri, meritò alios JCtos ex illo interpretamur. Differt autem denunciatio ab antestatione *l. subsignatum* 39. §. *detestari sup. h. tit.*

Ad §. 2.

Pignus appellatum est à pugno: quia res quæ pignori dantur, manu traduntur. Unde etiam videri potest, verum esse, quod quidam putant, pignus rei mobilis constitui.

Pignus dicitur à pugno, eò quod pignus manu creditori tradatur *b. §. nost.* Res autem mobilis duntaxat manu tradi potest: Igitur rei mobilis pignus propriè, sive primaria sua significatione, quam habet, vi denominationis constituitur *b. §. n.*

Ad §. 3.

Noxiæ appellatione omne delictum continetur.

Noxa & noxia differunt, sicuti causa & effectus. Noxia enim causam obligationis sive delictum, intellige privatum, ut est furtum, rapina, damnum, injuriæ, denotat *b. §. n. l. 1. pr. si quadrup. paup. fec. dic.* Noxa delicti pœna est *l. stipulatio* 200. *sup. h. tit.*

AD L. CCXXIX.

Pupillus est, qui cum impubes est, desit in patris potestate esse, aut morte, aut emancipatione.

Hoc in loco JCtus declarat requisita, ut quis verè pupillus sit. I. ut sit impubes. II. ut sit à patria potestate liberatus, & quidem per mortem patris, vel per emancipationem: reliqui modi ad eum

non

non pertinent, qui traduntur tit. Instit. Quib. mod. impat potest. solv.

Ad §. 1.

Servorum appellatio ex eo fluxit, quod Imperatores nostri captivos vendere, ac per hoc servare, nec occidere solent.

NOtatio servorum satis nota etiam ex §. Servi antem Inst. de jure pers. item ex l. 4. §. 1. de stat. homin. ut ultorum explicatione hic opus non videatur.

Ad §. 2.

Incola est, qui aliqua regione domicilium suum contulit, quem Græci πῶροικον appellant: nec tantum hi qui in oppido morantur, incolæ sunt; sed etiam qui alicujus oppidi finibus ita agrum habent, ut in eum se quasi in aliquam sedem recipiant.

INcolam Jctus definit non ab habitatione sola, sed à domicilio, siue in oppido hoc fine moreretur, siue intra fines oppidi agrum habeat, in quem se quasi in aliquam sedem recipiat h. §. n. Eodem modo quo & provinciales antea definiti l. provinciales 190. sup. h. tit. & domus siue domicilium in l. 203. h. tit. Qui verò sine domicilij constitutione alicubi ad tempus moratur, ob id solum non est incola Cujat. h. sed est advena, quasi aliunde adveniens §. 4. h. l. n.

AD §. 3.

Munus publicum est officium privati hominis, ex quo commodum ad singulos universosq; cives, remq; eorum imperio magistratus extraordinarium pervenit.

DEScribitur hoc in loco munus publicum extraordinarium, munus enim aliud est ordinarium, quod

quod lege, Scto, Constitutionibus Principum inducitur *l. un. C. de vacat. publ. mun.* aliud extraordinarium, quod temporis alicujus, loci, vel personæ ratione arbitrio judicis injungitur *l. in honoribus §. 2. de muner. & hon.*

Ad §. 4.

Advena est, quem Græci

ἀποικον appellant.

Advena est colonus vel inquilinus oppidi vel agri adventitius, qui domicilium sedemq; sibi nō constituit, quasi domo profugus, & qui sine lare domicilioq; in illo loco sit. Nam ἀποικία significat eū, qui sine domo est. *sup. §. 3. ead. l. ge.*

Ad §. 5.

Decuriones quidam dictos ajunt ex eo, quod initio cum colonie deducerentur, decima pars eorum, qui ducerentur, consilij publici gratia conscribi solita.

Decuriones sunt consiliarij municipales, Coloniarum senatores, à numero sic dicti, ex quibus eligebantur municipales magistratus *Alciat. ad h. l. n. 27.* Dicuntur itaq; Decuriones, quod decimus quisq; ex ijs, qui deducebantur, eligeretur publici consilij causa *tot. tit. C. de decurion. lib. 10.*

Ad §. 6.

Urbs ab urbo appellata est; urbare est aratro definire. Et Varus ait: urbem appellari curvaturam aratri; quod in urbe condenda adhiberi solet.

Apotiori fit denominatio: Igitur qui religionis causa die auspicato circulum sulco faciebant, ut

Pena-

Penates & Gemos magis propitios haberent Romani, ab illo urbo, per quod circulus ille religiosus factus est, urbem nominarunt. *l. 2. sup. h. tit.*

Ad §. 7.

Oppidum ab ope dicitur, quod ejus rei causamœnia sint constituta.

A Fine fit denominatio. Quoniam ergo opis causa oppida muniuntur, ut opponantur hostibus, non ineleganter ab ope oppida hic Jctus tradit *h. §. n.* Cujatius *h. l.* ait, in jure urbem appellari metropolim, ut in *l. 4. §. pen. ff. de damno infect.* sub qua sint oppida.

Ad §. 8.

Territorium est universitas agrorum intra fines, cujusq; civitatis; quod ab eo dictum quidam ajunt, quod magistratus ejus loci, intra eos fines terrendi, id est, submovendi, jus habet.

Territorium dicit Jctus esse universitatem agrorum. Agri hic accipiuntur latè pro fundis quibuslibet *l. ager 27. h. tit.* Dicitur à terrendo; eo quod magistratus ejus universitatis habet jus terrendi, id est, submovendi & castigandi per lictores. Cujatius *ad §. h. nost.*

Ad §. 9.

Verbum suum ambiguum est, utrum de toto, an de parte significet: & ideo qui jurat suum non esse, adjicere debet, neq; sibi communem esse.

Hoc loco traditur: meum, tuum, suum, dici etiam rem, cum alijs communem. Meum est & id, quod pro parte tantum meum est. Igitur ex ejusmodi

modi verbis solis constare nequit, qualiter, an in totum, an pro parte sit meum. Ergo adjiciendum est hoc ipsum. *Alciat. & Godd. ad h. §.*

AD L. CCXL.

Cum quærebatur, an verbum soluto matrimonio dotem reddi, non tantum divortium, sed & mortem contineret, hoc est, an de hoc quoque casu contrahentes sentiant: & multi putabant hoc sensisse, & quibusdam alijs contra videbatur: secundum hoc motus Imperator pronuntiavit, id actum eo pacto, ut nullo casu remaneret dos apud maritum.

DOtem dantes solent pacisci de eadem reddenda, vel in casum utrumque, vel in alterum, mortis, aut divortij. Ubi in eum casum, in quem non pepigerunt, est mulieris actio l. 22. ff. *solut. matrim.* si pactum fuisset simpliciter, de dote soluto matrimonio reddenda, refert Jctus controversiam fuisse, an in divortij casum solum, an in utrumque pactum interpositum debeat censeretur? Sed refert placuisse Imp. Antonino, omnem casum comprehendi; quia scilicet hic nihil refert, nec adjectum est quicquam de modo solutionis. Ergo qualitercunque matrimonio soluto, locus est repetitioni Nov. 22. cap. *deinceps 20. §. 1. l. si cum dotem 22. pr. & tot. tit. soluto matrim.*

AD L. CCXLI.

In rutis casis ea sunt, quæ terra non tenentur, quæque opere struili, rectorive continentur.

IN venditionibus solebant excipi à venditore rata sive cruta, quæcunque terræ cruta sunt, ut sunt arenæ, lapides, creta l. *fundi 17. §. si rata & casa. de act. emti & ca.*

& *caſa*, quæ à terrâ ſciſſa ſunt & ſeparata, ut ſunt arbores, arundines, carbones, titiones &c. *d. l. fundi §. ſiruta*. Quærebat^{ur} quænam in rutis cæſis haberi debeant? Et ſiquidem verborum proprietatem conſideramus, videbantur ea tantum hac clauſula contineri, quæ terrâ ſunt eruta & cæſa. Jctus tamen Scævola definivit, plura contineri hac dictione, ea nempe omnia in rutis cæſis eſſe, quæ terrâ non tenentur *h. l. n.* in cujus ſententiam itum eſt *l. granaria 18. §. ult. de act. emti.* Quæcunq; igitur terrâ non tenentur, aut opere ſtructurili, aut tectorio parietibus affixa non ſunt, in rutis cæſis habentur, & in lege emtionis neceſſum non eſt excipi, cum emtorem non ſequantur *l. Celfus §. §. idem Julianus 2. ff. ad exhib. l. in vendendo 66. in fin. de contrah. emt.* Ruta itaque cæſa, fundo vendito, non pertinent ad emtorem; etſi non excipiantur expreſſè: juncta & fixa (quæ rutis cæſis opponuntur) pertinent *d. l. Celfus §. ſi ruta caſa 6.* cui conſentit, quod noſtri dicunt, ædibus venditis cedere alles mas erd. vnuud nagelfeſt iſt: niſi nominatim quid ejus excipiat^{ur}. Cæterum opus ſtructurile eſt, quod fit ex calce & cæmentis *Cujat. h. quod ex lapide quadrato, aut laterculis, calceq; conſtructum Alciat. h. n. §.* Tectorium à tegendo, eſt in-cruſtatio ſeu expolitio parietum *Alciat. d. loc.*

AD L. CCXLII.

Malum navis eſſe partem, artemonem autem non eſſe, Labeo ait: quia pleraq; naves ſine malo inutilis eſſent: ideoq; pars navis habetur: artemon autem magis adjectamento, quàm pars navis eſt.

NAve venditâ, aut legatâ, refert scire, quæ sint partes vel membra navis, quæ non: Nam cum totum ex partibus constet, etiam partes debebuntur, navi debita. Id Ictus declarat exemplis mali & artemonis. *Malus* seu arbor navis, est pars navis, quia naves pleræq; maximè majores, eodem carere nequeunt l. 41. de evict. At *artemon* non est pars navis: *Malus* generaliter usui est navigationi; *artemon* non item, sed tantum in casu necessitatis Cajat. Alciat. & Godd. h. l.

AD §. I.

Inter projectum & immissum hoc interesse ait Labeo, quod projectum esset id, quod ita proverberetur, ut nusquam requiesceret: qualia mœnia & suggrundia essent: Immissum autem, quod ita fieret, ut aliquo loco requiesceret, veluti tigna, trabes, quæ immitterentur.

PROJICERE est porro jacere. Jacere autem est in apertum aërem mittere, sine discrimine, ubi telum, vel illud quod jacitur, requiescat. Indæ Mœnianum à Censore Mœnio dictum, illud projectum, quod extra ædes ita ut nullibi requiescat, porrigitur, quo spectantes possunt insistere, Germanis etiam Erctet. Suggrundia sunt reliqua projecta, quæ ut plurimum stillicidij avertendi causa fiunt dicte Errectet/ dicta à *suggruendo*, quod quasi latenter & pedetentim progrediantur è parietibus & tectis. Differt projectum & immissum. Id, quod immittitur, necessum est, in aliquem locum immittere, in quo requiescat: veluti si tignum, trabem, in vicini parietem immittere. Id quod projicitur, non quiescit alibi, quàm in

in loco, ex quo projicitur. Sic projiciuntur mœniana, & suggrundia *b. s. n.*

AD §. 2.

Plumbum, quod tegulis poneretur, adificij esse, ait Labeo: sed id, quod hypæthri tegendi causa poneretur, contra esse.

Ædes, plumbo tectas, vendidit, quæritur de plumbo, an sit ædium? Jctus adfirmat, ita tamen, ut id quod hypæthri tegendi causa poneretur, ædium non sit: ejus enim usus nec perpetuus est, nec adeò ædes ipsas spectat, sed patremfamilias. Est enim hypæthrum, solarium, quo apricari soleamus *b. s. n.*

AD §. 3.

Viduam non solùm eam, quæ aliquando nupta fuisset, sed eam quoq; mulierem, quæ virum non habuisset, appellari, ait Labeo: quia vidua sic dicta est, quasi vecors, & insanus, qui sine corde aut sanitate esset. Similiter viduam dictam esse, sine duitate.

Vidua dicitur quasi valdè idua, id est, valdè divisa, scilicet, à viro. Iduare enim est dividere Tusca lingua. Aut quasi vè, dua, id est, sine duobus, utpote quæ sola vivit, nec collocata est in matrimonium. Posteriolem notionem nominis Labeo approbat, dum ad exemplum vecordis & vesani eam factam adserit. Quæcunq; igitur mulier, dummodò non sit impubes, viro caret, sive eam nunquam habuit, ut virgo, sive habuit, & decessit, iterum autem nupta non est, ut vidua in specie sic dicta, sive habet virum, sed is diutius abest, vel est inutilis *l. s. de sponsal. 6. 2. de translat. Epis. c. viduas 1. quest. 2.*

AD §. 4.

Straturam loci alicujus ex tabulis factis, quæ æstate tollerentur, & hyeme ponerentur, adium esse,

ait Labeo: neq; ad rem pertinere, quod interim tollerentur.

Stratura est species structuræ; & potissimum est illa structura, qua pavimentum & ea, quibus incedimus, instruuntur; sic enim stratam dicimus viam *Godd. ad h. §. n.*

AD L. CCXLIII.

Scævola respondit, semper acceptum est, ut libertorum appellatione etiam hi contineri intelligantur, qui eodem testamento, vel posteriore loco manumitterentur: nisi manifestè is, à quo peterentur, contra defuncti voluntatem doceret peti.

Testator libertis legavit alimenta; postea quosdam servos manumisit, *J*Ctus respondet, & hos intelligi libertos, & posse alimenta petere. Unum enim testamentum est, in quo præcedentia aptantur sequentibus *Cujat. hic.* Sed si possit doceri de testatoris voluntate contraria, hæc præfertur. Is autem docere debet, à quo alimenta petuntur, hæc enim ejus est exceptio in qua fit actor *l. 1. de except.*

AD L. CCXLIV.

Si qua pœna est, multa est; si qua multa est, pœna est. Paulus: utrumq; eorum falsum est. Namq; harum rerum dissimilitudo ex hoc quoq; apparet, quod de pœna provocatio non est: simul enim atq; victus quis est ejus malefij, cujus pœna est statuta, statim ea debetur. At multe provocatio est: nec ante debetur, quam aut non est provocatum, aut provocator victus est; nec aliter quàm si is dixit, cui dicere liceret.

Sicut

Sicut genus & species hæc duo pœna & mulcta inter se differunt. Omnis enim mulcta pœna est, sed non omnis pœna, mulcta est. Pœna enim supplicium, exilium, relegationem continet, ad litis item æstimationem refertur; Mulcta saltem pecuniaria est. A pœna non provocatur; at mulctæ provocatio est *h. §. n. l. aliud est fraus 131. §. 1. h. tit.*

AD L. CCXLV.

Statuæ adfixæ basibus structilibus, aut tabulæ religatæ catenis, aut erga parietem adfixæ, aut si similiter cohærent lychni, non sunt ædium: ornatus enim ædium causa parantur, non quo ædes perficiantur. Idem Labeo ait, prothyrum, quod in ædibus iterum, qui fieri solet, ædium est.

DUæ legis partes sunt. In priori proponitur, non esse ædium, quod est tantum ornatus causa, non autem ad ædes perficiendas. Adfert tria exempla. I. est de statuis affixis, basibus structilibus. Basis est sedes, & pedamentum cuiq; rei sustinendæ *Alciat. h. n. 2.* II. est de tabulis, parieti cohærentibus. III. de lychnis, seu candelabris etiam affixis. Ratio decisionis est, quòd non perpetui usus, sed tantum ornatus causa, nec ut perpetuò, tanquam ædium pars ibi manerent, sed ne deciderent, aut facillè subtrahi possent, affixa sint. In posteriori adjicit, de prothyro, quod sit ædium. Prothyrum, est velamen, quo aditus ædium obtenditur *l. quesitum 12. §. Papi- nianus 23. de instrum. vel instruct. leg. Alciat. & Godd. h.*

AD L. CCXLVI.

Apud Labeonem pithanôn ita scriptum est: Exhibet qui præstat ejus, de quo agitur, præsentiam. Nam etiam

etiam, qui sistit, præstat ejus, de quo agitur, præsentiam, nec tamen eum exhibet: Et qui mutum, aut furiosum, aut infantem exhibet, non potest videri ejus præstare præsentiam.

Nemo enim ex eo genere præsens satis aptè appellari potest.

L Ab eo in libro pithanôn sive verisimilium scripserat, exhibere nihil aliud esse, quàm præsentiam ejus, de quo agitur, præstare: Et præsentiam præstare nihil aliud esse, quàm exhibere. Hoc falsum esse Pomponius duplici arguit argumento *h. l. tum quia*, qui sisti aliquem promisit, præsentiam ejus præstat; nec tamen exhibet: *tum quia* qui mutum, aut surdum, aut furiosum, aut infantem præstat, exhibet quidem, sed præsentiam non præstat: quippe quod satis aptè non possint dici præsentia, qui non intelligunt quid agatur, aut actum peragere non possint, nec animi sensum coram referre queant. At præsentia non solum est corporis, sed & animi, imò maximè animi *l. coram Titio 209. l. absentem sup. h. tit.* Cæterum Paulus exhibere, dicit, esse facere in publico potestatem, ut ei qui agat, experiundi sit copia *l. 2. ff. ad exhib.*

Ad §. I.

Restituit non tantum, qui solum corpus, sed etiam qui omnem rem conditionemque reddita causa præstat:

Et tota restitutio juris est interpretatio.

Quæritur, quid sit restituere? Pomponius dicit *hoc loco*, restituere esse non nudum ac solum ipsum quod exhiberi petebatur, corpus reddere, sed idem cum sua causa, fructibus, accessionibus ac jure præstare *l. plus est 22. l. restituere 35.*

l. restituere 75. h. tit.

F I N I S.

INDEX LEGUM AC PARAGRAPHORUM, QUÆ IN HIS COMMENTARIJS DE RERUM & VERBORUM SIGNIFICATIONE CONTINENTUR.

V erbum hoc	l. 1.	Princeps bona	l. 21.
Urbis appellatio	l. 2.	Plus est in restitutione	l. 22.
Cujuscunq; diei	§. 1.	Rei appellatione	l. 23.
Itinere faciendo	l. 3.	Nihil est aliud	l. 24.
Ejus qui apud hostes	§. 1.	Rectè dicimus	l. 25.
Nominis appellatione	l. 4.	Quintus Mutius	§. 1.
Rei appellatio	l. 5.	Partum non esse	l. 26.
Opere locato.	§. 1.	Ager est locus	l. 27.
Nominis & rei appellatio	l. 6.	Stipendium.	§. 1.
Verbum ex legibus	§. 1.	Alienationis verbum	l. 28.
Sponsio appellatur	l. 7.	Oratio quæ	§. 1.
Verbum oportebit	l. 8.	Conjunctionem enim	l. 29.
Actionis verbo	§. 1.	Silva cadua est	l. 30.
Marcellus apud Julianū	l. 9.	Stipula illeſta	§. 1.
Creditores accipiendos	l. 10.	Noſalis eſt	§. 2.
Creditorum appellatione	l. 11.	Integra autem	§. 3.
Ut ſi cui ex empto	l. 12.	Glans caduca eſt	§. 4.
Minus ſolvit	§. 1.	Pascua ſilva	§. 5.
Mulieris appellatione	l. 13.	Partum eſt	l. 31.
Res abeſſe	§. 1.	Minus ſolutum	l. 32.
Deſinere autem	§. 2.	Palam eſt	l. 33.
Ob hoc quod	§. 3.	Actionis verbo	l. 34.
Labeo & Sabinus	l. 14.	Reſtituere autem	l. 35.
Rem amiſiſſe	§. 1.	Litis nomen	l. 36.
Bona civitatis	l. 15.	Verbum oportere	l. 37.
Eum qui veſtigal	l. 16.	Oſtentum	l. 38.
Inter publica	l. 17.	Subſignatum	l. 39.
publica veſtigalia	§. 1.	Bona intelliguntur	§. 1.
Munus tribus modis	l. 18.	Deſteſari eſt	§. 2.
Labeo libro primo	l. 19.	Incertus poſſeſſor.	§. 3.
Verba contraxerunt	l. 20.	Deſteſtatio eſt	l. 40.
		Servi	

INDEX LEGUM AC

Servi appellatio	§. 1.	Alienatum	l. 67.
Familiae appellatio	§. 2.	Donationis	§. 1.
Unicus servus	§. 3.	Illa verba	l. 68.
Armorum appellatio	l. 41.	Hæc verba	l. 69.
Probrum & opprobrium	l. 42.	Sciendum est	l. 70.
Verbo victus	l. 43.	Verba hæc	§. 1.
Et cætera	l. 44.	Aliud est capere	l. 71.
Instratum	l. 45.	Hæc verba	§. 1.
Renunciatum	l. 46.	Appellatione rei	l. 72.
Matremfamilias	§. 1.	Hæc verba	l. 73.
Liberationis verbum	l. 47.	Signatorius annulus	l. 74.
Solutum	l. 48.	Restituere	l. 75.
Bonorum appellatio	l. 49.	Dedisse	l. 76.
Nurus appellatio	l. 50.	Frugem	l. 77.
Appellatione parentis	l. 51.	Interdum proprietatem	l. 78.
Patroni appellatione	l. 52.	Impense	l. 79.
Sæpe ita comparatum	l. 53.	Utiles	§. 1.
Item dubitatum	§. 1.	Voluptaria	§. 2.
Conditionales creditores	l. 54.	In generali	l. 80.
Creditor autem	l. 55.	Cum prætor	l. 81.
Cognoscere instrumenta	l. 56.	Verbum amplius	l. 82.
Liberorum	§. 1.	Proprie bona	l. 83.
Cui præcipua cura	l. 57.	Filij appellatione	l. 84.
Persequi	§. 1.	Neratii	l. 85.
Licet inter gesta	l. 58.	Quid aliud	l. 86.
Paternos	§. 1.	Ut Alfenus	l. 87.
Portus appellatus	l. 59.	Tantum quisq.	l. 88.
Locus est	l. 60.	Boves magis	l. 89.
Loci appellationem	§. 1.	Hoc sermone	§. 1.
Sed fundus	§. 2.	Inter edere	§. 2.
Satisfactionis	l. 61.	Qui uti	l. 90.
Tigni appellatione	l. 62.	Meorum	l. 91.
Penes te amplius	l. 63.	Proximus	l. 92.
Intestatus est	l. 64.	Mobentium	l. 93.
Heredis appellatio	l. 65.	Verbum reddendi	l. 94.
Mercis appellatio	l. 66.	Potest reliquorum	l. 95.
		Ligens	

PARAGRAPHORUM.

<i>Litus est</i>	l. 96.	<i>Hec verba ille aut ille</i>	l. 124.
<i>Prædia</i>	§. 1.	<i>Nepos</i>	l. 125.
<i>Cum stipulamur</i>	l. 97.	<i>Si cum fundum</i>	l. 126.
<i>Cum bisextum</i>	l. 98.	<i>Vestis appellatione</i>	l. 127.
<i>Cato putat</i>	§. 1.	<i>Spadonum</i>	l. 128.
<i>Mensis autem</i>	§. 2.	<i>Qui mortui</i>	l. 129.
<i>Notionem accipere</i>	l. 99.	<i>Lege obvenire</i>	l. 130.
<i>Continentes</i>	§. 1.	<i>Aliud fraus est</i>	l. 131.
<i>Instrumentorum</i>	§. 2.	<i>Inter multam autem</i>	§. 1.
<i>Speciosas</i>	l. 100.	<i>Anniculus</i>	l. 132.
<i>Inter stuprum</i>	l. 101.	<i>Falsum est</i>	§. 1.
<i>Divortium</i>	§. 1.	<i>Si quis sic</i>	l. 133.
<i>Verum est</i>	§. 2.	<i>Anniculus non</i>	l. 134.
<i>Serbis legatis</i>	§. 3.	<i>Queret aliquis</i>	l. 135.
<i>Derogatur legi</i>	l. 102.	<i>Generi</i>	l. 136.
<i>Licet capitalis</i>	l. 103.	<i>Ter enixa</i>	l. 137.
<i>Ἡ τῶν τέκνων</i>	l. 104.	<i>Hereditatis</i>	l. 138.
<i>Modestinus</i>	l. 105.	<i>Ædificia Romæ</i>	l. 139.
<i>Dimissoria literæ</i>	l. 106.	<i>perfecisse</i>	§. 1.
<i>Adsignare libertum</i>	l. 107.	<i>Cepisse</i>	l. 140.
<i>Debitor</i>	l. 108.	<i>Etiam ea mulier</i>	l. 141.
<i>Bonæ fidei emptor</i>	l. 109.	<i>Triplici modo</i>	l. 142.
<i>Sequester</i>	l. 110.	<i>Id apud se</i>	l. 143.
<i>Censeri</i>	l. 111.	<i>Massurius</i>	l. 144.
<i>Littus publicum</i>	l. 112.	<i>Virilis</i>	l. 145.
<i>Morbus fonticus</i>	l. 113.	<i>Soceri</i>	l. 146.
<i>Solvendo esse</i>	l. 114.	<i>Qui in continentibus</i>	l. 147.
<i>Quæstio est</i>	l. 115.	<i>Non est sine liberis</i>	l. 148.
<i>Quisquis mihi</i>	l. 116.	<i>Nam quem</i>	l. 149.
<i>Non potest</i>	l. 117.	<i>Si ita à te</i>	l. 150.
<i>Hostes hi</i>	l. 118.	<i>Delata hereditas</i>	l. 151.
<i>Hereditatis</i>	l. 119.	<i>Hominis appellatione</i>	l. 152.
<i>Verbis legis</i>	l. 120.	<i>Intelligendus est</i>	l. 153.
<i>Usura pecuniæ</i>	l. 121.	<i>Mille passus</i>	l. 154.
<i>Servius ait</i>	l. 122.	<i>Proximi</i>	l. 155.
<i>Verbum erit</i>	l. 123.	<i>Majore parte</i>	l. 156.

INDEX LEGUM AC

<i>Paries est</i>	l. 157	<i>Paterfamilias</i>	l. 182
Item <i>via</i>	§. 1	<i>Taberna</i>	l. 183
<i>In usu juris</i>	l. 158	<i>Inde tabernacula</i>	l. 184
<i>Etiā aureos</i>	l. 159	<i>Instructam autem</i>	l. 185
<i>Ceterorum</i>	l. 160	<i>Commendare</i>	l. 186
<i>Non est pupillus</i>	l. 161	<i>Verbum exacta</i>	l. 187
<i>In vulgari</i>	l. 162	<i>Habere</i>	l. 188
Si quis ita	§. 1	<i>Cautum intelligitur</i>	§. 1
<i>Illā verba</i>	l. 163	<i>Facere</i>	l. 189
<i>Pueri</i>	§. 1	<i>Provinciales</i>	l. 190
<i>Nomen filiarum</i>	l. 164	<i>Inter divorcium</i>	l. 191
<i>Partionis</i>	§. 1	<i>Hac adjectio</i>	l. 192
<i>Habere</i>	§. 2	<i>Hac verba</i>	l. 193
<i>Venisse ad heredem</i>	l. 165	<i>Inter donum</i>	l. 194
<i>Urbana familia</i>	l. 166	<i>Pronunciatio</i>	l. 195
<i>Pernoctare</i>	§. 1	<i>familia appellatio</i>	§. 1
<i>Carbonum</i>	l. 167	<i>familia</i>	§. 2
<i>Pali & pertica</i>	l. 168	<i>Servitutum</i>	§. 3
<i>Non tantum</i>	l. 169	<i>Item appellatur</i>	§. 4
<i>Heredis</i>	l. 170	<i>Mulier</i>	§. 5
<i>Perbenisse</i>	l. 171	<i>Familia appellatione</i>	l. 196
<i>Liberti</i>	l. 172	<i>Famularum liberos</i>	§. 1
<i>Collegarum</i>	l. 173	<i>Indicasse</i>	l. 197
<i>Qui extra</i>	§. 1	<i>Urbana pradia</i>	l. 198
<i>Aliud est</i>	l. 174	<i>Absentem accipere</i>	l. 199
<i>Faciendi verbo</i>	l. 175	<i>Absesse non videtur</i>	§. 1
<i>Solutionis verbo</i>	l. 176	<i>Hac stipulatio</i>	l. 200
<i>Natura cavillationis</i>	l. 177	<i>Iusta interpretatione</i>	l. 201
<i>Pecunia verbum</i>	l. 178	<i>Cum in testamento</i>	l. 202
<i>Hereditas</i>	§. 1	<i>In lege censoria</i>	l. 203
<i>Actionis</i>	§. 2	<i>Pueri appellatio</i>	l. 204
<i>Hoc verbum debuit</i>	§. 3	<i>Qui fundum</i>	l. 205
<i>Inter hac verba</i>	l. 179	<i>Vinaria vasa</i>	l. 206
<i>Tagurij appellatione</i>	l. 180	<i>Mercis</i>	l. 207
<i>Ofilius ait</i>	§. 1	<i>Bonorum</i>	l. 208
<i>Verbum illud pertinere</i>	l. 181	<i>Coram Titio</i>	l. 209
		<i>Is qui</i>	

PARAGRAPHORUM.

<i>Is qui natus</i>	<i>l. 210</i>	<i>Quos nos hostes</i>	<i>l. 234</i>
<i>Fundi appellatione</i>	<i>l. 211</i>	<i>Locuples</i>	<i>§. 1</i>
<i>Prævaricatores</i>	<i>l. 212</i>	<i>Verbum bibere</i>	<i>§. 2</i>
<i>Cedere diem</i>	<i>l. 213</i>	<i>Ferri propriè</i>	<i>l. 235</i>
<i>Æs alienum</i>	<i>§. 1</i>	<i>Fabros ignarios</i>	<i>§. 1</i>
<i>Lata</i>	<i>§. 2</i>	<i>Qui venenum</i>	<i>l. 236</i>
<i>Munus propriè</i>	<i>l. 214</i>	<i>Glandis</i>	<i>§. 1</i>
<i>Potestatis verbo</i>	<i>l. 215</i>	<i>Duobus negativis</i>	<i>l. 237</i>
<i>Verum est</i>	<i>l. 216</i>	<i>Plebs</i>	<i>l. 238</i>
<i>Inter illam</i>	<i>l. 217</i>	<i>Detestatum</i>	<i>§. 1</i>
<i>Item ita data</i>	<i>§. 1</i>	<i>Pignus</i>	<i>§. 2</i>
<i>Verbum facere</i>	<i>l. 218</i>	<i>Pupillus</i>	<i>l. 239</i>
<i>In conventionibus</i>	<i>l. 219</i>	<i>Servorum</i>	<i>§. 1</i>
<i>Liberorum</i>	<i>l. 220</i>	<i>Incola</i>	<i>§. 2</i>
<i>Sed & Papirius</i>	<i>§. 1</i>	<i>Munus publicum</i>	<i>§. 3</i>
<i>Dixit quoque</i>	<i>§. 2</i>	<i>Advena</i>	<i>§. 4</i>
<i>Præter hæc.</i>	<i>§. 3</i>	<i>Decuriones</i>	<i>§. 5</i>
<i>Paulus respondit</i>	<i>l. 221</i>	<i>Urbs</i>	<i>§. 6</i>
<i>Pecuniæ</i>	<i>l. 222</i>	<i>Oppidum</i>	<i>§. 7</i>
<i>Lata culpa</i>	<i>l. 223</i>	<i>Territorium</i>	<i>§. 8</i>
<i>Amicos</i>	<i>§. 1</i>	<i>Verbum suum</i>	<i>§. 9</i>
<i>Vinculorum</i>	<i>l. 224</i>	<i>Cum quærebatur</i>	<i>l. 240</i>
<i>Fugitivus est</i>	<i>l. 225</i>	<i>In ratus</i>	<i>l. 241</i>
<i>Magna negligentia</i>	<i>l. 226</i>	<i>Malum nabis</i>	<i>l. 242</i>
<i>Ex illa parte</i>	<i>l. 227</i>	<i>Inter projectum</i>	<i>§. 1</i>
<i>Item in</i>	<i>§. 1</i>	<i>Plumbum</i>	<i>§. 2</i>
<i>Municipes</i>	<i>l. 228</i>	<i>Viduam</i>	<i>§. 3</i>
<i>Transacta</i>	<i>l. 229</i>	<i>Straturam</i>	<i>§. 4</i>
<i>Ut sunt iudicio</i>	<i>l. 230</i>	<i>Scævola respondit</i>	<i>l. 243</i>
<i>Quod dicimus</i>	<i>l. 231</i>	<i>Si quæ pœna est</i>	<i>l. 244</i>
<i>Hæc enunciatio</i>	<i>l. 232</i>	<i>Statua affixa</i>	<i>l. 245</i>
<i>Si calvitur</i>	<i>l. 233</i>	<i>Idem labes</i>	<i>§. 1</i>
<i>Post Kalendas</i>	<i>§. 1</i>	<i>Apud Labeonem</i>	<i>l. 246</i>
<i>Telum</i>	<i>§. 2</i>	<i>Restituit</i>	<i>§. 2</i>

IN.

INDEX NOMINUM; VERBORUM, PRÆPOSITIO- num & Rerum: demonstrans qui- bus in LL. de his tractetur.

A nnus	48	C onsilium	53
Annulus	132	Cateri	160
Auxilium	53	Conjunctio	142
Arbitratus	ibid.	<u>Cassillatio</u>	177
Aliquorum	96	Carcer	216
Adulterium	101	Custodia	224
Absens	199	Carere	76. 140
Amici	223	Cognoscere	56
Abrogare	102	Censere	111.
Assignare	107	Commendare	186
Abesse	173. 199	Canere	188
Apud	63	Cedere diem	213
Ante	122	Calumniari	233
Amplius	82	Cum	219. 225
Es alienum	213	Coram	209
Arma	41	Creditor	10. 11. 12. 54. 55
Artemon	242	Cibus	228
Ager	37. 111. 115	Collegium	85
Area	111	Collega	172
Ædes	203	Contubernales	184
Aëus	19	Carbones	167
Alienatio	28. 67	Continens	99
Actio	8. 78	Contractus	19. 20
Edificium	242. 245	<u>Causa capitalis</u>	130
Accipere	76	D ies & diei iter	2. 3
Amphora	206	Dolus malus	69. 226
B isextilis annus	48	Disortium	101. 181
Bona civitatis	15. 16	Donum	18. 194. 214
Bona publica	ibid. & 17	Detestari	39. 237
Bona	21. 39. 83. 88. 182. 208	Disjungere	56
Bona quoduplicia	44	Derogare	102
Boves	89	Debere	114
		Dum	

INDEX N. U. P. ET RER.

<i>Dum</i>	<u>89</u>	H <i>Abere</i>	<u>143. 164.</u>	<u>188</u>
<i>Duntaxat</i>	<u>202</u>	<i>Habere filium</i>		<u>142</u>
<i>Due negativa pro affirmativa</i>		<i>Homo</i>		<u>152</u>
	<u>237</u>	<i>Hoflis</i>		<u>234</u>
<i>Debitor</i>	<u>108</u>	<i>Heres</i>	<u>65. 70. 170. 227.</u>	
<i>Decurio</i>	<u>239</u>			<u>219</u>
<i>Dolia</i>	<u>206</u>	<i>Hereditas lege obveniens</i>		<u>130</u>
<i>Domus</i>	<u>203</u>	<i>Hereditas delata</i>		<u>152</u>
<i>Donatio</i>	<u>67</u>	I <i>Ntestatus est</i>		<u>64</u>
<i>Detestatio</i>	<u>40</u>	<i>Impensa</i>		<u>79</u>
<i>Dare</i>	<u>76</u>	<i>Ille aut ille</i>		<u>224</u>
E <i>St, erit</i>	<u>123</u>	<i>Intra diem mortis</i>		<u>124</u>
<i>Emptor</i>	<u>110</u>	<i>Incola</i>		<u>229</u>
<i>Exhibitio</i>	<u>22</u>	<i>Instratum</i>		<u>45</u>
<i>Erro</i>	<u>225</u>	<i>Jura pradiorum</i>		
<i>Exigere</i>	<u>187</u>	<i>Immissum</i>		<u>242</u>
<i>Exhibere</i>	<u>246</u>	<i>Indicare rem</i>		<u>197</u>
F <i>Actum</i>	<u>59</u>	L <i>Ati culpa</i>	<u>213. 223. 226</u>	
<i>Furtum</i>	<u>129. 230.</u>	<i>Locuples</i>		<u>134. 239</u>
<i>Falsum testamentum</i>	<u>221</u>	<i>Ligare</i>		<u>120</u>
<i>Fugitivus</i>	<u>225</u>	<i>Liberi.</i>	<u>56. 148. 149.</u>	<u>220</u>
<i>Finita</i>	<u>229. 239</u>	<i>Liberi</i>		<u>20. 239</u>
<i>Fraus</i>	<u>131</u>	<i>Ligna</i>		<u>167. 168</u>
<i>Facere</i>	<u>175. 218</u>	<i>Littus</i>		<u>96. 112</u>
<i>Ferri</i>	<u>235</u>	<i>Locus</i>		<u>60</u>
<i>Filius</i>	<u>84. 116. 122. 201</u>	<i>Liberatio</i>		<u>46. 47.</u>
<i>Filia</i>	<u>164</u>	<i>Libertus</i>	<u>59. 105. 172. 284</u>	
<i>Frater</i>	<u>201</u>	<i>Lis</i>		<u>36</u>
<i>Familia</i>	<u>40. 166. 195. 196</u>	M <i>Ille passus</i>		<u>154</u>
<i>Fruges, frumentum</i>	<u>77</u>	<i>Mensis</i>		<u>98</u>
<i>Fundus</i>	<u>60. 111. 115</u>	<i>Major pars anni</i>		<u>156</u>
<i>Fructus</i>	<u>25. 26</u>	<i>Magister</i>		<u>57</u>
<i>Furem esse</i>	<u>174. 200</u>	<i>Maximus</i>	<u>90. 126. 161. 169.</u>	
G <i>Estum</i>	<u>19. 20. 58</u>	<i>Meum</i>	<u>25. 91. 205</u>	
<i>Generi</i>	<u>136</u>	<i>Morbus</i>		<u>101. 113</u>
<i>Glans caduca</i>	<u>30. 236</u>	<i>Multa</i>		<u>131. 244</u>
<i>Gestus</i>	<u>19. 20</u>	<i>Munus sive donum</i>		

Mover

INDEX N. U. P. ET RER.

<i>Mangones</i>	207	<i>Potestas</i>	215
<i>Mercatores</i>	<i>ibid.</i>	<i>Persequi</i>	57
<i>Morari</i>	<u>l. 233</u>	<i>Pertinere</i>	70. 181
<i>Minus</i>	150	<i>Præstare</i>	71
<i>Monstrum</i>	<u>135</u>	<i>Peperisse</i>	132. 171
<i>Mortuus natus</i>	<u>129</u>	<i>Perficere</i>	139
<i>Mulier l. 101. §. fin. 195.</i>	13	<i>Pernoctare</i>	166
<i>Municeps</i>	228	<i>Portari</i>	235
<i>Materfamilias</i>	<u>46</u>	<i>Penes</i>	63
<i>Merx</i>	66. 202	<i>Palam</i>	33
<i>Malum Nabis</i>	<u>242</u>	<i>Postquam</i>	217
N <i>egligentia</i>	<u>226</u>	<i>Parentes</i>	51
<i>Numeri pluralis nomina</i>		<i>Posthumus</i>	64
	211	<i>Puer</i>	161. 204
<i>Noxa</i>	<u>237</u>	<i>Patroni</i>	12
<i>Numerus singularis pro plurali</i>		<i>Possessor</i>	39. 7
	158	<i>Perduellis</i>	234
<i>Nondum natus</i>	153. 162. <u>231</u>	<i>Paterfamilias</i>	195
<i>Nati</i>	104	<i>Pupillus</i>	239
<i>Nurus</i>	50	<i>Provincialis</i>	190
<i>Neptis</i>	<u>136</u>	<i>Pars</i>	25. 26
<i>Notio</i>	<u>99</u>	<i>Pecunia</i>	<u>4. 97. 222</u>
O <i>pprobrium</i>	<u>42. 224</u>	<i>Peculium</i>	182
<i>Optimus vide Maximus</i>		<i>Pomum</i>	205
<i>Oportebit</i>	8	<i>Pascua</i>	30
<i>Oportere</i>	<u>37</u>	<i>Pratum</i>	31
<i>Orationum vis</i>	<u>28. 29. 53</u>	<i>Portus</i>	59
<i>Oppedum</i>	<u>239</u>	<i>Prædia</i>	198
<i>Ostentum</i>	<u>38</u>	<i>Proiectum</i>	242
<i>Ornamenta</i>	<u>24. 245</u>	<i>Persecutio</i>	34. 18
P <i>robrum, vide opprobrium</i>		<i>Petitio</i>	178
<i>Proximus</i>	92. 155	<i>Prævaricatio</i>	212
<i>Pellex</i>	144	<i>Pronunciatum</i>	46
<i>Portio</i>	164	<i>Pœna</i>	131. 244
<i>Portio virilis</i>	145	<i>Plebs</i>	237
<i>Pluris</i>	192. 232		

Quinti

INDEX N. U. P. ET RER.

Q uantum <i>ca. res erit</i>	<u>179.</u>	<i>Serbi</i>	20. <u>239</u>
	<u>193</u>	<i>Solutio matrimonii</i>	240
R eliqui	95. <u>160</u>	<i>Statue</i>	<u>245</u>
<i>Repudium</i>	<u>101. 191</u>	T ellum	25. 91. 205
<i>Ruta casa</i>	241	<i>Terrenia</i>	137
<i>Rapuisse</i>	9	<i>Transitum</i>	<u>229. 230</u>
<i>Restituere</i>	22. 35. <u>73. 75.</u>	<i>Testator</i>	<u>64</u>
	<u>81. 246</u>	<i>Toga</i>	180
<i>Rationes edere</i>	<u>89. 94</u>	<i>Telum</i>	233
<i>Relig.</i>	<u>33</u>	<i>Tabernacula</i>	<u>184</u>
<i>Rusticus</i>	<u>203</u>	<i>Terranobialis</i>	30
<i>Res</i>	5. 6. 23. <u>72</u>	<i>Tugurium</i>	<u>180</u>
<i>Roma</i>	<u>87. 139. 147</u>	<i>Taberna</i>	<u>183</u>
<i>Res immobilis aut soli</i>	<u>93</u>	<i>Tributum</i>	<u>27</u>
<i>Recognoscere</i>	56	<i>Totum</i>	25. 5. <u>1</u>
S ubsignatum	<u>39</u>	<i>Tabula</i>	245
<i>Supremus</i>	<u>92</u>	V itium corporis	<u>101</u>
<i>Suum</i>	239. <u>213</u>	<i>Usura</i>	<u>121</u>
<i>Speciosus</i>	100	<i>Venalicij</i>	<u>207</u>
<i>Stuprum</i>	<u>101</u>	<i>Vincula</i>	<u>216. 224</u>
<i>Solvi vinculis</i>	<u>48</u>	<i>Vivere</i>	<u>234</u>
<i>Solvere</i>	<u>176</u>	<i>Virgo</i>	<u>242</u>
<i>Suado</i>	<u>128</u>	<i>Vidua</i>	<i>ibid.</i>
<i>Socer</i>	<u>146</u>	<i>Urbani</i>	203
<i>Sequester</i>	<u>109</u>	<i>Villici</i>	<i>ibid.</i>
<i>Stipula</i>	30	<i>Urbs</i>	<u>239</u>
<i>Stragula</i>	45	<i>Victus</i>	<u>64. 45. 234</u>
<i>Sylva cadua</i>	<u>30</u>	<i>Vestis</i>	<u>45. 127</u>
<i>Sponsio</i>	7	<i>Vestimentum</i>	<i>ibid.</i>
<i>Solutio</i>	<u>12. 32. 82. 117. 176</u>	<i>Vasa binaria</i>	206
<i>Spendium</i>	<u>27</u>	<i>Venenum</i>	236
<i>Substitutio</i>	<u>183</u>	<i>Ususfructus</i>	25. <u>26</u>
<i>Satisfactio</i>	<u>161</u>	<i>Usus</i>	230
<i>Statutum</i>	46	<i>Via</i>	<u>157</u>




ER-

ERRATA.

Lit. A. num. 1. lin. 3. L. pro I. n. 8. l. 6. viro. lin. 15. statum. *lin.* 16. leg. torquendo pro loquendo. l. 25. materia. n. 5. l. 17. ortum. l. 21. distinguantur. n. 8. l. 11. Juri pro tunc. l. 16. teletur. n. 9. l. 16. cohaereat. l. 29. verbo. Lit. B. n. 15. l. 20. debetur. n. 19. l. 12. empto. n. 23. l. 3. quod l. 29. partes. n. 25. l. 6. proprie. Lit. C. n. 29. l. 20. patrimonio. n. 31. l. 22. actus. l. 24. *συν.* n. 35. l. 29. moreretur. Lit. D. n. 43. l. 16. heredem habet nisi. n. 44. l. 8. habetur. l. 20. redimendi causa persequitur. n. 47. l. 19. pertinet. n. 53. l. 3. restringitur. n. 54. l. 13. sclopetæ. n. 56. l. 4. se de le. Lit. E. n. 64. l. 3. inser. *continetur.* l. 25. secutum. n. 66. l. 18. obstrictum. n. 74. l. 8. sericum. Lit. F. n. 76. l. 5. Arbitrari. n. 79. l. 3. & 4. accipere. n. 81. l. 30. data. n. 85. l. 8. Fulcininus. n. 86. l. 26. rei. n. 87. l. 26. Quæ. n. 89. l. 6. minimum pro maximum. Lit. G. n. 91. l. 12. pupilla. n. 94. l. 2. reipsa. l. 3. habet. n. 99. l. 12. redditis. l. 19. damnas. n. 101. l. 17. bona dele. n. 102. l. 14. respondet Celsus. n. 103. l. 27. hic. n. 105. l. 4. ipsos, pro tantum de ipsis. n. 106. l. 11. & in. Lit. H. n. 108. l. 9. abrogatur. l. 10. derogatur. n. 110. l. 18. dimittatur. n. 116. l. 24. Perduellionis. n. 122. l. 25. maximum. Lit. I. n. 123. uxori pro marito. l. 28. fracti. n. 125. l. 18. liberis. n. 132. l. 27. illis quorum pro illi in cujus. n. 134. l. 8. urriq;.

Reliqua & sequentia candidus lector ipse
corrigere non gravetur.





BIBLIOTECA